

Дорога к счастью

10. 2000





Войвыв кодзув

БЫД ТӨЛЫССЯ ЛИТЕРАТУРНО-
ХУДОЖЕСТВЕННОЙ
ЖУРНАЛ

10
ОКТЯБРЬ
(ЙИРЫМ)
2000

ПЕТÖ 1926 ВОСЯНЬ

■
ЛЭДЗОННЫ:

КОМИ
ГИЖЫССЯСЛОН
КОТЫР

КОМИ
РЕСПУБЛИКАСА
ПЕЧАТЬ
УПРАВЛЕНИЕ

СЫКТЫВКАР

Александра МИШАРИНА. Тима Венълы. Кывбур	3
Виктор НАПАЛКОВ. Эзысь перна. Роман	6
Владимир ТИМИН. «Кёнкё кёдзыд...» «Ак, ёна жё нин паськыд мирыс...» «Тэ со прёст...» «Миян ичёт грекъяс...» «Весьшёрё ме восси...». Кывбуръяс	41
Борис ШАХОВ. Клим Самарин да мукёд. Висът	45
В.Т.ЧИСТАЛЁВЛЫ (ТИМА ВЕНЬЛЫ) — 110 ВО	
Тима ВЕНЬ. Югыд вой, кёдзыд вой. Ок, эськё! Кантеле лоём ийылсы. Йёз муын. «Сідзи сылёмнас...». Кывбуръяс. Тёлё. Висът	62
ЁРТА СЁРНИ	
В.Д.ПРУЧКИН, С.А.КАРАКЧИЕВ. Кык удж — ёти мог	66
В.М.КУДРЯШОВА. Из сайысь Венъё Ярко Юрё	75

□ □ □

СЕВЕРНАЯ ЗВЕЗДА



**Ежемесячный
литературно-художественный
журнал**



Учредители:

СОЮЗ ПИСАТЕЛЕЙ РЕСПУБЛИКИ КОМИ

**УПРАВЛЕНИЕ ПЕЧАТИ
РЕСПУБЛИКИ КОМИ**



РЕДАКЦИОННАЯ КОЛЛЕГИЯ:

Главный редактор

Михаил
ЕЛЬКИН

Альберт
ВАНЕЕВ

Виктор
НАПАЛКОВ

Ответственный
секретарь

Алексей
ОДИНЦОВ

Зам. гл. редактора

Александр
ПЕТРУНЕВ

Владимир
ТИМИН



Тима Венълы

ЧУЖАН ЛУНСЯНЫС 110 ВО ТЫРИГКЕЖЛАС

1.

Кос гожём бёрын
зэра нин водз арыс.
Моз тёльсь тшакён
озырмёдіс бара.

И сёрдын, ягын
бара лоис йёза.
И пув, и чодлач
воис горда-лоза.

И муяс вылё
петтёдз абу ылын.
А сынёд кёрыс
арся кодь нин кылё.

И пельсыыс сы мында,
вомад шома.
Со, бара олім,
воим гожём помас.

А кадыс лэбб
арланызд тай рёдйён.
Кызд пёрысъладор
олём кольё ёдйё.

Со, меысь томён
колис Тима Венъыс.
И Савинлысь нин
олан вояс вені.

А найё пёрысь тунъяс
кодьёсъ быттьё.
Ме ёна томён
ачымёс пыр лыдди.

На водзын велдчысыён
кыла рамён.
И шензя налён
вежбръясён, сямён.

2.

Абу эськё, гашкё,
тадзсё мича.
Но ёд тайё лоö
коми ногён.

Тима Венён
ыдждёдла и видза.
Казтывла пыр
съёлём гажён-шогён.

Гижысьяслён миян
сэтшом олём.
Аддзыны да тёдны
йозлысь дойсö.
Мортлон съёлёмъясöдз
кортöг волам.
Унасыг ог узьлой
пемыд войсб.

Сидэ жё, гашкё,
«Трипан Васынд» чужис.
Унмыд вошліс,
кодыр сийос гижен.
Сэтшом том на
вöлін сэки. Кужин
мешёр мёвпсö
нуны катыс пыжын.

Вылын пукалысылы
мунны паныд.
Эштöма нин сэсся
ловийон кольны.
Сэк и аслыд
пом воёмтö панин.
Нинём танi
«мыжатом пё» дольны.

Гижысьвойтыр
мыжайось пыр лоам.
Аддёмторсö
петкёдлам кё стöча.
Нёшта, чинакёд кё
венё воам.
Ассыс нырвизь
сийю помёдз вёчас.

Выль советской
рабъяннад тай лёсыд.
Сиктын няньтöг...
Сынёднас мёй пётан?..
Гуся мутор, видзор
он на лёсьёд.
Шутёгыс он вермы,
кодыр тёдан.

Гижёдтортö быд ног
позвё қывны.
Сэки весиг
пуксыёдлісны вётысь.
Югыд олём тэчиг
нора сывны.
Бытёйн коркё
казтыштасны мёдысь.

Йирым тёлсыс
чужтыліс поэтос.
Йирым тёлсысыс и
бёрсö нуис.
Пармалы да йёзлы
съёлём сетіс.
Ассыс кывсö
колан кадо шуис.

Тайё лунся
оломас эм пайыс.
Сыланкывыйс
лэбзьё парма вомён.
Колис нэмъяс кежлö
Ыджыд айён.
Ен югыдсö мед кё
колис томён.



ЭЗЫСЬ ПЕРНА

РОМАН

Кык во мысти, Благовещенньё бёрын, кор помасис кыйсъёмвöралём и мужичойяс воисны чös туйяс вылысь, Öврам кутіс лöссыöдчыны керка кер пöрдöгкежлö. Тимö шуриныскöд лямпаяс вылын кытшовтисны грэздгöёрса вöрсö. Корсисны сэтшöм яг, кöн эськö пожöм пусыс вöліны и топыдöс, и чукöраджык, и матынджык. Босытисны тöд выло и сийö, мед кокниджык вöлі петкöдны мерайтöмён чинталём пуссö. Мыйта вевъяласны, кутасны кыскавны вöвъясöн тувсов лым вывті на. Лунö бана мусы вылын да чурк бокшаса вöръясын кö ёна нин рöшкыцдмис лымыйс, вöйвыв пöкатъясас абу на вöрзылöма. Но тадзи сöмын кажитчö. Эз нин чаромавлы, и вöйласян весиг асывъяснас паськыд лямпаён. Пу вожъяс вылын эз öшавны лым туктаяс, и став вöрыс сярвидзис синтö ёрана шыльыд лым вылын. Узьёны на пожöмъяс, козъяс, кыдзъяс, пипуяс, и садьмасны сöмын сëк, кор вужъясыс кутасны нёнявны мусыслысь сылём сöссо. Енэжыс пöрччис руд чышъянсö и луныс-лун лоö лöзджык да джуджыцджык; оз нин пусыс пуö чеччав и шондëыс: каттысьö пыр вылöджык, дырджык шонтö да югзьöдö енвеят увсö.

Зяти-шурина мунёны öти лямпа туйöд. Öврам жалитис тестьыслысь Мёдим понсо, мыйла и босытис, вöйласигас кок лапаяссö сöмын жуглас. Водзынджык Тимö — ыджыд да паськыд, шабур гёгöрыс кыз вöня, кузь пеля кöч ку шапкаа; восьлалис дженыыд лямпанас пыдö вöйласиöмён, ассыс джуджыцджык бедь выло мыйджышишталöмён. Яла кодь читкыля ус-тошсö тшётшкörтöма, нюз ныр бокъясыс волялоны посялomyысла. Шуриныс мозжö ишима, вöня шабура, баля ку шапкаа, Öврам öтьведайтис öтарыс-мöдарысь гойта вöрсö.

— То кутшöм югыд ягыс, поддïн вöртöм. Дашкö, султлам татчö,— шуис Öврам, водзалём вурун кепыссысö пöрччылöмён чышкыштис чужомсö, кык чунь костас гёрба нырсö топöдлöмён гораа сульсис.— Тэ, Тимö, лыдды, кымын пу тась шедас, а ме водзыс-джык видзöдла, мед кык нырён пöрдчыны.

— Ноко, матыстчыл. Медводз артыштам, кымын пу колмас миянлы, кöть нин ылосас.

— Павелкöд ми арталым нин, ветымынös пöрдлам, а тэсся тон видзöдлам. То, татшöм ловö керкаыс,— Öврам бедь помнас кутис гижийöдлыны лым выло:— Танi нёль стен, керкасö шöриалас витöд стен, танi öшиньяс; танi вылi судтаас катöдö джуджыд кильчö, а танi улi судтаö пыранин. Зэв кивылъя квайт пельбса керка. Кык судтанас позьё вöчны либö керка джынсö, либö ставнас. Кыдз тэ видзöдан? Веждимад некымын керка нин татшöмыс. А во кызь сайын öти на-ай вöлi.

— Купеч Поповыдлон?

Водзыс 8-öд номерын.

— Да, Павел Петровичён. Дашкё, сылён моз ставнас вёчны кык судтаён? Купечыдлын уліс судтаас лавка, а менам школа ловё, посни челядьлы.

— Одвакё олам сийё кадёдзыс, қор Пармачуркын велёдны кутасны,— зятыслён босытчомлы съёкыда эскис Тимё.

— Шувам: оз ло некутшом школа. Но вед менам кык пи. Павел гётрася... Митрей быдмё... Челядь ловасны... Кутшом нё ме бать, коля кё найёс керкатөг. Тэ жё тёдан, ме ола тесътён стройтём керкаын, кыпёдлёмайс тэнад батызд да польызд на...

— Подула ния вёрыйд колмас. Менам керка подуло ю берегсызд пилитлім. Матынсö и абу нияйд,— век жо Ӯврам эскöдис шуринсö, та вёсна и шуис тадзсö Тимёыс.

— Сэсь жё и кералам, ытванас кылодам татчёдз. Ладнё, тэ лыдды тась, а ме водзё ветла...— Но Ӯврам эз на вёрзьёдчы, вежис сёрнисö:— Ӯксинь вот бордъясис... Гриш Миш Вань синсö кодзлодлö... Мый эськё тэ шувин, рёднёй чожыс?

— Абу путьтём морт Ваньыд. Вёрто пёрёдны помечён колмас, корлы жё сийёс.

— Ая-пиа кыкнанныс нін шыёдчылісны, асланым пила-черён пёй-локтам.

— Артельнад ёдйё пёрёдам. Пу дінъяс гёгёрыд водзджык сылё, оз ло манлив.

Ӯврам войласигтыр лашуктіс водзё. Тимё пырис яг шёрланыыс, чуньнас пүяслань индалігтыр кутіс лыддыны: «Оти, кык... сизим... дас... дас вит... кызы... кызы вит... кызы ёкмыс...» Лыддис комынёдз, и быд пу синнас нүодліс дінсянъ ийлөдзыс. Пармачурксаыс отдор татчё некод на эз тувччыв, и суаліс нэмёвойс, вёрзьёдлыштём парма. Чужёмнас Ӯврамлань бергёдчомён Тимё сетіс голёссö:— Ылодз эн мун! Татысь и шедас керка вёрыйд!

Рытсянныс Ӯврам кытшовтіс грездса став керкасö, корсис вёр пёрёдись-помечалысъясöс. Нюждыны кадыс эз вёв, му выв уджъясöдз керъяссö коліс вайёдны тшупсян местаёдз, косьмытёдзыс кырсыны. Гашкё и, көть нин джын мындасö, вевъяласны на пазыны. Пуктыссыём бёрын турун ытшкытёдз бара лоё стрёка, кор позяс чукортлыны ийзёс помечасыны — ләптыны сруб. Ставсö арталысны ая-пиа — Ӯврам да Павел.

Пармачурк весьтö войыс локтіс шоныд да юғыд. Юғыд лыдтём-тшоттём кодзуувъясысь. Ӯврам суаліс пос помас, оз узьсы да петіс куритчыны. Юр весьтас, посни изъяса мир туй моз, вольсасьёма утка туй. Енэжыс, помсянъ помбдз, вераліс-ворсіс — оліс аслас олёмён. То ётарын, то мёдарын, исковтлісны муланыыс кодзуувъяс. Эзысь толыссыс ыджыд да гёгрёс, югёръясыс усисны керка ўшинясö. Грезд горувса лымъя мұясыс кажитчисны пемыдлөзөн, а на гёгрё суалыссь вёрыйс вёрзывтём съёд. Чомсыыс петаліс Мёдім, никсыштіс, пось кывнас нюльштіс Ӯврамлыс кипыдёссо, ниртчыштіс кёдзыд да улис ныр ийвнас, и бёр тювкнитіс сылы тёрмөнъя гёгрёс розьбд аслас узъланінö. Понъяс тёдёны горт гёгрёс, сомын кырсасигён пышыласны потшёс сайысь, сэки грезд пасыта кылё пон свадьба голёсис. Мёдімлён эм аслас кыр пон — Тимёлон еджыд плешка Лысаныс. Казялас кё Лысан бёкөвйи понлыс Мёдімкёд исасъёмсö, бур эн виччысы: вын серти Лысанкёд водзасасысыс абу.

— Кодзуульяссö или мый лыдян, петін да вошин? — кильчо вылас көмтөгыс, кузь дёрёма да лёзь юрсия петіс Ульяна.

— Мыйкё тай оз пырсы, мича войыс да.

— Пыр нін, пыр, аски съёкыд лово луныс, шойччыны тэн колё, а то унпöтыд оз шед.

— Сэтшом сээзь войыс, а эз весиг ыркнит.

— Ассыс пайсо кёдзыдаліс нін, тырмас.

Асывнас Мёкей Осип керка дорё вель уна мужик чукёрмис, отасыны Веждімсянь воис и Вассалён верёсыс, Никонор; ставны асланыс пила-чераось, шабураось, тюниаось. Пажнайтны, мудзасны да, татчо воласны. Абу ылын керка вёрыс. Лөнъ, төврутём. Абу кёдзыц, абу жар. Асъядорыс рудодіс енэжыс, ывлалыс буқыдмис. Буретш лёссыц поводя кер лэдзысьяслы. Воисны вёрас да, сёрнитчисны, кодаро йылён пёрёдчыны, кодлы кытчо сувтны. Параён-параён шуисны пилитчыны кык воропа пиланад, коймод кутас ёсь йыла зібйон йётлавны пусо бокланыс, мед мёдаро эз нёр. Куим пара лоис, кык том морт пу дінсыс лымсо кутасны весавны, сэсся и, мыйта вевъяласны, увыйсыны кутасны. Мёкей Осипос да Кузьма Прокёос, медся оломаяссо, жалитісны да, гортаныс мёддісны. Өврам көть и висыталіс нин Уляыслы, дасътой пё уллюнья сёян, нёшта отчыц шуис тесьтыслы: мияны пё мед споринаа вёлөга лёсъёдасны, кослунъянаад пё пүясыц оз кутны пёрласыны.

Пернапасасисны, и гулыд ягыс тырис пила-чер шыясон. Кодаро пёрёдны, сыладорсяныс медводз тшупыштлісны черён пу дінсо, тшуподыслы паныцён и пилитлісны. Чернас коймод мортис и лёсасыліс, сы кості пилитчысьяс лолыштын удитлісны. Лёссыда на и пансис уджыс. Паськыд вожъяса пүяс ружтігтыр, быттё бөрдісны дойысла, брутмуналісны лым пио. Коми мортыд пила-чернад вёдитчыны велавліс ичтсаяныс. Ачыс войывса вёр-васы, съокыд оломуыс челядьёс, том йёзёс одио верстяммодісны. Лунъяс, вояс, нэмъяс — отаро кынёмпöt перйом и пёшти некутшом гаж. Коми сикт-грездъясын крестьяналён эз вёвны томанъяс сёмын сы вёсна, мый нином вёлі гусявнысö. Гёликыд быд керка пос помын, пач лыскыд — быд пачводзын, сёй гырничыд — быд заловка вылын, пеша ворыйд — быд пывсянын. А эмбураджык войтырыдён жытник одзёсис век вёвлі и пытшкёсса, и колькъя томан сайын.

Коми аньяс чужтылісны дас кагаодз, но унаён кувлісны сітан кокён на ветліғон. Көвтъясыліс быд пёлөс висьомыс, тёдысь-көлдунъяс эз вермыны бурдодны ни челядьёс, ни верстъёös. Уна висьом вайлісны лунвылыс локтём вузасысьяс, ёна кулалом вёсна йоз лыд содіс ньёжий, а шоркода олан арлыдыс вёлі кызь öти во. Бурдодчан турунъясысь отдор сикт-грездъясын некутшом лекарствояс эз вёвны, эз вёвны и пельшёръяс. Эжва катыдын медводдза больничайс воссис сюрс кёкъямыссё öкмысадасод воын. Колісны велодчом йоз. Войтырыс асыныс шыёдчывлісны медгрысысь веськодысысь діно, мед налон вёлостиаысын воссялісны эз сёмын ичотик школаяс, но и высшой училищеяс. Пемыдьис, няйта-дурка оломуыс йёзсо вермисны петкодны сёмын грамотаа йоз. Тайос съёломнас гёгөрвоисны Өврам ая-пиа. Ичотдыхыкыс, Митрей, пельсо чошкодомён кызвыліс батысылыс да Павел вокыслыс сёрнисö. Мортыдён быдмом-сёвмомыс уна ногён откодь ыджеид юяслён артмомкод. Му пытшкыс петысь ключъясысь артмёны ёльяс, ёльясысь — шоръяс, шоръясысь ичотик юяс, ичотик юясысь — ыджеид юяс. Код тёдас, кымын ёль да шор юктало Эжва юнымёс. Дас кык ароса Митрейёс кё позис на шуны сёмын лөнъ шорён, то кызь ароса Павел вёлі нин Изъяю кодь визув да вына. И тайё шорыс да юыс сольнитчылісны öти ыджеид юын — Өврамлон съёломын. Батысылы откодь донаось вёліны челядьыс, но Өксинь нылыс кажитчис медся меліён да шаньён, керка пытшкёссо югдодысыён. Корсюрё кё вёвліны здукъяс, кор батыыс

скёрмывліс пияныс вылёр, то Ёксинъ вылёр эз қыптыв гёлөсис. Мича да мелі нывтö по и медскёр поныйс оз пур, а кысь нин бать вермас скёрмыны аслас вир тусь вылёр, Коркё Ёврамлон нывпияныс котыртасны семьяяс, лоасны аслас челядь, и мед налён олёмыс лоис ёнія серти юғыдажык, мичаджык, шудаджык, коло сетны налы тёдомлунъяс. Мед тёдмалёны, кыдзи да кысь артмисны кольём войся юғыд кодзувъясыс, мыйла найё кельыд би кинъяс моз усялёны му вылас, мыйла лунъясыс вежласъёны войясон, шоныд гожём пыдди мыйла локтö джуджыд лымъяса кёдзыд толыс; мыйла кулалёны Енлы юрбитысь бать-мамлён посни челядьыс, да и асыныс бать-мамыс.

Ёврам, велодчытöм коми крестьянин, бытъён стройтас Пармачуркийн школа. Оз кё Ёврам, коди сэсся стройтас? Лёссыд Ёврамлы съёлём вылас татшöм думъяссыс. Коркё и ачыс кулас, а кутас сулавны керка, кытчö кутасны котравны кианыс нигаа нывкаяс да зонкаяс, кутасны казытывны грездын медводдза школа восьтысьлыс, Кузьма Прокё Ёврамлыс, нимсо.

А ёні мужикъяс пёродисны сийё керкасö лэптöм вылёр вёр. Веськыд пожёмъясыс ягыс кажитчис гёрд рёмаён, бытъё код-кё мавтыштöма гёрд краскаён.

— Колс! колс! колс! — кылис черлён камгöмыс.

— Дзиж! дзиж! дзиж! — кылисны пилитчöм шыяс.

— Гып! гып! гып! — ыджыд шыён пёрлисны веж лыска пожёмъяс.

Ёврам пилитчис Тимё шуриныскöд, отсасис налы кузь зібйён Никонор — латшкёсіник, тёрокаң кодь тэрый да вертлян. Пу зырйён вевъяліс шыблавны пу гёгёрысь и лымсо, и вочавліс черён тшупöдъяссö. Пажын бёрын нин, нёльёд-ö-витöд пожёмсо пёродигён, кысько нем виччысытöг тыдовтчис Мёдім: бёжсо гёгрöдлгтыр, лым пиö вёйласиг, котортö мулань нёрысь сывтыръя пожём улёр. Мед эз вётчи пёродчысыс бёрся, Мёкей Осип асывнас на сувтöдис понсо дом йылёр, а кыдзкё тай мездысъёма: кыйсян-вöраланыд оз радейт невöлято.

— Мё-ö-дим! Мё-ö-дим! — городис Ёврам и уськёдчис понлань, мед шыбитны сийёс пöран пу улыс. Вевъяліс: шыбитис Мёдимёс боквыв, а ачыс эз удит, лымайыс падмёдис вёчны воськовсö.

— Ёвра-а-м! — чепёсийис зятыыслань Тимё.

Ёврам весиг эз удит ойёстны, сой кыза пу вожыйс швачётис сылы балабёжас, муланыыс чужёмён личкис лым пиас. Ставён кытшалісны доймём мортöс, гатшöдисны лым вылас. И вомсыыс, и нырсыыс ылькийис вир, нинём нин аддзытöм руд синъяснас видзöдис буқыдмём енэжлань. Павел пёрччис шабурсо, сюйис батыыслён юр улёр, сэсся чаж косяліс дёрёмсö, бёрдигтыр кутис чышкавны вирсö. Но Ёврамлон петёма нин волі лолыс. Тимё тупкис зятыыслыс кынмём синъясс... .

Кутшöм съёд кырныштöяс вайисны татшöм ыджыд шогсо Пармачуркий? Мыйла радейтана Мёдим поныйис мездысис дом йывсыс? Али татшöм рёк шулёма Ёврамлы ачыс Енмыс? Шёйёвошом Никонор лэччыліс грездö вёвла. Руд енэжкис кутис буситны посни зэрён. Яг ланьтис колскöмыс, дзижгöмыс, гыпкöмыс. Неминучайыс грездын кывсис здукён. Ульяна оттпёлосён уськёдчис вёлалы паныд, садтöгыс усис лым вылёр...

Кык лун бёрдисны Мёкей Осиплон да Кузьма Прокёлён семьяясын. Кык лун бёрдис грезд. Коймёд лунас Ёврамёс дзе-

бисны. Кор күтісны веңттыны гортсö, Ульяна бара воштіс садьсö: көрт тувъяссö быттö тувъялісны эз покониклён гортйö, а сылон съёлёмö. Верёсыскöд кызъ во ётлаын олём бöрын, комын öкмис арёсон Möкей Öсип Уля колис дöваён.

Зятьсö дзебём бöрын Möкей Öсип дугöдіс пилитчыны тайö ягас. Пёрёдомасö увийисны, орйöдісны керъяс вылö, и лым вывті на вöвъясöн кыскалісны стынбöжас. Грэздын школа стройтöм тайён и помасис. Эз кö вöв тайö ыджыд шогыс, Гриш Миш да Веждимса Анна локтан арнас нин эськö коралісны Öксиньöс. Но бать кулан воад нывтö оз сетны. Гриш Миш Ваньлы лунъясыс кажитчыны вежонъясöн, вежонъясыс — воясöн. Дуль петмёныс петö вежыс Öксинь вылö, лун и вой думайтö ныв йылысь. Кадыс кö вöлі сыліа, Гриш Миш Вань тойлаліс эськö кадыслы сыліа. Но нинём он вöч, гёгсыд вылöджык он чечышт: ковмас виччысыны, виччысыны... И со, сiйö кадыс воис — сюрс öкмиссё дас коймёд воын, арнас, кор нин став нянь вöлі идралöма-меститöма, Гриш Миш Вань гётрасис муса да мича Öксиньköд.

— Даc куим лыдпасыс по шудтöм, вай нöröвитлам,— ас кежаныс аддзысылгъясöн шуліс Öксинь.

— Ог эсқы ме приметаясыдлы. Гётрасям — и ставыс!..— керштліс жёникыс.

Батьыс пыдди медбур кывъяссö шуисны том гозъялы нывлён ыджыд батьыс да ыджыд мамыс — Möкей Öсип да Мёдей Пекла, пöлlyыс да почыс — Кузьма Прокö да Педосья, мамыс — Möкей Öсип Уля, а сiдзжö жёниклён бать-мамыс — Гриш Миш да Веждимса Анна. Öксиньлон мунём бöрын быттö пемдіс Ульянаслён керка пытшкёсис. Зато, аддзö кö, нимкодясьо съёлёмыс мёдар юғыдас Елисей Гришлён, коді коркё коравліс нывкаöс аслас нук сайö. Нимкодясьо, надейнö и, Möкей Öсипköд сватъясöн лоёмысь.

* * *

Олёмыс, уна дойяса да тёждъяса, кывтö аслас сёртасöд. Ассыс уджсö вöчö и кадыс: кыткё шыльёдö, кыткё бурдёдö, кыткё и кеслö-вöснöдö. Möкей Öсиплы эз на пукавсыы паччöрад; кылö да, сöнйöраöс на ки-кокъясыс, и нучкасö верёс сайö сетöм бöрын регыд мунис аслас чös туйяс вылö — кыйны съёла-тар, сэсся и уравны на петис, дона зверъясöс кыйны. Бörъяыссыö кайис дырджык кежлö, Рöштво кежлö по локта, шуис Пеклалы. Кыйсыны петисны и Тимö, и Павел, и Гриш Миш ая-пиа, мукöд мужичöйыс. Павел босытис съёрсыс тшöтш и Митрей воксö, кодлы батьыс на вöчліс гёна пыдёса лызысö. Лунъясыс дженыыдöс, и кутасны кыйсыны вöр керкаын узълёмён. Звер-пöтка — сiйö и сёянтер, и сёём, мый вылö позьё ньёбны Веждимын вузасысыссылайс колана тёваръяс. Бабаяс горт олісны, горттöгöрса уджнокыс налы юр выв тыр.

Шог по оз ветлы öтнас. Пекла эня-нылаöс бара на сус ыджыд неминуча. Möкей Öсиплыс кын шойсö öшинь улёдзыс нортыйн кыскис Гриш Миш. Налён орчёнöс угодьёясыс, и Гриш Миш кылёма понийиссылайс омлялёмсö. Сы шыö петёма и аддзöма лым вылын куйлысь Öсипöс — вöр керкаас кыскö вöлём кералём нин йöра туша, сэки и сувтöма съёлёмыс. Йöра яйсö Микайлö нуёма Öсиплён вöр керкадорса тшамъяö, а сэсся сiйö жö нортнас и ассысö ваяс... Коркё ёна нин важён Гриш Миш гусявліс Möкей Öсиплён петлялыс йöра, и, быттö, грекыссы мынтöдчöм кодь и лоис кын

Öсипös кöинъясöн косявлöмис мездöмыс. Аски асывнас Ульяна босытс верöссылсись пищальсö да лызысö и лöсöдчис нин кайлыны вöр керкаö корсыны пиянсö — Павелös да Митрейös, но, слабог, асынис воисны. Грездö вотöдз найö эз тöдны, мый лоис ыджыд батыскöд.

...Со тай, Мöкей Öсип куйлö гортьын еджыд дöрёма, морöсöдзыс еджыд дöра улын. Юр улас корöсь, дзор тошкыс вывлань чурвидзö, кын чуньяс костас сись öзий. Ёнатö куричтылс да, гортьяс тыра табак кöшель да каллянpunktисны, косытöм кöч кок да черинянь и. Мöдар югыdas мунигён ставыс тайö згöдитчас. Тöвнад, кöдзыд пöраö кулис да, поконикöс кык лун видзисны гортас. Пекла эз сöмын бöрд, но и Иринькöд да мукöд бабаяскöд сыылс молитваяс. Гырысь и посни волисны прöститчыны Мöкей Öсипкöд. Коймöд лунас, керкасыс петкöдöм водзвылын, быдöн инмöдчылсны покониклöн кокö. Инмöдчылан кö пö, оз кут каститчыны. Синватö тай оз ков ньöбны, Ульяна бöрдис мамсыс на ёна. Во сайö на и колис, кор Мöкей Öсип дзебис Öврам зятьсö, а талун ассысö нин колльöдöны кыз му уло. Пажунöдз на Тимö вайöдис бать-мамлон керка öшинь уло пу доддя вöв. Мужикъяс петкöдисны гортсö керкасьс, пунктисны доддöй. Кузьма Прокö тасалис кильчö öдзöссö, мед сэсся поконикис некор нин эз пыр татчö бöрсö.

Шондитöм енэжыс руд, а ывлалыс югыд. Грездса стрöйбаяс вöйтчöмäöсь еджыд лым пиö. Чурк горулас муртса тöдчыштöны рыныш мыгöръяс. Тöвся лöнълун пукалис вöр-ва весьтын. Гын сапöга да тюни кöма йöзлön кок улын ёся дзуртис дзурыйд лым. Тшöтшöдöм бурыся меринлön паськыд ныр розъясыс кадыс кадö пуркнитлis кельыд ру. Тимö чукörtis вöв ныр улыс турун клöкъяссö, сюйштis горт бокас. Ульяналöн Митрей пыыс чомыйс лэдзис Мöдим понсö, мед тшöтш колльöдас ассысö кöзянисö. Паськыд сыылia кöбыла восылалис ас шодйöн, некодöн вöтлытöг. Грезд кузя мунигён покониклсис гортсö эз тупкыны — Мöкей Öсип тадзи прöщайтчис Пармачурккöд. Медбörтъя керка весьтö вöв сувтis, тупкисны гортсö, мед кöбыла кок улыс лымайыс оз резсы покониклöн восьса чужём вылö. Дöдь бöрысь пельпом вылас вомöналöмöн Павел нуис кык таса крест.

Кладбище вывсыс шочиник пүяссö эз керавлыны, и дзебан местайыс зэв мичайнын. Öти визын куйлöны Мöкей Öсиплöн, мöдлын — Кузьма Прокöлön, коймöдлын — Елисей Гришлöн котырысь кулöмъяс. Вöв вайöдис поконикöс гу дорöдзыс. Тимö да Гриш Миш Вань бöр восьтисны горт вевтсö.

— Вайö нö прöщайтчамöй... — шуис Тимö и шапкасö пöрччöмöн медводдзаён окиштis батыслыс кöдзыд да чорыд плешсö. Пекла горт вылас боксяныс мыджсыштöмöн лыддьöдлöмöн бöрдис, мöд боксяныс тадзи жö бöрдис Ульяна. Кладбищелöн ыркыд чöвлунын кылис чукörtchöм йöзлön сылöмыс: «Святый Боже, святый крепкий, Святый бессмертный, помилуй нас...» Веждимса Анна öтар киас морös бердас топöдöмöн кутис неыджыд Ен-образ, веськыднас чöвталис пернапас, лыддьöдлис нюжийдлïгтыр: «Слава Отцу и Сыну и Святому Духу, и ныне присно и во веки веков. Аминь». Пöльыскöд сэсся öти бöрся мöд прöщайтчисны Тимöлön челядьыс — куим ныв да дас öти арёса пи, Виктор. Медыджыдыс, Вассыс, Веждимсянь воис верöссыскöд, Никонорыскöд. Горт помладорсяныс инмöдчылсны вом дornас ыджыд батыслöн плеш бердö Ульяналöн быдтасъясыс — Павел, Öксинь да Митрей.

Поконик бердö киңисö инмöдлöмöн прöщайтчысны Тимöлön гöтырыс — Пож Таттан, Öксиньлон верöсис — Гриш Миш Вань. Медбöрын прöщайтчыс Улляна: бöрдигтыр шыльöдыштис батыыслыс шочиник юрсисö да чорыд дзор тошсö. Пуктисны местаас горт вевтсö, и Тимö тувъялïс сэтчö кузь кöрт тувъяс. Пеклаös шöракостас кутисны Пож Таттан моныыс да поёён шуысыыс — Васса.

Öтар-мöдар помсянныс гезйöн кутомён гортсö лэдзисны гуö. «Колс! колс! колс!..» — горт вылö гылалисны дзебиссыяслон киясысь кын му кёмökкяяс. Гусö тыртigкостi кодсюрö кевлис лым питi аслас матьсалён крест дорöдз. Möкей Öсипös дзебисны бать-мамыслон гуяскöд орчён. Вылдыхык визяс, тасянь некымын воськов сайын, гуыс Öврамлён. Ульяна челядьыскöд, а сиджё Кузьма Прокö гозъя собисны Öврамлён гу вылö, чöвталисны пернапас, крест тас вывсыыс вешталисны лымсö и пуктисны сэтчö пирöг-шаньга.

Кладбище вылыс воём бöрын став рöдвујыс чукöртчылiс Пекла ордö — пызан сайын казытылiсны шонъян Möкей Öсипös. Бöрдöмыsla гырдмöм синма, нюрсмунöм банбока, Пекла вайис пачводз джаджысьверöссылышы выль на табак кöшельсö, бивасö, чукля каллянсö, мыччис медыджыд нукуслы — кызь öти арёса Павеллы. Шöр тушаа, сна жең, пемыздёрд юрсия, Павел тыртис каллянсö ас быдтöм чорыд табакён, тывкörтсö кыкысы-куимысь гирснитис биа изий, чард моз сявкнитисны югыд кинъяс, и бива тшак кутис чусавны би кинъён. Вель дыр чурскис каллянсö, мед тырвыйö öзийис табакыс. Керкаын кутис мёвкъявлы ныр розытö гильёдана табак дук, и Пеклалы кажитчыс, быттьёкё Öсипыс век на пукалö öдзёс дор лабичас и нёнялö радейтана иёг каллянсö. Ок-ок-ок, шондiбаной, оломой, кутшом тэ дженьыдик!

...Вöралысьяс пывсисны-мысисисны, и бара петисны кыйсян ордымъяс вылö. Гриш Миш Вань вöр керкаö катöдис тшötш и гöтырсö: шоныда пасытöдис Öксиньös, кёмöдис кок сертиис пелькиник ишимиöн, тюни юр сертиис лöсöдис сылы ассыыс лызы кörтöддяссö, а аслыс босытис пöльыслыс лызысö. Павел тайё пöръя öтнас мунис вöравны, Митрейös мамыслы да ыджыд мамыслы отсасыны гортас колис, сэсся по мёдис аскöдим босытла.

* * *

Овны эськё му вылас мирён да сёветён, öта-мöдöс пыдди пуктöмöн да радейтöмöн, но Русьса самодержец, цар Миколай чукöстис вермись мужикуловöс армияö — сюрс öкмиссё дас нёль вося гожомын, Илля лунлы паныда лунё, пансис Германиякёд ыджыд война. Муяс вылын воис-шептасис нянь, помёдз на ытшкытöм турун, а Коми мулён быд пельёсын мобилизация. Шогыс поздысис быд семьяö. Медводдаяс лыдын царös да отечествоис дорийны мунисны и пармачурксаис — Гриш Миш Вань да Прокö Öврам Павел. Павел кё вöлi гöтыртöм на, то Иван и во эз удит овны отлаын мича да чоскыд Öксиньыскöд. Уна да сьокыд синва кисьтисны колльöдигас мамъясныс — Ульяна да Веждимса Анна. Öксинь ырскакылiс верöс морёс бердас юрсö топöдыштöмöн.

— Служитöй вераён да правдаён, энö янöдöй Пармачуркнымёс,— бурё велöдисны салдатö муныссысöс Кузьма Прокö, Тимö да Гриш Миш.— Ен тиянкёд и бöр бергöдчöй гортаныд дzonьвидзайон. Лайсый парма вöрад моз жö стöча, но асыныд энö пырёй пуля улас...

Пёшти во чёж эз вёв некутшом юёр салдатъяссянь. И со, Веждімса волостной управао ёти борся мёд воис кык письмо — ётиыс Мёкей Осип Уля ним вылёт, мёдыс, казённойыс — Гриш Мишли. Письмояс Веждімсянь вайис Тимё Васса бать-мамыслы пуктысыны отсасыны локтігас. А тулыс волі, гёра-кодза кад. Локтігчожыс чеччис съёлымыс, ёд кодлы да кызд мыччас Гриш Миш ним вылёт воём съёд кытша, мёд ног кё, траурной рамкао босытм казённой конвертсо. Волостта управавын на висыталісны: тайо письмояс по усьом йылыс юёр. Сізднад, Вассалён воча чойыс, Оксинь, колис дёваён. Сізднад, Гриш Миш да Веждімса Анна воштісны писо, Ульяна — ассыс зятьсө. Джаггөрдён ийтчомаось грэздаяс ёта-мёдыскод: ётилон дойыс веськыда вуджо мёдлы, коймёдлы...

Бать-мамыс ордо пыртодз на Васса кежис Уля обысъяссо, коліс ёдйоджык нимкодьбиды письмонас. Кадыс рытторув нин, и Ульяна ноксис горт гёгёрыс.

— Олан-вылан, Уля об! Митрей нё кён?

— Олан-вылан, Вассук! Митрей? Митрей му путкыляло. Сія, коньёр, быд лун войдзыс му вылын. Отсасыны вовин?

— Отсасыны.

— Павлуксянь некутшом ювортор эн вай?

— Вайи, обё. Сійон и пыри. Письмо вайи.

— Господьой-Енмой!.. Господьой-Енмой! Лолья Павлукой, вайлы мен письмосо.— Ульяна окали кузь туйтё вуджигён съёдасьом конвертсо ётарсянь и мёдарсянь, топодіс морос бердас да чөвталіс пернапас.— Восыт вай ёдйоджык, лыдды, мый гижю.

— Пекла почёс чукост, кён сія? Митреиыдлы город, мед локтас. Отпрыйё нін и лыдды ставныдлы.

Ставён чукортчом борын волись на восытіс конвертсо Васса, босытчис лыддыны руд бумага вылёт карандашон гижомторссо: «Муёдзыс поклон, дона мамолы, дона ыджыд мамолы, дона Митрей воклы. От тёд, вовас-ё тіяны менам письмой. Талун миян частьо вовис полевой пошта, салдатъяслон письмо гижан лун, но унаён гижныс оз кужны и гортаныс ювортны нином оз вермыны. Кольом ар Польшын вовим косьо ки на ки, рукопашнойон бойыс шусьо, и ме кулмёныс бытшки аслам штыкён морт дасос. Оти виом немечлыс порччи ён кучик сапогсө да нямодсө, и комалі ачым, а ассым кокчөр кортодёс да киссюм тюпенъёс шыбиті. Уна мортос виомыс строй водзын менё наградитісны ыджыд орденон. Миянлыс тожо вионы сюрсъясон, йөzsө изёны изки костын моз, некод некодёс оз жалит. Сюрсъясон веськалёны немеч киё, и некымын лун нін борынътчам. Кужа нін сёрнитны рочён, велалі рочён матыкны, коми йозыд тані мозто матыкны оз кужны. Век сюмало кынмой. Ставным зэв няйтось, тойоссим. Оз кёло мир, миянос немечьясыд помёдз нырасны. Мыйкё кё ловё мекод, эно казтылой лёкён. Муёдзыс поклон дона польблы да почёлы, Тимё чожёлы да чожиньлы, налён челядлы. Мамук, ме пыди топодлы Оксинь чоюкёс. Иван зятькод ми торъялім, сы йылыс нином ог тёд. Митрей вок, кылзы мамтё, ёнджаха отсасы мамыдлы. Ставсыныд бырёма гажой. Ме тані тёдмаси уна бур йөзкод, кодъяс сулалёны гёля олысъяс дор, сулалёны войналы паныд. Пармачуркын гёра-кодза кад, а ми тані лоям няйт, вердам тойяссо. Месянь поклон став пармачурксалы. К сему — Павел. 1915 воя май».

— Мый? Семё Павел али мый шувин? — аслас пельлы эз эски Ульяна.— Павельд абу Семенлон.

— Абу вед и гижома Семенлон по, а к сему по, рочён

шувома.— Васса мыччис письмосо Митрейлы, коди школаын эз велодчыв, но Павел вокыс велодлес да, лыддысынгүй күжө. «Мый вочны мөд письмонас? Дашко, петкодлыны шог ваян конвертсо да ставныс отлаын и ветласны Гриш Миш ордас?— жутлес юрсо Васса — кызиник, гёгрөс чужома, туша-мыгёрнас баттыслань муныссы том нывбаба. Сидзи и вочисны. Нимкодълункөд орччон Ульяналөн съёлёмө ляскысис шог. Нимкодясис, Павелес ловъя да; полес мөд письмояс мисьтом юбрыс. Мед эсъко нином жө эз ло Оксинь нылыслөн веросыскөд — Иван зяттыскөд. Сэк жө, Ульяна эз вермы кутны синвасо, од татшом мисьтом конвертад өдвакө мыйкө съёлём кокньюданыс.

Йөз чукортө аддзис да, Веждимса Анна пос помёдзыс воча петис. Казялес Ульяналыс бордан чужомсө, повзис Аннаыд:

— Мый бара-ай ловома-а? Мый нө, сваття, бордан?..

— Микаилө дядьо гортад?— эз вевъяв вочавидзны Ульяна, водзджык юалес Васса.

— Гортын, Оксинь гортын и,— кынёмас кутчысис Анна, кылес, тыдало, съёлёмыс, эз бур юбрён локны.

Пуксялесны лабичө. Медбороын керкао пырис Оксинь, мёдарас вёлёма да — кузиник, гум кодь вёсныздик да гёгрөсеник, визув съёд синнас нүодис пукалыссыс.

— Вайлы, Оксинь, шырантө, сургучу конверт колё восьтны,— корис Васса, конвертсо мышкон кутис, мед эз тыдав сэссы съёд кытшыс. Пуксис виччысяна чёвлун, кылө сёмын гутъяслён ёсса зынъгомыс.

Гриш Миш ёдва гартыштис чигаркасө, кыз чуньясыс тіралисны да. Эштылес ёзтыны, да сидз эз и кутчыссы бива тшакас би киньыс. Озтасян кёлуйсө гартовтис кёшеляс, пунктисны пызан помас. Здукъясыс кажитчисны Гриш Мишлы помасьлытом кузьон.

Оксинь вайис ёшиныдорса тув йылын ёшалыс шырансө, нюркнитис вёсныздик гёллөсөн:

— О, Енмой, мый бара-ай сэн-а?

Васса кыскис конверттыс ки пыдёс пасьта бумага, нүодис синнас съёд чернилаа гижёдсө, и дорынътис синваыс, кыдзко тай сэссе лыддис жө: «Ваш сын, Иван Михайлович Липин, в бою с пре-воскодящими силами противника пал смертью крабрык под городом...» Юорсө гижома ёшыбкаястёг, но Васса лыддис коми ног.

— Пал? Усис али мый, сидзнад?..— чигаркасө шамралес Гриш Миш, тільыштис син доръяссө.

Оксиньлон лёссыздик обликис бледёдис, уськодчис мамыслон морёс бердё. Керка тырнас лёк горшон бордзис Веждимса Анна. Мамыс бердё ляскыссымён сыркъялес Ольга... Со татшом шог юбр воис сюрс ёкмыссе дас виттёд вося тулысын Гриш Мишлон семьяй. А оломуыс мунис водзё... Лун-мёдён мичаник Оксинь лоис дыр кисъкавлытом кос дзоридз кодь.

* * *

— Горзы, дитя, горзы...— нучкаыслыс парма чурк моз кыптём кынёмсө пыр на шыльёдё ыдкыд мамыс, Мёдей Пекла. А ывлалын зэрыс шливгё и шливгё, оз и думайт кобны. Дзик ковтём зэр эсъко да, мый сэссе вочан. Гымтём зэрыд тай дыр нюжалё. Съокыда чужтё кагасо Мёкей Осип Улялон кызь кык арёса нылыс. Сидзко, ныв ли, пи ли, кузь нэма лоас — съокыда вайсыссы нывбабаыд постав висьомъяссо кагаыслыс ас вылас босытё. Тайё

жё зэрыс кодь ковтём и энькаыслы, Веждімса Анналы, Ёксинъ монысын кага вайомыс. Ёксинълы эз на вёв и кызь арös, мичаник-лоссыдик да уджаслив, колис дöваён, одис энька-айка ордас. И со тай, кысько кынём кёвъялёма, көтү и некодсянь быттьёк съёктынысö, быд мёд мужичёйös босытисны служба вылад да. Эз сомын пармачурксаяс да веждімсаяс, но и коми пармаса став сикт-грездъяс ётарё мужиктöммисны: апаліс найös ад горша войнаыц.

А Ёврам Ёксинъ чужтö кагаös. Кор грездаяс казялісны том нывбабалыс кынём туём-пасъкалёмсö, быдсамыс кывсис, весиг татшомтор: Гриш Миш Ваныыс пё, надейнö, пышийис пронт вывсыыс, кёнкö пё тан шлындайтö, вёр керкаын да кён да. Энькаыс, Веждімса Анна, дась вётлыны гортсыыс моньсö, но пинь саяс на куттö кывсö. Писяныыс кё съокыдён колис, сэк эсько некутшом сёрни-молва эз вёв, Анна эсько ассыыс нылös моз и пестуйтis Ёксинъös. Яңдысътом бутыльыц этатшом съокыд кадö, война мунігён, кысько рушку кёвъялёма! Айкаыс, Гриш Миш, дорой моньсö, гётыр вылас весиг кокнас зыркнитлас: том бабаыц пё кага вайысь и эм! Гриш Миш эсько воюйтан арлыда на жё, но ётар синсö роскён дойдлёма, бутыльыс тускаліс, вот и эз шогмы салдатö служитны. Көтү и ётар синнас аддзö, вёралігад ковтöг дрёбтö оз видз, зэв на стöча инмö.

Веждімса Анна, торъя нин бёртъя кадас, тотъялö верёс водзас.

— Тэ мужик али мерин? — неважён на, ётлаын пывсигён, ку петмёныс ёзийис Аннаыс. — Ог нін и помнит, кор малыштлін медбörъяыссысö. Ме кодь арлыдаясыц кага на вайоны...

Аннаыс ачыс кузиник, косіник, вёсни кокъяса, плавкös морёс вылас люнъмунём нёньясыс тыртём табак кёшель кодьös — виряй вылас абу вежалана, а чужомыс пелькиник — гёгрөсіник, нёптола бан бока, векнъыдик нырбордъяса. Мича чужём вылас и петліс вежыс Елисей Гриш Мишлён. Оз позь шуны, мый эз радейтлы сийö ассыыс жуг мешёк кодь кокни гётырсö. Радейтліс. А вот бёртъя кадыс быттьё вежисны морттö. Водас гётыр бокас да быттьё берегö шыбитём кер куйлö: некыт оз гильёдышт, ни кыв ни джын оз шу. Мыйкё ётарё думайтö, синъясыс оз куньсыны.

— Кён нё Ёксинъыс? Некён тай оз тыдол-а... — керкаас пырёмён тшётш юаліс Гриш Миш. Сомын на вёрысь воис, вайдорлун сиасыны кайліс да.

— Код тёдас кён... Рушкуас кутчысымён тай жёдзис асылнас-а, — коса вочавидзис гётырыс.

Шабур вывсыыс лазсö пёрччытöдз на Гриш Миш петаліс мёдараас, кытшовтіс сарайсö, ветліс пывсянёдзыс: моныыс некён абу. Кага ваян кад аныслён, кытчö вермис вошнысö? Айкаыс жалитіс нылös, сиасигчёжыс Ёксинъыс юрсыыс эз петав. Мёдьё Пекла ордас али мый ветлыны? Буретш сы здукö катыданысыс локтіс ар дас кыка нывка, Кузьма Прокö рёдись, сылысь и юаліс: Ёксинъ моньös пё эн аддзыл?

— Аддзыл асылнас, лудö мёсъясös вётлігён, — вочавидзис нывкаыц. — Мамысъясö воли пырё, котасьома да оим ва.

Вёлисти лёныштіс съёлёмыс Гриш Мишлён. Локтіс гортас да пёрччысис, дёрём-гачсö вежис, суликодз жё котасис да.

— Пос помын съёла-мёд куйлö, күштін эсько, — корис Гриш Миш. — Этша таво пожём коллыыс, уртём во, тыдалö, ловё. Съёлаыс этша и, пелысътом арыс да.

Гöтырыс пызан вылö сёян чукörtic. Öтнас и нуръясис верöсис. Анна күштысыны мёдіс.

- Вöр керкаад узин? — юаліс гöтырыс.
- Сэн, дерг. Кон сэсся?
- Некод абу волома?
- Код локтас сэтчö сьöд вöр шöрад.
- Дашкö, мися, Ванюкным збыльыс пышъялö да...
- И тэ сэтчö жö. Кылзы ёнджыка йöзыслыс бызгöмсö.
- Ме вот чунъяс вылын сёись нин арталı...
- Мый арталı? — нином эз гöгöрво Гриш Миш гöтырыслыс шуёмъяссö.

— Öксинъыс сьöктöмсö. Тöлнас коркö сьöктöма. Помнита да, тöлнас некымыныс кайlіс вöр керкаад, ош яйтö-й, кör яйтö-й сыкöд кыскалинныд. Веждимö пöл-мöдись лэччыліс,помнитан вед, яйтö вузолны тай мёдöдлім. Дашкö, сэні другсо видзис да. Тэнö-й менö тай трасичаыд янöдіс-а, Ванюкнымöс и. Танi, Пармачуркъяд, некодкöд эг казёллы кырсасьöмсö-а.

— Нук пыдди-й быдтам, Ванюклыс пыдди.— Пач лыс пасьта сьöд тошсо ош лапа кодь кинас малыштis Гриш Миш, сук синкым пырыс дзёрнитліс гöтырланыс.

— Мы-ы-й?! Йöймин или мый тэ, Микайлö? Оз кол мен сэтшöм приданнойыд. Ассыыд нылтö быдты, велöд, да бур жöник корсь!— Анна скöрмöмысла кулак ыджда сьöласö лабичас ляскис, инсö воштis.— Мыйла тэ сэтшöма вийсян Пекла Уля ныл вöснаыс?!

— Мен уджалысъ колö, отсасысъ меным колö, сьöла юр вема баба тэ!— воча кыпöдис гöлöссö верöсис.— Öксинъ кодь зильсö кысъ тэ аддзан? Пола вот, ачыс на пышъяс тэ дïнысъ. Морт туйö он пукты моньтö, бур кыл он шулы. Щельö пырны сылы али мый, этатшöм томсянъ дöвабöн колис да?

— Кор нö нылыд дорö лэччылам?— ас выяс воём бöрын юаліс Анна.— Дашкö, тшыг олöны сэні.

— Ме пайысъ, кöть аски,— ружтовкерис Гриш Миш да кайис паччöрас. Дас кык арöса нывнысö, Ольгасö, Гриш Миш гозъя вежон кык сайын лэччöдісны Кулёмдінö Анналён чой ордö. Вомöд сайын сиктас воссис куим вося высшой начальной училище, сэні и кутас велöдчыны Ольгас. Дас-дас куим арöса нывкаясöс да зонкаясöс босытöны сэтчö, и сюйёны челядьлы юрас оз омоль ум-разум, а велöдёны училищеас Ен закон и роч кыв, история и география, физика и арифметика, алгебра и геометрия, естествознание и черчение. Медводдза училищеыс, конi велöдлісны поп гозъя, Эжва катыдын воссылис зэв нин важён, 1843 во на, кор кулёмдінса крестьяна кыпöдчылісны увтыртöмлы, гырысъ вотъяслы паныд. Буретш квайтымын во мысти, 1903 воын, Усть-Сысольскса земство шуис котыртны уездын начальной образование. Та бöрти вöлöстясын воссялісны выль и выль училищеяс да школаяс, библиотекаяс — пемыд пармаö шондi югöр моз писькöдчис югыдлун. Велöдисъяснас вöліны попъяс, попаддяяс, а сидзжö найö, кодъяс водзджык нин помавлісны разной сикас училищеяс да гимназияяс. Но олöмсö падмöдіс мирöвой война, сылён кузь гыжъясыс судзисны Россия империялён медылi пельösсясадз, весиг Пармачурк грэздöдз. Некод эз тöд, помасьлас-ö коркö тайö войнаыс.

А му вывтi восъялалis 1916-öд вося сьöд кымöръяса зэра сентябрь. Пармачурксаяс эз тöдлыны шойччöг, мыркисны уджсö кöть кутшöм поводя дырии. Лоасны кö нянь, вöлöга, вотöс —

сідзкө, кузь тёвсö вуджасны пöt кынёмён. Да и звер-пötкатö на кутасны кыйны. Со тай, Гриш Миш талун на кыйдöсön локтis, водзджык сиавлom лэчъясас шедома. Зэр кобис, и ывлалын лои тöдчымён югыдджык. Шоныц паччöрад Гриш Мишöс регыдöн личкис унмыс, кутiс шкоргыны. Сы бердö куткыртчis пöим рöма каныс, лапаяссö кывнас кötöдöмён дыр мыssис, сэсся босытchis кургыны кöзянсыс на гораджыка.

Пётка күштöм бöрын Анна няньшом ловзьöдны пуктis. Пöжасъяс тшöтш нуасны нылыслы, сьоляяссö да. Оз-оз да и видzöдлö уличлань, дыр тай ветлö моньыс. Мамыс ордын, конкö, пукалö, норасьё энъка вылас. «Дашкö, збыльсь бурöдчыны Öксиньыскöд? Уджаслив баба вед, абу пинькырёса ни. Веськодяс, мед кырсасис кö. Он и казёллы, быдмас чуркаыс да. Оз вот эскуссы дай ставыс: эз ас кöсийöмнас вöч татшöм дивётö; кодкö, дашкö, мырдöналiс да? Сё ей бог, мырдöналiс вед, тыдалö, кодкö...— быдторсö думайтis Анна аслас монь йылысь.— Дашкö, трасича пызыыц, Микайлö пакöститчis да, вöр керкаас узылганыс?» Анна ин ни места оз аддзы, киас некутшом удж оз лыб, дась кайлыны паччöрö, кузь тошкöдys кыскыны верöссö джоджöдзис да юавны: «Тэ нюжийöдлiн дöбратö? Тэ сьöктöдiн Öксиньсö?..» Оз, татшöмтор Анна оз вöч. Микайлö абу мыжa, Микайлöлы дыш малышты гöтырсö, а күтшом нiн сэн пöдруга видzöм. Тыпу!— быд мисьтöмторсö думайтö Анна, дась нетшкыны ассыыс юрсисö — вежöглуныс сёйöмён сёйö. «Öксиньыц том да мичa, Öксиньыц аслас пöсъ вир-яйöн любой мужиклысь вöрзьöдас...»— быттьö асыныс бесъясыс шöпкöдöны Анналы пеляс, кöттэ сэсся йöймы татчö.

Век жö Анна кыпöдchis гöбöч вылас, киён судзмёнья лои верöсислöн паськыц тошкöд, вот-вот нямыртас. Гриш Миш, тыдалö, мичa вöт аддзис: ун йывсыыс то нюмъёвтö, то ымостыштö, пельпомсö вöрöдыштö. Паччöр кузьта ногыс гатш водёма, багатыр кодь куйлö. Нелямын сизим арнад, дерт на, багатыр кодь. Тошкас судзöдчигöн и казялiс Анна: верöсислöн ичöt мишиыс гыбыштöм бугльöс ком моз дринвидz гач вож пырыс. Вунiс Анналöн став вежöглуныс, шондi водзын лым чир моз сылiс. Гатшасис гöбöч вылас и öти увъя керийöс моз Микайлöös быгыльтiс аслас кос морöс вылö.

* * *

— Бласлö Кристос, нылукöс Енмыс сеitic,— пернапасасис Мöдей Пекла. Грездын кодсюрö шулiс сiйöс и Мöдьö Пеклаён.— Кузь нэм да бур шуд нылуклы!

— Ыджыц мам, а мамö нö кён?— усьöм, вынтöммöм гölöсöн юалiс Öксинь.

— Митрей вокыдкöд гумла вылынöс. Тöдiсны кö, важён нiн эсъкö локтisны. Мамыц весиг оз чайт тэнö татысь, энъка-айка ордсыц чайтö.

— Ме тэсся ог мун сэтчö... Он вöтлöй миянöс, ыджыц мам?

— Важён нiн колiс локны. Тырмас Веждимса Анналы казачитны. Мамыц лун-лун бöрдö, жалитö да...

Энья-пиа варттöг эз кольны ни öти кос кольта. Гумласа лэбулас жö и тöлöдасны сэсся коркö.

— Тэ, Митюк, кай гортад, ме тась идзассö идралышта, зэр

вавыс мед оз кётөд,— пиыс дінө шыёдчис Ульяна. Идравнысö эськô нинём нин эз и вöв, мыйкô мёдтор вöсна на кольччис мамыс. Идраліс вартан паличьяссö, пörччомён пыркодис шабурсö, сэсся пырис ломтылom шоныц рынышас, нар вылас чöйтис шабурсö и нёровтчис. Юрийв öшиныс восьса, абу курыц дука. Быттьö тöрыт на-ай кутчысыліс тані, тайö нар вылас Родионысköд, а быдса олом нин олома, кызь вит во коли сэксянъ. Ачыс нин, здук-мёд сайын со, лоис ыджыд мамён. Тöдис кö, котörtis эськô гортас, а оні куйлö пемыд рынышын, тупыльö шöрт моз каттьö олом вояссо.

Ульянаös личкис не то вугыр, не то вöт. Костöдом рыныш öдзöсис быттьö дзуртыштis, и пырис сэтчö ... Родион.

«Олан-вылан, Ульяна...»

«Тэ али мый, Родион?...»

«Ме, ме. Гажой бырис, зэл ылісянъ локтi...»

«Лок, лок. Менам бырис жö гажой»

«Огö йöзасьёй?»

«Ме некодысъ ог пол»

«Абу мой верös сайын? Öврамыд корасыны кöсийис волыны да...»

«Дёва ме... Матöджык матыстчы, топöдчылам...»

«Пемыд. Нинём ог аддзы»

«Пемыда и лок. Эзысъ пернаыд морös вылын, гёгёр со югзьёдö...»

«Оні аддза, тэнö и пернатö аддза»

«Жаль вот, ассыда питö он аддзыл»

«Ассым пиös?..»

«Да, пи тэнад эм. Тэлён кодь жö мампасаös чужтылi... Матыстчы, топöдлы менö, питö пыдди тшöтш топöдлы... Воюйтö конкö Павлушöй, ылi мүүн воюйтö...»— Ульяна паськодис сывсö, кöсийис топöдны Родионös сылi гёгöрыс и ... садымис. Зонмös пыдди, вöлёмкö, рынышсыс пемыдсö топöдлö.

Муртса кежлö и ойбыртлiс, а Енмыс кысъкô Родионös вöтö уськодlis. Эз жö вед Павельскöд мыйкô ло. Майышлун шымыртис ныvbabaös. Грэздысъ кодкö да кодкö быд вежон лэччывлö Веждимöдз. Мыйкô кö лёктор лоис дона пиыскöд, вöлöстьса управасияныд эськô кабалатор мёддöснис, сэтшöмös жö, кутшöм мёйму Елисей Гриш Мишлы воис. Воö тай кабалаыд, кöть и ылісянъ. Иван зятьсö этатшöм томён виисны германечьясыд. Öксиньös дöвайён колисны. Удитас и дöвуйтны, коньорушко. Кутшöмкö сötана и сьöктöдома на нывтö дай, яндысъстöм бутыльыд, абу тай жалитöма. Ваяс Öксиньös гортас энъка-айка ордсыыс, талун-аски и ваяс, мед сэсся гортас и чужтас кагасö. Ульяна думсыыс кörитис нылыслыс туска синма айкасö, Елисей Гриш Мишös, и, сэк жö, веськыдасö мыжавны эз лысът. Сöмын по-зис ылöсавны, мый том ичмонаыс веськавлöма айкаыслöн сывиöй. Збыль кö тадз, то Веждимса Аннасянъ бурсö виччысыны ниномла, Öксиньлысъ лы пытшысыс вемсö кыскалас.

Веськавлiс кö вед мёд сывиöй, важён нин эськô йöзасис: лёк славаыд век водзвылад котörtö. Бур кöть, батыс эз тöдлы татшöмторсö. Сарство небесной сылы. Дженыыд нëма вöлёма Öврамыс, ёна зэлöдöм вöсни гез моз войнатöг орис олöмыс. Кöть кутшöм удж он босыт, ок кыдзи колоны мужичой киясыд. Слабог, посни челядь эз колыны. Öзийсъ сись водзын моз кö висьтасыны, эз вöв ыджыд муслуныс Öврам да Ульяна костын, но дыр каднад

велалісны, мевмисны ёта-мёд дінас: дыр новлігён пё и пёла шапка пуксью юр серти. Нёль во нин дёвуйтö Ульяна, жалитö Ёврамös лёк ногён кувсъомыс, а вётас, мыллакö, веңджык Родион уськёдчö. Бур ногён. Садьмас да жалитö, аддзылёмторыйыс абу збыльтор да. Шог-печальыс сы мында нин поздысис Ульяналён съёлёмö, водзёсö некытчö нин. Вермас вед и потны сэсся съёлёмыс.

Ёна нин пустаммис Ульянаяслон керкаыс. Оні ётарас и тёрёны. Слабог, семьяын эм мужик мыдҗёд да — Митрей пиыс. Мед нин регыдджақ войнаыс кусіс, гашкö, Ен отсöгён, Павел дзоңьвидзён воас. Сэки бара на югдыштас Ульяналён съёлёмыс, ки-кокыслы этшаджык мудзыс кутас сюрны и. Пекла, ен сыкёдён, нинём вылö на оз норась, көтт и му вылад ни, горт гёгёрыд ни оз аддзыв инсö. Кысян стансо во кык нин эз сувтöдлыны, сарайас куйлö. Тырмё на кём-пасъкомуыс. Митрейлы батыслён нин кölуйыс буретш. Сылысь и новлö оні медсясö, кёмыс весиг лёсялö. Регыд батыслён чös туй вылö каяс, мамсö да ыджыд мамсö пётка яйён кутас вердны. Ульяна абу пинькырёса да грездад быдёнкёд ладмё-лёсялö. Тимё вокыс рytторувъяснас пыравлö, гётырыс и. А Виктор пиньыс, коді ар-мёдён сёрсяджык Митрей серти, тушанас панийис нин воча воксö. Батыслысь вот вöйысьо, медым таво ар Митрейкёд ётлаын вöравны лэдзис. Эз жё ло сылён велöдчомыс. Пож Таттян эсько лэччёдліс Веждимё, сур пуан пöрт ыджда пё юрыд да велöдчыны тэн колö, но пышёйома: гажтöм пё сэн. Абу весиг Васса чойыслы висыталёма, школаö пыдди Пармачуркйö локтöма. Таттян вель ёна видіс писö, ыджыд батырд и ыджыд мамыц пё сэн, чойыд и, кутшöм али гажтöм вермас лоны! Аски жё пё батырд бёр лэччёдас! А мёдис и вочавидзö: сёровно пё пышть! Викторлён паськыд плешка гёгрёс юрыс и збыльысь синмё шыбитчана ыджыд. Писö чужтigён мамыслён тайкö лолыс абу петöма. Кыздзи Павел велöдліс лыддысыны да гижны Митрейöс, сізд жё и Митрей велöдіс Викторос лыддысыны да гижны, эз на кё вунöд шыпасъяссö. Васса эсько вайома вокыслы ёти нига, «Муму» нимыс, но роч кыв вылын: ни Митрей, ни Виктор оз гёгёрвоны, шыпасъяссö велöдны позъё-а.

Лунтырся зэр бöрын, енэж помас шонді мыччысис. Мичам-мыштлас на, тыдалö — баба гожём, арся шондіа лунтьяс пуксыласны. Ульяна шабурсö киас босытіс, потшöсъяс пöлён, нильзьём пурсысъяс кузя посни воськовъясöн гортланыыс мёдіс. Эз на и ылöдз мун, воча Митрей котörtö, лолыс весиг тырёма.

— Мам! Мам! Ёксиньыд миянын! Ёксиньлон ныл! — киас пу ведраа, ылісянь на городіс сийö.

Тайкö шабурсö эз шыбит, Ульяна эз весиг ордйöд няйтайнъяссö, веськыдаліс потшöс праслояс вомён.

— Мам! Ме гымгаяс кыйны лэччыла! — бара на городіс Митрей, сэсся аслысмоз нузнитіс: — Ваыс, надейнö, туис, öдвакö пырис татшöмнад чериыс.

Збыльысь, туома Изъяюыс: дöмёдсъыс раз помъясыс весиг оз тыдавны, пелькиник пипу пыжыс зэр ваён тырёма. Тöрыт рytсянь эз лэптыв гымгаяссö, эз кё йörмы чериыс, бить лэптылас косытыны. Бок вылас быгыльтліс пыжсö, сэсся йёткыштис берегсъыс зібъясъомён. Дöмёд шöрас гымгаыс, медся визулінас тыдыштö лэптан ньёр помыс. «Ноко, Петыр-Павел, сет чери!» — ныр улас шуыштіс Митрей, пернапасасис. Öдва и кыптіс гымгаыс, сы мында пессис сэн комыс, сирпиыс да кельчиыс. Кывтчöсланъыс мёд дöмёд, ачыс визулыс и кылöдіс сэтчöдз. Мёд гымгасö

пасъқыдджык костъясөн күйіма, мед ёна посниыс пышайны вермис. Сәні, еджыд съомаясысь отдор, мича сир вомсо пасъқодліс, тыдало, водзджык нин шедома, жуялан выйын. Көть и вавын, неволяд сісмө чериыц. Берегас сетчом борын и мездаліс кыйдоссо, вель на-й уна шедома. Оксинь чойсө бура на талун чөсмөдласны, медся чигаяссө пражитасны. Эз коль берегө гымгаяссө, вой кежлас бара вўйтала. Гожомнад оз жуглась гымгац, ииа дырии кыйсигон чегъяссо. Батыс велодіс да, Митрей ачыс күжө кыныссо, бадь ньорыйд тай берег пёллоныс тыр со.

Грездаяс во гётёр чериаось. Быд семьялён кос чериыц пубочка тыр, козодад солаломыс эм и. Кор мужикъяс воралоны, гымгаасьоны нывбабаяс, зонулов да. Енмыс видзис да, Изъяю некод на эз пёдлы. Тулыснас, кор пасъқыда оидё, гымганад оз и кыйсыны. А кор вавыс сулало аслас меженын, юыс абу джуджыд, кругладор берегланыс, дерт, друг джумъясыд эмось, юр выв тырыд на лоло. Вердо-юктало вор-вавыс грездаяссо. Но кокто коттодтог чериыц оз шед, а мыслы копыртчывтог оз тузыд вомад оз пыр. Сьод войсю узыштасны, а сэсся век кок йылынөс сиктса воятырыд. Аньяслы и мужичой уджъяс на ло вочны. Ульяна керкаас пыромён тшотиш уськодчис котшас ёшинъдорса крөватылань, көні куйліс Оксинь. Юрлосыскод орчён тубыртём неыджыд ёкмыль.

— Мам! — небыдика шуис нылыс, и вазильмисны съод синъясыс. Сэсся, джагтёродассис горшыс да, нинём и шуныссо эз вермы.

Ульяна шылъкнитіс нывссо, и аслас дзулькмуні синваис: сы водзын, коркоя нюмбана Оксинь пылди, куйліс быгалом бан бока, пылодз вояём син гуранъяса, быттю орчён кодиём кык гу, лоз вез кодь нывбаба.

— Слабог, лолья да, — артмис Ульяналён. — Гортын кутан олны, ме тэнö тэсся некутшом Гриш Мишли ог сет. Оти кагато быдтам на, кия-кокаось на да.

— Быдтам, Улюк, быдтам, — шыасыліс Пекла. — Ыджыд мамыслы век нін удж ловис пёрыссо-нэмө.

Мед эз вомдась кагаис, пернапасасис Ульяна, сэсся восьтыштліс рузумссо, видзодліс узысь нучкаыс выло, юаліс Оксинълыс майшасьыштёмпышырысь:

— Йөльд эм моросад?

— Абу, мам.

— Кысь, коньорлон, йөлыс, күш шенъёбыс кольёма да. Абу кө вердлөма Веждімса Аннас-а.

Ульяналён вежсигкості и Митрей, кылө, локтіс. Киас съокыд ведраён пырис керкаас, кыпыд голёсөн сетіс:

— Шуда на миян Оксинъным, то мыйта чери пырома. Ыджыд мам, кер. Талун миян кык пёлста праздник: Богородица лун дай выль олыс на чужис.

— У-у-у! Сэтшом мича чери шедома, — ошкыштіс мамыс. — Часлы, пачо пес чөлтла. — Йол коло кагалы пузьодны, и ёттшотш и черито пражитам йол сорон. Оксинь чойылдон күш лыыс да кучикиыс, сылы уна коло сёйны.

Митрей эз кут нюждыны, сарайсыс пыртіс потан, лайкан, кыт коло житліс-көртавліс гез помён, и племянницаыслы узъланін лои дась.

— Потаныс тая тәкод тшотшъя, — нукыслы сточмодіс Пекла. — Тэнад чужигкежлө на ыджыд батырд вочліс.

Потан юрладорас крест вўлыштёма, кокладорас — шевгёдём бордъя пёткаёс, бокъяссö вундалёмён жё мичаа серёдома. Пекла идзас вольпась сэтчё лösъёдіс. Ульяна босытіс Öксинь бокысь ловъя ёкмыльсö и пуктіс потано:

— Богородица, дева Мария! Сет миян нылуклы кузь нэм да бур шуд! Енмой, вид миянысь нылукнымöс вомидзысь, висъомысь, став лёктөръяссыс.— Сэсся сувтіс ен ув пельёсса образъяс водзö, лыддис шопкёдёмён: «Пресвятая Богородица! Научи меня прямо и разумно действовать с каждым членом семьи моей, никого не огорчая, никого не смущая! Господи, дай мне силу перенести утомление настоящего дня. Руководи мою волею и научи меня надеяться, верить, любить, терпеть и прощать! Аминь.»

Ульяна тёдіс, кор кутшом молитвась лыддыны. Кёть и рочнас эз гёгёрво, ылосаліс, кутшом молитваын мый йылысь висьталома. Медся коланаыс: Енмыс мед кыліс Ульяналысь кевмысяна голёссö. Родион на та йылысь коркё шуліс: тэ по он гёгёрво, а Енмыс по гёгёрвоо тэнсызд лыддёмтö. Кокъямысöд лунас, кор Öксиньлён нёньясыс съектісны мам йёлон, кагаёс пыртісны. Дзик жё сідзи, кыдзи коркё пыртісны Павелös: пу лагунö дэбыд ва кисытісны, ва пиас Ульяна чөйтліс вичкоын вежёдём эзысь пернасö — Родионлысь томдырся козинсö, и вежа вайд дась. Павеллы моз жё вежаяліс Тимö, а ва пиас дзумгыліс кагаёс гётырыс — Пож Татян. Ен празднико чужём нывкаёс дева Мариялён ним кузя ётсёгласён шуисны Марьён.

Сэсся, Веждімё коркё ләччылгён, Марьёс пасъясны вёлостъса управаын выль чужысьяслён нигаö. Кагаёс пыртігён Ульянаясö волісны и Öксиньлён поль-пöчыс — Кузьма Прокё гозъя. Пукалісны няня-сола пызан сайын, казытылісны кольём вояссö, мёдар югыдö мунём матысса войтырёс; öти кывйён кё, варовитісны асланыс олём-вылём йылысь. Ас йозыд да, некод эз шу Öксиньös көритана кыв. Тайё лоёмторсö, веростöк кага чужтöмсö, быдён донъяліс думсыс ас ногыс. Дерт жё, некод эз ошкы; дерт жё, думсыс быдён дивитіс; дерт жё, быдён жалитіс Öксиньös. И, надейнö, ставён мыждісны öти мортöс — Гриш Мишös. И тадз, и этадз — киподтуйыс сомын сылон. Татшом шуомыс, нöгыль ру моз, мёвкъяліс грезд весктын. Ставсыс мыжасыс — война. Война нылыштіс Öксиньлысь верёссö — Гриш Миш Ваньёс. Дінас кё волі мужикыс, и Öксиньлён оломуыс эсъёк волі мёд. Кор Ваньёс босытісны салдатö, энъка-айкаыс вель дыр на кутісны лача, бытъёкё моныыс колис кынёмас кагаён. Но колис кад, и кадыс петкёдліс: Öксинь оз нöбась. Со тай, Ваньыскöд торийöдчом бöрын сомын кык во мысти моныыс чужтіс кодсянъкё ... нывкаёс. Энъкаыслы, Веждімса Анналы, тайё лоис съёлёмас пуртён көдь бытшкём көдь.

Кага чужтан мёд лунас, кор нин та йылысь тёдісны грезд пасьтаын, Веждімса Анна чукörtіс Öксиньлысь став кёлуйсö, гартыштіс гезйён да шыбитіс кильчö вылас.

— Нопъёл и ну моныыдлы, мен сылон нинём оз кол! — пыркъяліс Гриш Миш водзын гётырыс.— Менам кокёй некор озло налён пос помын.

— Кутан на жалитны, да сёр ловё,— чөйтіс Гриш Миш, пасъқыд тошсö абу шыльёдома ни тшётшёдома, кос корось көдь. — Этатшом шань да зіль моньёс воштім, трасича пызы. Нылыд Веждімын, код тэныд кутас отсасыны горт гёгёрыд?

Тыпу, съёла юр вема баба тэ!.. Тоторкатша! Вот коді тэ!

— Оз ков мен уйла моньыцд. Он и тёдлы, мёд чурка ваяс да. Мый ме, сылысь чуркайссö кута видзны? Ёна кё колантор, мед Уляыс видзёй. Тэ, тэ ставсыыс мыжа, яндысытём бугыль! Тэ нюжойдлін кузь добрятö, тэсся некод эз. Грэздасыцд ставныс тадз шувоны. Пож Таттыныцд веждімса, мен быдтор висытало. Йёз воюйтöны, а тэ, тыпу!, ассыцд моньтö петук моз талялан...

— Ланьт, Анна! Пучей моз лун и вой дзуртан!— кыпöдлас гёллөссö Гриш Миш, дась кучкыны кос печкан кодь гётырыслы, да күттö ассысö. быть öд кутчысы, кытчёккö инмас да пагавны вермас.

* * *

Рытнас, кор нин Пармачуркйös сывиыштис дзурс пемыздыс, Гриш Миш турун нöбийös моз муркнитис сылі вылас Öксиньлысы кёлуйсö и тапсъёдис Ульянаяслань. Юр яндзим эсък да, мый сэсся вöchan. Кильчö вылас жö и пуктис, öдзёс дорас матöджык, мед эз кётась, зэрмас кё. Жалитис Микайлö ассыыс моньсö, бырис сылон керкасыс югыдлуныс. Аски жö каяс вöр керкаас, нарошно дыр кежлö каяс, бурджык кызыны пүяслыс дзуртёмсö Анналысы тöttялёмсö видзёдом серти. Сё лешак, эз жö ков сёйктынысö Öксиньыслы! Со вед кутшомёссы бабаясыцд: Иваныс быдса во мoshкоралис гётырсö да пуста кынёмён колис; думсыыс моньсö мыжавліс Гриш Миш, кос сювъён чайтис Öксиньös. Вöлёмкö, Иваныс на и мыжа, чужтём койдysа, тыдалö, вöлёмма. Вирныс лёсиявтöм ли. Киссыём ватö он нин курав, мый лоны — лоёма. Веськыдасолы Гриш Мишös некод оз лысyt, весиг ачыс Öксиньыс.

А майта майшасис коньёр Öксинь, кор казяліс ассыыс рушкуасьёмсö! Кымын узтöм вой колляліс, Господьёй-Енмой! Медшог здукъяас тайкö эз öшöдчы, аслас ангелыс и видзис петляё юрсö сюйомыссы. Ни мамыслы, ни ыджыд мамыслы оз вермы висыставны, кыдз лоис татшомторыйыс. Эг по другтö видз, висьмыл пö öтчыд, эз кё по аддзы айка, кынмалі эсък. Гашкö по, сэки... Ог по помнит.

...Рёштвоöдз тайё вöлі, медкёдзыцд лунъяас. Гриш Миш нёрпаліс и эз вермы асывнас кайлыны вöр керкаö. Грэздянь матынджык керкаас, кёни медсясö шойччыліс Иваныс, унаусыс босытліс сэтчöдз и Öксиньös, йöра яй куйліс. Абу весиг тшамъяас пыртöма, керка нар вылас и кольёма кералёмён. Норттöм вöлёмма, да тöрытнас күшёнмоз и локтис гортас, мёд асывнас и кёсийис кайлыны.

— Аскомыссы рёштвоасыны Веждімö лэччам, күш киён али мый мунам? Став рöдняиссы гажöй бырёма, быдён ордö колö волыны,— рытторувнас висытасис Анна.— Йöра яйыц и лово гёстинеч пыдди; оні, война кадад, быдён сёйкыда олоны.

— Мам, менö босытанныцд?— вöзйысяна юаліс Ольга нывныс.

— Ми вед öти вой кежлö.

— Но и мый? Ме тшотш лэччыла.

— А коді гортын идрасыны кутас?

— Отнас Öксинь öти рыттö идрасыс. Сидз вед?

— Сидз, Ольга, сидз. Лэччыл, окота кё,— сёйлём сетана шуис Öксинь.

— Личёдыштас кё, кайла яйысла аски,— гёбöч вывсяныс сёрнитис Гриш Миш.— Таті вед матын, пажнайтын бёр нін вова.

Йöраыц сийё пöраас коми пармаад уна на вöлі. Тувсов чарём

ывтвіыд грезд дорёдз вёлі гёнитёдасны, сэсся сэні и лыясны. Петлянад ёна кыйисны и. Асывнас Гриш Миш ёдва закодёдзыс воис, шатлодло мортто да. Биалома, тыдало. Шоча эсько висъло, зев дюж мужик сідзсо.

— Код юра морт кодь, шатлодло,— норасис Гриш Миш.

— Но, морё, костті-й висьмин,— некутшом жальун эз тёдчы готырыслён гёлёснын.

Оксинь да Ольга, пёлатяс узълісны, кылісны гозъялсы мургом-сёрниныс.

— Айка, дашкё, ме ветла? Ме тода матысса керкато, унасыс нін сэн вёлі,— шыасис моныыс. Лосьыда на сэк олісны, көть и Анналён Оксинь дорё кёдзалаомыс тёдчис быд воськолын.

— Рушку вылын кысся, но тэнё ог лэдз некытчо, вошан кё, изёмитан татшомнад.

— Ог жё вош, айка. Мый сэсъ колё вайныс?

— Йора яй сэтёні нар вылас, тшамъё колё mestitlyны татчодз вайтёдз, а то шыръяс сэн пируттын кутасны, ружтовмунис Гриш Миш.— Мыйся нё висьом кёвъясис? Кынмыссома, тыдало.

— Волыса мешёкын яйсо тшотш вайыштан, чойяслы гостиинеч лэччодышта,— моныыслён кывъяс бёрын пыр и небзыыштис Анна.— Кык бёръя задсо кё ваян, и то шань лово.

Дженыыд тёвся лун югыдыд. Лоз тёдчигас на и чеччис Оксинь, вёрё петан паськом пасьталіс. Коми бабаяслён гач новлан модаыд эз вёв, но Оксинь, кор нүодліс Иваныс вёр керкао, кузь дёром улас век гачавліс верёсыслыс улыс гачсо. Талун сідзи жё и пасьтасис, гач коксо тюни гёлень пытшкас сюйис да зев на и шоныд лоис. Вурун кепыся, кузь пеля кёч ку шапкаа — муртса синмыс и тыдышто, ёна кисымом льом моз югнитло. Гёна пыдоша лызыыс кокни, нарощнö готырыслён кок серти лосьодліс Иваныс да. Эз койбедь, а прёстой бедь босытис. Нопъясис и петіс туйё. Вёлі кё верёсыс, лэдзис мой ётнассо вёрё? Дай мамыс эсько эз лэдз, ыджыд мамыс ни. Йёз вирыд тай век на йёз вир. Эз кё ачыс кёсий, мырдонтё эсько и оні некод эз мёдд. Ачыс, мыйлако, вёйысис. Гашкё, Веждімса Анналён зынгомыс шойчыштны кёсийис. Гашкё-й, Ивансо тёд вылас уськодом ради окота лои волыны вёр керкаас. Гашкё, кёдзыд сыноднас шуис толёдыштны шог-печальён тырём морёссо. Кыз кык арнад эсько кагаёс нёньбодны, а не кын вёрёд гызмасыны. Кутшом лоё асқиа луныс Оксиньлон? Оз, оз вермы нэм помёдзыс овны Гриш Миш семьяын. Веждімса Аннанас и ставнас, коркё ёвтыштас кинас и мунас на ордыс. Кысъ воліс, сэтчо и мунас — мамыс ордö. И кутасны овны ётлаын куим дёва — ыджыд мамыс, мамыс да ачыс.

Мунё вёрёд и быдторсо думайтё Оксинь, аслас то синваыс мыччысыллас, то нюмыс петлас. Гёгёр лым. Гёгёр вёр. Гёгёр кёч кок туйяс. Тёвся чёвлун. Кутшом лосяд: югё, а оз пемды. Лэдзчиыян кё, вермас и полём босытны. Лым улысъ чурвидзыс съёд понёльясыс повзьодчысъ кодьось. Конкё, пу вужляис улын, узъёны ошъяс. Тонё, кушинас, лым пиас купайтчо кёч: бёръя кузь лапаяснас гыжъялыштис пель сайсё и бара тринксыодіс водзё. Мед на эсько дыр котралас тайё кёчильыс шыльыд лым выйті, мед эсько дыр на эз веcъкав Гриш Мишлон капкано.

Пёра нин воны, а кёні нё вёр керкаыс? Сетчис мой шуйгавыв? Мыйла эз босыт Иваныслысъ маткасё? Мёдараас, тув йылын ёшалоны и маткаыс, и лазыйс. Тадзи Веждімса Анна думсыс век на виччысъо писо. Оксинь сувтовкерліс, руд енэжсыс корсис

шонді югзянінсö, но нином эз тöдчы. Кöть и тöдчис, Öксинь эськö сiйös эз казяв: вöрыс джуджыд да сук, а шондыс ветлiс кыткö зэв на улiтi. Иваныс на велöдлiс: эн пö некор сетчи шуйгавыv, сэнi пö, вошан кö, мёдар югыдö одзöс. Кодарö сетчис Öксинь — эз тöгöрво, гöгöр еджыд чöвлун. Лым шапкаа пожёмъяс да козъяс костын еджидзисны пасытöм кыдзяяс. Івлаыс югдiс, некён эз тыдавны ни вöр керка, ни тшамъя. Думсыс нырвизьсö кутiс веськыдвыв, сэнi Гриш Мишлон угодьёкöд орччон ыджыд батыслöн чös туйяс, онi кыйсыны сэтчö волывлö Митрей вокыс. Оз кывны лыйöм шыяяс, ни понлон увтыштöм. Став вöралысъяс Рöштво кежлö лäччисны гортаныс. Кор волывлiсны Иванкöд, сэтшöм матын кажитчылiс вöр керкаыс, а онi, быттьёкö, пом ни дор. Вир-яйсö шыбитлiс то посъё, то кöдзыдö — сiдзкö, повзис. Гашкö, бергöдчыны? Бöр петны аслас лызь туйöд? «Иванушко, адзан кö тэ менö мёдар югыдсяныс, петкöд аслад вöр керка дорö...»— думсыс шыöдчис верös дiнас. Сувтовкерис, кывзысыштiс — чöв-лöнъ. Оз кыв Иванушкоыслöн лолыс мусаник гётырыслыс гёллоссö.

Эз во Öксинь ни матыссаджык, ни ылыссаджык вöр керкаас. Веськыдлань нырён вöчис öти кытш, мёдöс, и воштiс пыран лызь туйсö. Лым усыны кутiс, тыдалö, ньёрьёвтiс, а том нывбабаöс ийрмögö шыблалö, быттьёйиа ваён койышласны. Кокъясыс, кылö, лыжавны кутiсны, лызъясыс сьоктаммисны, морёспань увсö нёнялö — кынöмыс сюммис. Шабур увсыс, морёс бердсыс, кыскис рача няньсö, курчалiс джынсö, мёд джынсö бöр mestitit iс. Лун югыднас колö кодарöкö воöдчыны, а кодарö? Воштiс и грэздланьö нырвизьсö, чайтiс öдийötö веськавны да, эз пуктав некутшöм пас. Позис вед кытчöсюрö сатшиjöдлыны пу лапъяссö, кыдзи коркö велöдлiс Иваныс. Оз тыдавны и пуюс вылын лёсасъяс. Öксинь атшалiс, лызъясыс эз кутны кывзысыны. Лымъялomyс дутдiс, сöдзмыхштiс енэжыс. Водзын тöдчыштiс кушинкодь, öдийöджык веськöдчис сыланьö. Сувтiс кушинас, синъяснас нүöдiс пу йывъяссö: тонö, тонö шондыс! Кизъориник ру пиын моз муртса тöдчыштiс шондiлон гёгрöс югöрыс, быттьё Öксиньлань видзöдiс айкаыслöн туска синмыс. Чегис пожём лап, сатшикис лым пиас кузьджык лысъяснас шондiлань. Онi тöдö, кодарын грэздыс; бурна, сьёлёмнас эз килькув да.

Шондыс бергалö веськыдвыв, сiдзкö гортлань петiгён колö кутчысыны шуйгавыv. Иваныс, тыдалö, кылiс Öксиньыслыс кевмысъёмсö, мыгчöдлiс шондiсö. Сажень сё мунiс шондi паньцöсö, кёнкö тан дзебсясъё вöр керкаыс, но кён? Али сiйö югыд кытшыс эз вöв шондi? «Шондi, шондi...»— быттьё кодкö шöпкöдiс жуньгысъ пеляс, гёлöсис вöлi дзик Иваныслöн кодь. Нывбаба ыджыд кепыся кинас чöвтiс пернапас. Кутiс бергавны юр вежöрыс, öти пу пыдди кутiс веравны син водзас кык-куим, а эсiйö сывтыръя пожёмыс, быттьё дзуг юрсиа, паськыд пельпома Иваныс, сывсö паськöдöмён веськыда локтö Öксиньлань, вот-вот топöдас нывбабаöс гöрд дöрöма чорыд морёс бердас. Нывбаба воськов-мёд вöчис пожёмлань, сывыштiс пуссö, и ньёжийник нёрис лызь вылас. Öксинь крепитчис на, эз кунь синъяссö, и видзöдласнас кыйис кос ньёръяса вöсныыдик кыдзöс — быттьё лым питi дзуртiгтыр собис энъкаыс. «Дашкö, тая аслам ортой да?»— Öксинь ымёстiс да воштiс садьсö...

Буретш тайё здукъясас Гриш Миш керкаын кылiс зык.

— Яй тэныд колмис!.. Турдалас кё Ёксиньыс?!.. Сэки мый?!.. — доймём ош моз горзіс гётыр вылас Гриш Миш, вёрө петігекежлө пасытасигмоз.— Эз кё вош, қыкысь нін позис волыны вёр керкаад. Вошиш вед нылыс, вошиш...

— Ачыс муніс, эг ме вётлы сійös,— дорыйсис Анна.

— Мыйкё кё ловис, Мёкей Ёсип да Кузьма Прокё котырыд лолья вылысь сёясны, тэнö-й, менö-й сёясны. Тимоыс и лыяс қыкнаннымөс... Бёр локтём талун оз нін ло, гартышт вай нуртор.

— Этшаджык раззы, а то пемдас.

— Съола юр vem, вот коді тэ!— Гриш Миш восътліс гёбоч өдзёссө, джаджайысь судзёдіс сuleя аскур, сюйыштіс лаз нопъяс. Лаз морёсас пуктіс кучик табак кёшельсө сэтчо гаровтём истёгён. Эз кут корсысыны, ен ув пельёссыс босытіс весьт кузя сись. Козъянас йёткыштіс ичотик воропа черсө, волысаліс пищальсө и петіс ывла кёдзыда. Мед эз нин манитчи туяс, нортсө эз босыт, веськыдалас чуркъяс вомоныс.

Джын туйсө муном бёрын Гриш Миш казяліс лызы туй, абу на тыртёма лымайыс. Сы кузя и котортны мёдіс, йора бёрся быттөй вётчис. Кымын матынджык вёр керкаыс, сымын бокоджык кежома туйыс. Эстёні, веськыдылас, керкаыс, а Ёксинь ордйодома сійös, кежома шүйгаланьё.

— Ё-ё-кси-инь!— горёдіс вёр тырнас Гриш Миш. Кывзысыштіс, некутшом воча голёс эз кыв. Кызды чукльодло лызы туйыс, сідзи и мунё, некор весиг чигаркасө гартыштны. Абуджык воома ыліса керкаодзыс, кытш вёчом бёрын лызы туйыс бёр чукыльтө матысса керкаланыыс. Октіс пищаль курёксө, косьобтіс сынодас, орчча пу вожъяс вылысь жмотмұнісны лым тұктаясыс, и бара котёрён Ёксиньён кольём туй кузя. Чеччо съёлёмыс Мишлён: эз кё во керкаодз, вермис изёймитны!

— Ё-ё-кси-инь!— поткёдо вёрсө Гриш Мишлён ләчыд голёсис. Бара чөв-лонь. Майджсыштіс дженеңыдик лопта койбедь вылас, лолыштіс, пыркнитіс йизьём ус-тошсө. И бара водзö. Эсій окушин бокас и вёр керкаыс. Тёдчис, кушиңсө тавқодыштому лызынас, казяліс и лымъяс зутшком лыс лапсө. Ёксинь, мыйлакө, мунома веськыда, а абу кежома керкаланыыс. Гашкө, мыйыськө повзис да воштіс писькёслунсө? Но мунома гортланыыс нырвизьён, тайё лоньодыштіс Мишлісь съёлёмсө. И бара котортыштому водзö. Лызы туй помассис: кыз пожом бердын, лызы вылас куткыртчомён, пукаліс Ёксинь. Гриш Миш уськодчис нывбабалань: ловъя-ё? Гашкө, кын нин да?

— Ёксинь, восыт синъястö, тайё ме — айкаид...— пу бердас сувтодіс пищальсө, личодіс моныыслысь лызы көвъяссө, веськодіс кокъяссө:— Лолья!

Сэсся пёрччис аслас киысь шоныд вурун кепысыссо, гугладорнас зырыштіс нывбабалысь лым еджеңд бан бокъяссө, ныр йывсө. Видліс сувтодны кок йилас — весьшпёр. Кокниа муркнитіс пельпом вылас, и лызынас лым пиё пыдё вўйласигтыр, вайис вёр керкао. Нар вывсыыс яйсө шыблаліс өдзёс саяс, пасыкодіс йора воль и водтодіс Ёксиньёс. Мёд сэтшом жо вольён шебрёдіс. Гриш Миш гёгөрвоис: моныыс абу ас садыс, узигкостыс вермас кувны вир көдзаломысла. Некор и пёрччыны лазсө, коліс өдйоджык ломтыны изъя пачсө. Мед кокниджыка петіс тшыныс, восытіс қыкнан юрыйв ёшиньсө. Пач бокас сувтодіс аскура сuleясө: шонтыштас и нылыштодас Ёксиньёс. Матыстчыліс монь дінас, пельсө жмитыштліс морёс бердас: лолало! Лызиасыліс, ветліс пищальысла да

Öксинъён лызыла. Тшамъяас mestitit's яйсö, вель ыджыд чонёр колис пуны.

Ичётик вёр керка ёдйё шоналіс. Съёд портйё Гриш Миш гумовтіс лымсö, пуктіс медся плавкös из вылас.

— Öксинь, восьт синъястö, тайё ме — айкаыд,— ётнога шуаліс Гриш Миш, но сылон кевмысыём вылô мёдис некызд эз вочавидз. Шоналём аскурсö солькнитіс паньё, сойнас кутыштіс моныслысь шапкаа юрсö, кёсийс паныштöдны, но вомсö быттö вурыштöма вöлі. Мырдёнсö сэсся эз и восьт, поліс дойдöмись. Кор керкаын лоис жар, Гриш Миш волисти пörччöдіс Öксиньёс: шабурсö, тюнисö, чулкисö, гачсö, ставсö ёшöдіс пачвесьтса кёв вылô. Пищаль стволас ёткыштіс картеча патрон: «Оз кё ло олысъ, и мен ниномла олнысö: лыйся!» Ачыс тожö личöдчис, павтыртіс моныслысь дöрөм бёжсö, и босытчис зыравны шоныд аскурнас чёсқыд нылём дука вир-яйсö. Пасъкыд да чорыд ки пыдöснас ниртіс том нывбабалысь морёссö, муртса сыркмуналысь нёнь гёгрсö, топыд лядвейяссö, кок пёксö... Сэсся кымынъёдіс, тадзи жё зыраліс мышладорсö. Öксинь весиг эз ымост, вир-яйыс доналöма, быттö сотіс весиг Гриш Мишлысь сарёга ки пыдöссö. Топыда тубраліс став сикас шебраснас, мый сюрис ки улас.

Пуксис нар дорышас, гартыштіс чигарка. Пörтъяс, пuan ваö, чöйтіс поснöдлём чонёрсö. Бара солькнитіс паньё аскурсö, чунь помъяснас кётöдіс моныслысь лозöдöм вом доръяссö. Оз кё кув войнас, асыв кежлас, гашкö, личöдыштас, воас ас садяс. Код тёдас, ёна-ё винёв моныслöн том вир-яйыс. Гриш Миш сюйліс кисö шебрас улас: пёсялёмысла кётасьома Öксинъён дöрёмыс.

— Öксинь, восьт синъястö, тайё ме — айкаыд.

Лолалö, а сэсся оз сет некутшöм олан пас. Кыздзи вайöдны ас садяс? Али садтöгыс и кулö? Мед би киньысь ёзтыны ыджыд би, колö пöльтны би киньёс. А мый вöчны Öксинькёд, мед восьтіс ыджыд съёд синъяссö? «Дашкó?.. Тыпу!.. Позьё мой тадзи думайтны?.. А мый тон и оз позыыс? Мед сöмын мездыны съмерть киысъ... Прöститас Енмыс, мортöс куломысь мездöм ради вöча тайё воськолсö...» Гриш Миш вешталіс шебрассö, пörччöдіс моныслысь брöд ва дöрёмсö, ёшöдіс косьтыны. Сэсся Öксиньлысь нюрсмунём кынёмсö шебраліс аслас пасъкыд да съёкыд кынёмён... Моныслысь кынёмсö аслас кынёмён шонтöм бöрын, Гриш Миш бара зыраліс нывбабаюс аскурён водзяныыс и мышсяныыс. Кыккуим вом тыр нылыштіс и ачыс. Быттöкё лои лёссыдджык, и бара на нылыштіс, но унасö эз ю. Колö винанас паныштöдны Öксиньёс, но вомсö быттö томналома пытшкёсса томанён. Пёсялёт, сїдзкё, нылёмнас петö қынмомыс.

Гриш Миш кё воис сёрёнджык, Öксинь эськё пожöм бердас кутчысымён и изöймитіс. Колö зыравны, мед котраліс вирыс, мед эз сувт сёлёмыс, мед регыдджык воис ас садяс. Часлы, гачыс косьмис нин, шоныд гачёдас. Но сыöдз бара на вель дыр кежжö инасъліс моныслöн гёгрöс да шылыд лядвейяс костö; вöчис кокниа да дойдаттöг, и сöмын нин помланыыс, воштіс кутöдсö да, лэдзчысыліс нывбаба кынём вылô, мед пычкыны ас пытшкёссыыс Öксинъён вир-яйё став вын-эбёссö. Гриш Миш кыліс, кыздзи Öксиньыс гырк пытшкёснас вочавидзö сылон меліалом вылô. Ымостыштіс и. Сїдзкё, кутас овны! Гриш Миш пидзёсчанясис, кагаёс моз гачёдіс моньсö. Сись би югзьёдіс Öксиньлысь вирпаса нин чужёмсö: аньой-аньой, восьтыштöма вомсö. Аскурсö солькнитіс джумъя пу паняс, лэптыштіс нывбабалысь личалом кёссаа юрсö,

войтөдіс кос вомас. Нылыштіс вед, ымостыштіс кузъджыка нин. Мöдьсь на тыртіс паньсö, этшаникаён войтөдö, мед тыас эз веськав, веськалас кö, пöдны вермас, грездса ног кö, лолыс печатайтчыны. Судзöдчыліс да шумыр-шамыр вöчис дон пач весьтын öшалысь дöрömсö: косьмёма. Сэсся дöрömöдіс, шоныда-меліа шебрöдіс, кикар вылас тошинас мыджысыштöмöн дыр пукаліс Öксинь бокын, думсыс донъяліс лоёмторсö. Гашкö, эз ков вöчны моныыскöд тадзисö да? Чайтіс вед, садяс воас сы здукö. Ена бурджык эсъкö вöлі, воис кö садяс да чужомас Мишлы съольштіс. Оні бара гусясьом кодь артмис: юасытöг-висытасытöг пыраліс том дöвалöн съёлёмö. Мöд боксянъ кö, оз и кут тöдны Öксинь-ыс сийös мусукалöм йылысь, съектыны со абу морттуйыс-а. «Прöстит, Господь-Енмой, тайö грексыс,— пернапасасис Гриш Миш.— Господь-Енмой, сувтöд кок йылö Öксинняös».

Сэсся тупкис юрийв öшиныяссö, из пачыд асылöдзыс шоныдсö сетас. Петаліс да выльысь ломтігежжöл пес дасытіс, порог дорöдзыс керкаас пыртіс. Вель дыр ырскис пöсъ шыдсö, кулак ыджа яй пеграліс. Горзьöдмёныс сейис. Пёт ынöм вылад чöссыда куригчис. Чунь помъясыс куригчомыслы сэррапом кодьöсъ, табак сирис кучикас сэтшöма ииджöма, весиг кунваён он мыськы. Сы бöрти, мый вöлі Öксинькöд, Гриш Миш, надейнö, мустöмтны кутас ассыыс Аннасö. Гашкö, и оз. Од Веждимса Аннакöд, кöть кутшöм асныра сийö эз вöв, олöма нин кызвын олöмсö.

Пукалігкостыыс вугыр босытіс Гриш Мишöс. Малыштіс ки пыдöснас моныыслысь плешсö, бан бокъяссö: бia на. Нöшта öтчыд сёрнитöдны босытчыліс, да веcьшöрö. Аски бара на лун пуксяс, кадыс петкöдлас, дыр-ö кутас тадзисö узыны Öксиньыс. Кытчöдз кок йылас зумыда оз сувт, сэтчöдз грездö лæччомыс оз ло. А оні водны кад. Тюни гёленьяссö кörтыштіс öta-мöд бердас, öшöдіс стенас тувтýялöм пу тув йылö. Мед Öксиньлы эз инмы кöдзыд руыс, водіс нар дорланыыс, шебрасис лысöм нин да розьöсъ йöра вольён. Мед эсъкö бia висьöмыс эз жö «сéй» томиник дöва-моньсö. Войбыд ковмас кыйöдны, шоныд али кöдзыд нин Öксиньлон вир-яйыс.

Вир сöнтö личöдöм бöрын Гриш Миш регыд и унмовисис. Шкоргис-шкоргис и лöз тöдчытöдз на садымис. Кинас инмöдчыліс моныыслöн кымöсö: шоныд! И сэк жö казяліс: Öксинь бергöдчöма веськыд бок вылас, айкаыслы мышкön куйлö. Швачöдчыс кöдзыдыс ыркöдöма керкаасö. Гриш Миш кыпöдчис нар вылысь, восьтіс юрийв öшиныяссö, и ломтіс пачсö. Эз нин и водлы, кöмасис-пасытасис, чигарка гартыштіс. Эз кут садымöдны Öксиньös, петіс ывллаас. Табак тшыныскöд кöдзыдыс сатшкысис горшас, кыздöмёныс лои. Ветліс тшамъя дорас, кокния личöдчис сэн, гез волыса нопийö сөйтіс яй торъяссö. Тыра нопсö сэсся оз и босыт тшамъясыс гортас лæччытöдз. Пырис керкаас, часлы, сувтöдас пач вылас шыдсö шонтыны.

— Иван, тайö тэ?— кыліс жебиник гёлöс, мöдьыс тайкö эз уськöд кисыыс пöртсö.

— Ме, ме, Öксинь, айкаыд ме... Шыд тэныд шонтышта,— нимкодыысلا айкаыс эз и тöд, мый вöчны.

— А Иван нö кöн? Оні на тані вöлі да?— куньса синмён юаліс Öксинь, тыдалö, ун йывсыс. Гриш Миш чайтіс, быттьöкö сöрö на моныыс; сидзнад, абу на усьёма жарыс. Гашкö и, эз сöр? Гашкö и, помнитыштö мужик мортлысь кок вож костас сибöдчылöмсö? А сибöдчывны вермис сöмын верöссыс, со и юасьо Иван йывсыс.

Шыд пёрткөд орчён Гриш Миш сувтöдис пузьöдны ва. Мыйён пузяс вайс, кörт тшайникас чöвтас эсийö туиссыс кос лежнöг, сэтöр да пув коръяс. Бурдöчан быдмögъяссö заптöма и кынмöмыс, и доймöмыс, и кынöм висьöмыс. Коло вердны-юкставны Öксиньös, а то кок эбöсис оз ло. Сöмын на аскинас Гриш Миш вермис сувтöдны моньсö кок йылас. Öксинь нинöм эз помнит, и тыр садяс воём бöрын айкаыс спуги-спуть висыталис ставсö, кыдзи корсис да адзис вöр керкасянъ матын кыз пожöм бокыс, кыдзи шоныд керкаас нин зыралис сийös аскурон, кыдзи пöрчöдлис да пасытöдис кос дöрём-гачнас, а вот кынöмсö аслас кынöмён шонтöм йылыс — чöв олис. Кыв йылыс эсъко ёна гилялис по-мöдз висытавны став збыльторсö, но висыталан кö, мый на шуас Öксиньыс? Кутны лоёмторсö пинь сайын — али, век жö, пидзöсчанясыны и корны моньыслыс прöща? Бурджык, чöв овны, и некор некод, весиг ачыс Öксиньыс, оз кутны тöдны Гриш Мишлён мыж йылыс.

Но Гриш Мишлён думьясыс эз збыльмыны. Вошлём-висымылём бöрын том дöва-ичмоньös кутис кыскыны сола вölöга вылö. Энь-кассыс гусьён петалис улыс кумö, сэнi и номсасыл исола чериён да тшакён. Сэсся и кутис быдмыны кынöмис. Зильлис уськöдны тöд вылас вöр керкаын айкаыскöд коллялём кадсö, но эз вöвлы сэтшöмтор, мед кутшöмкö здукö Гриш Миш пондысыл ис. Мöдарö на, тöждысис дзик бать моз. Буретш да айкаыс сылы сетис мöд олём — мездис кынмалöмыс. И, сэк жö, муртса-муртса помнитыштö, быттьёкё Иваныслён ортыс волис сы дорö да вöрёшитис Öксиньыс медся гусянинъяссö. Но каститчöмыс нывбаба оз сьёкты. Сидзкё, ортнас вölöма ачыс айкаыс.

* * *

Руд енэжсянъ усыссы лымыйскöд тшöтш му вылö пуксис сюорс öкмиссö дас сизимöд во — олём гудыртан-путкыльтан во. Öврам Öксинь Марьялы эз на вöв и ар джын, кор Коми пармасянянъ ылынъын, Петроградын, сар Миколай чöвтчис престолыс. Тыпу! Мыйла-й чöвтчис ас вöлянас? Ас местаас корис пуксыны воксö, Михаил Александровичös, но мöдис престол вылас пуксыны эз лысът. Эз лысът си вöсна, мый эз кутны эссыны йöзыс ни государ-императорлы, ни царлён министръяслы. Власть бердö ляскисис Временнöй правительство. Россияны сардырся сёём пыди кутисны ветлыны юрлös эжöд пасыта «керенкаяс». Бöрынджык тайё деньганас кутасны шпалеритны керка стенъяс. Временнöй правительство олис регыд, сылы ситанас чужийисны большевикъяс, найё и котыргисны выль правительство — Народнöй Комиссаръяслыс Сöвет. Юравны бöрийисны Ленинös. Местаяс вылын по власть вуджö губернияссса, уездъяссса, картьясса да районъяссса Сöветъяслы — тадзи шуисны большевикъяс.

Дас сизимöд вося Октябрьской революция йылыс юбrys Эжва катыдö воис сёрён. Этша велöдчöм крестьяна эз вермыны вежöртны, мый вöчсöю му вылас, мый виччысöю найёс аски, кыдзи овны водзöсö сартöгыс да Ентöгыс. Россияны чужис выль Ен — Ленин! Коммунистъяслён «Власть — Сöветъяслы!», «Му — крестьяналы!» сиктса гöль войтырлы вöлi сьёлёмывыв. Озырджыкъяс, купечъяс, вузасыссыяс, вичкоса тошка дядёяс «ссылисны» мöд ног: ставыс по олёманым лоё öтувъя, весиг челядьным да гöтыръясным. Бöйбöдлисны «сьёд» йöзös и öтиясыс, и мöдъясыс.

И некод эз тёд, кутшом суйим да гудыр, шуштём да мустом вояс пырасны странаса уна миллион семьялон, тшотши коми войтырлон олёмё. Еджыд дёра пасъяс пыдди ёзисны гёрд плагъяс. Но этша мый вайисны вир рёма плагъясыс мұ вылын олысьяслы — гёгёр киссыом, тшыг олём. Купечясь, вузасысьяс, озырджақа да шоркода олысь крестьяна събломнас эз примитны Сөветъяслыс властьсö. Йоз юксисны гёрдъяс да еджыдъяс вылө; странын пансис выль война — гражданской; сий лои збыль национальной трагедияён.

* * *

Кыдзи и Россия пасьтасын, Коми мұын олымыс пус козувкоткар моз. Дас көктамысад вося гожомыс пукисис лёк, Эжва катыдын тшокыда қынталіс, омоля быдмисны тшак да картупель. Йоз тшыгъялісны. И, сәк жо, волостясын отаро вежласис власть, быдён көсис крестьяналы бур олём. Водмостчисны медсясö найо, кодъяс воисны фронт вывсыс большевикъясон. Гортас, Пармачуркийн, вежон-мод олём мысти Веждимё ләччис гимнастёрка вылас Георгиевской креста кавалер, коммунист Павел Налимов. Инён и ладён Ульяна эштыліс колъодны писо гортас, но Павел ос кутны нином нин эз вермы. Сий волі ёзйома отиторён: вочны сий уджсö, мый индісны вочны Сыктывдинкарын аддзысылігөн роч большевикъяс — гёрдъяслон отрядса командир Ларионов да военной контроль нүодысь матрос Андрианов. А тшоктому: регыдъя кадён котыртавны волостясын коммунистъяслыс ячейкаяс, гольяслыс комитетъяс, волтыны Сөветъяслыс эсеръясö, беспартийнойясö, озыръясö, пыртны сэтчо сомын большевикъясö. Павел Абрамович Налимовлон, вир сертиыс кё, Павел Родионовичлөн, съорас уездной ЧК-са уполномоченойлөн мандат, кырымалома документсо сий жо Андриановыс — уезда чрезвычайной комиссияон веськодысь. Губерниясянь эм индö: вынён, киын оружиеон вётлавны Сөветъяслы большевикъяслы ковтём йозёс. Мандатысь да партбилетысь отдор, Налимовлон зептас револьвер — сы вылө эм жо съорас печатя бумага.

Веждимын Павел Налимов овмодчис воча чойыс ордö — Васса ордö. Мод лунас чукортис крестьяналыс ётувъя собрание, коні котыртисны рабочой комитет. Собраниеыс мунис волостной управа керка дорын. Сий жо шусис волостной Сөветён, коні волины сий жо йозыс, кодъяс и пырлісны земство. Павеллон вөзйом серти, комитетө веськалісны медсясö большевикъяс дор суалысьяс. Лун-мод мысти салдатъяслон некымын морта комитет да крестьяналон рабочой комитет ётувтисны, шуисны уджавны ёти нырвизьон.

— Озыра олысьяслы сюям ыджыд налог, нянь вылө индам чорыд дон. Кутам уджолны кинимөс личлэдзлытöг,— чуксалис ётувъя комитетө пырысьясö Павел Налимов.— Бörтäm выль власть, большевикъяс дор суалысьясö.

Веждимаясö оз позь шуны ни кулакъясон, ни голя олысьясон. Унджыкыс волины тыр судзяна, шоркодъом крестьяна, кыдзи и пармачуркскаяс. Тыдало, буретш та вөсна волостясяс эз көсийны Сөветө эз сомын большевикъясö да на дор суалысьясö, сувтисны и Павел Петровичысь мельничасö мырдьомлы паныд. Та борти коммунистъяс пыр жо и котыртисны ассыныс ячейка, веськодыны борийисны Никонорос — Вассалысь вероссö. Тадзи корис Павел Налимов.

— Сиралін юртö пернатöм сыліяскöд,— увгис верöсис вылö Васса,— видзöдлам, мыйён на ставыс тайö помасяс.

— Павел вокыд менö ызиöдіс. Ме эска сылы: став йöзлы бур олём вöсна по кутам тышкасыны.

— Сія, рыжой бес, став Веждимсö шызьöдіс. Му вылад, тыдалö, дыш уджолнытö да, шляйтчö-ветлöдö, кынас изö,— воча вок вылас ропкöдчис Васса.— Уля обö енмös моз виччысис пронт вывсыс, а гыж ыджа отсöг ээ ло.

— Ловас на, Вассук, ловас,— меліа сёрнитіс пузьöм гöтырыскöд Никонор.— Тöлк вылö пуксям да, бура на кутам олны. Талун волисполкомын бумаг дасытім, гöля олысъясöс индалім. Запасысь кутам нянь юклыны налы, быд мортлы куим пудйöн. Öтрöвняйтны кутам гöля да озыра олысъясöс, öтрöвняйтны, Вассук, оні сьöкыд олöмыс.— Никонор пукаліс пызан сайын, зунясис кутшöмкö кабала весытын, қарандаш джынйöн вöчаліс пасйöдяс.

— Мый нö ловома Павел Öврамовичыскöд? Сейны пуксигöн весиг пернапас оз чöлт,— воча вокыс покойсö ээ сет Вассалы, бара на юаліс верöсислыс.— Енмис на-й, колёкö пеж пулясъис пронт вылас видзис-а.

— Ог по эски ме Енлы ни беслы, тадзи шувö Павельид.

— А кён нö талун сія безбожникис, пажнайтны весиг ээ волы? Куртан уджöс весиг энолтлі, мед вердны сійös.

— Кулöмдінсянь звöнитлісны, зэл дыр кодкöдкö сёрнитіс, нокайтіс да дакайтіс öтарö. Вот и лэччис сэтчö, ямщик вöла телегаён лэччöдіс.

— Мыйла-й нырсö сюйö политикаас, Уля обöös тшöтш этшсъис виштö. И тэ сэтчö жö.

— Кодлыкö вед колö босытчыны,— Никонор кыкнан кинас кутчысис былькъя плешас, гырдзанас мыджис пызанас.

— Оз на думайт гöтрасыны?— бара гöлöссö сетіс Васса.

— Мый шувин?— ээ гöгöрво мöдыс.

— Павельид, мися, оз думайт гöтрасыны?— некыздз ээ лöньöдчы гöтырыс, думсъис дöзмис весиг Никонорыс öтарö юасьомсъис, ки пыдöснас пельсö нин тупкис. Мый тон и оз юась? Юль помса рыгтыс югыд, пукалö да печкö Васса; чöрсис тырома нин шöртнас, а öтарö кыскалö и кыскалö печканас гартоvtöм руд вурунсъис вöснүйдик шöртсö. Öти каттьом куйло нин лабичас. Челядьыс кодкö рыт на пукö, кодкö мöдарас вонйын узьö, кодкö сарайас вонйын узьö. Ныла-пиян челядьыс, нёль, некод на абу гöтрасыныни верöс сайö петысь. Аслыс, Вассалы, комын на вед абу, верöсискöд тшöтшья. Часлы, пуктыссяс турун да, Пармачуркйö кайлас, гажыс бырёма бать-мамсъис, чой-воксъис, став рöднясъис. Мамыслы идсюсö вундыны отсалыштас и. Дырнад эськö велаліс нин Веждимад, но вöтъясас асысö век на Пармачуркйис аддзö — со öд кыздзи вужжасыö сьöлёмад чужан пельсöыд.

— Гöтрасьом йылысъин нином на ээ гарыштлы,— дыр мысти вочавидзис Никонор.— Кадыс, тыдалö, си вылö оз тырмы.

— Водз гöтрасьомысъин по абу каетаид, а сылы вед, Павельиды кызь квайт ар нин.

— Кызь квайтыд, Вассук, абу на сё квайт,— ылöсас шуис Никонор, мед сöмын мыйкö вочавидзны гöтырыслы-а. Юрас, тыдалö, век жö мёдтор бергаліс. Гашкö, телефон пыр сёрни бöрын Павельслён öнтая шуём кывъясыс: эм по вылісъянь индöд котыртавны деревнясын гöля олысъяслыс комитетъяс, мёд ног кö, комбедъяс. Тайö комитетъяс по кутасны мырдявны лишалана

нянь, выль ног юклыны мусас. Гёльяслыс кё мырддявнысö нинём, то тайё веськыда инмас сомын озырдыхыка да бурджыка олысъяслы. Буретш татшом юорыс эз вёв сьёлёмвыв Никонорлы. Тадзнад, кутшомкё комбед, кытчо вермасны веськавны медся дыштьясыс да мудеръясыс, вермас лоны ыджыдджык вына вёлостной Совет серти. Одвакё крестьяна кокния примитасны татшом комитетъяссö. Никонор зэв бура гёйгэроис, мый тайё вермас чужтыны крестьяна костын ёта-мёд дорас ыджыд лёглун, зык-шум.

— Вундыны петтёдз комбедсö колмас котыртны и Веждимын. Тэ, Никонор, ачыд и думыштлы, кодъясös эсъкё ачыд вёзийн сёй комитетас,— кыв кóрталыс Павел. Сэсся сёліс телегаö, и дыр кыліс ёднёколка кóлесалён ёся дзуртёмыс.

Век жё, делёвой сёрнияс костын Никонор юавліс:

— Тэ нё, шурин, Пармачурктö тэсся дзикöдзали мый кёсъян энолтны?

— Мей Никён зять, век лова сэні, кытчо мёдёдас менё партия,— коса да веськыда керыштис Павел, быттёю юковтис кос сартас.

— А мый кутам вёчны, колмас кё, шуам, мырддыны няньсö пармачурксалыс?

— Колмас кё, и налыссы мыддям. Законъяс ставлы ёткодьёс!— сёрни помас Павел быттёю пуктис гёйдана пас, кёть и ачыс ёнасö эз гёйгэро, кутшом могъяс кутас пёртны олёмö гёльяслён комитетыс.

* * *

Куломдінса видзяяс вывті туйыс Куломъюыс көдь жё чу-
кульёссы-мукульёссы, уналаті мунё дзик нин ю берегёдис. Няйтис
косымёма чулльёссы-пельёссыон, и зуркодіс таті нёшта на ёндыхы-
ка. Лунъяснас югыд да шоныд, а войяснас югыд да ыркыд.
Юнъянас, кор нин вёлі мыччыссыомаёссы картупель коръяяс,
некымынысдорвыв пужъяліс, вежёдом том коръяяс съодасисны, и
тайё ёна майшёдліс крестьянаёс, од картупельтö сэки нин шулісны
мёд няньён. Кутшом оломуыс, сэтшом и поводдяяс — абу тёлк ни
лад.

Кымын матынджык сиктыс, сымын унджык вуграсыс челядь,
пуджом гач кокаёс, дёрёмтёмёс, паныдаасылісны ю берегын.
Вугынрад гырыссы чериыс тась оз шед, но кельчиыд да ёкышыд
пысасыё. Лунтынрад юква пумёныд да пражитмёныд век нин
позьё кыйны. Абу вот быд зонпоснилён вугырыс-а.

Павел пукаліс телегаын аслас думъясö вётчомён. Тёд вылас
усисны Никён зятыслён кывъясыс: «А мый кутан вёчны, кол-
мас кё мырддыны няньсö пармачурксалыс?» Никонорлы сэк
вочавидзис веськыда: ковмас кё пё, кутам и мырддявны. А оні
сьёлёмсö ділквартис аслас воча кывыйс. Пармачурксаяс век
перийисны кынёмпötсö асланыс поссыон, мусыслы Ен водзын моз
копрасыомён, а большевик Павел Налимов кутас мырддявны морт
ныыломён солалём тайё няньсö ётувъя амбарö. Кутшом синмён
сэк большевик Павел Налимов кутас видзодны мамыслён, ыджыд
мамыслён, Оксинь чойыслён да Митрей вокыслён синъясö? Мый
сэк шуасны большевик Павел Налимовлы Тимё чожыс, гредса
медолома йозыс — польыс да почыс, война вылын усъём Иван
зятыслён батыс, Гриш Миш, да мукод ас йозыс? Друг да,
сьёлыштасны чужомас либо кодкё, петас ку писыс да, дзенёб-
тас пищалыс урлы моз плешкас! Сы пыдди, мед босытчыны

крестьянской уджё, воддза моз вёравны, большевик Павел Налимов, питшёгас револьвера, рёйтö Кулёмдинө кызыны кодъяслысъко шоём-велёдёмсö. Мый лоны — мед лоё, но большевик Павел Налимов оз кеж аслас бёриём туй вылыс, помёдз кутас тышкасыны му шар вылын социализмён да коммунизмён вермём вёсна.

Кулёмдинын бытъон адзысълас фронтвывса ёртыскöд — Матвей Сладкошиевкöд, кодкöд ётлаын воюйтисны, ётлаын воисны гортаныс. Салдатыс локтigён узис Матвей ордын, сэн и тёдмасис чойыскöд — Настякöд. Окопъясын на тойясоc вердигён Матвей шулывлis: колым кё пё ловйон, тёдмёда тэнё аслам чойкöд, мичаник и зэв шань пё менам чойой, дзик пё тэнлы кодь. Эн пё серам петкöдлэ, шулывлis Павел, миян воюйтigкостi пё чойыц, гашкö, верёс сайё нин петис. «Эз, эз, Настенька тэнё виччысьё, тэнё, кёть и оз тёд тэнё... А тэнад эм чойыц, менлы кодыс?» «Эм менам Оксинь чой, тэнлы кодь жё, да мужика, верёсис кёнкё пронт вылын жё...» «Жаль, да ладно...»

Эз ылёт ёртсö Матвей: чойыс и збыльыс мичаник, и верёстом на, велёдö высшой начальной училищын, мам-батьыскöд на олё. Оти войтö узигён ёна тёдмасьомыс кёть и эз ло, но горд пашкыр юрсиа, Георгиевской креста кавалер Павел Налимов вёрзьёдис съёлёмсö Настялыс, сиктса ног — Настасья Сергеевналыс. Да и Настяыс аслас ныв меліунён да сёстомлунён эз коль веськодьон Павеллы. Водас, и мед шойччöдны юрсö лунтыръя нок бёрын, син водзас Настяоc сувтöдö: кузь съёд юбкаа, еджыц ковтаа, Павеллань видзöдлïгмоз быттö нюмдышты кёсий; пельпомёдзыс тшётшöдöм кокни юрсиыс павъялыштö Эжва гы моз — юбкаыс кодь жё съёд; ачыс ньёр кодь вёсныыдик да нюзд, пелькиник нырвома, а синъясыс гырысьёс, шаньёс да югыдёс, быттö ключ ва пыдёсн кык югыд из. Му пуксьёмсяяныс мичаёс Эжва катыдса нывъясыд. Вот и бёрий кодёскö öтиоc — мича писыыс медся мичасö да муса писыыс медся мусасö. Гашкö, Матвейкöд серти на ёндыхка Павеллы окота адзысълыны Настякöд?

Дзуг юрсиа, руд тошка, зумыц ныра олёма ямщик кежёдис вёвсö турнаинöджык, личёдис седелка кёвсö: йирсышт. Павел лэччис ю дорö, пыркёдчис буссыыс, коскёдзыс пörччысьёмён мыссис кёдзыд ванас, шыльёдчис. Каллянö топёдис табаксö, ляпкыд кыр йылас и куритчис.

Эжваыс кодь кусыня сикт вёлi тыртöм. Вёв да мёс гыжясыс лошсöм мир туйыс ни öти абу бурджык грэздяскостса тележной туйыс. Иёзыс, тыдалö, пуктысъёны на ылджык видзяяс вылын. Жугласьём моски кузя бёжсö люнгыргтöмён шычкиртисны тшыг понъяс. Ямщик вайёдис Павелös, сылон корём серти, уна ёшиня керка дорö — шуисны сийös мёд тшупода школаён.

Вёлёмкö, карсаяскöд тшётш Эжва катыдö воёмаёс и петроградса большевик-агитаторъяс, кык морт, найё и чукортёны матыса да ыджыдджык вёлостьюясыс выль власть котыртыс коммунистъясоc да активистъясоc. Павел Налимов унакöд чоломасис ки на ки, кёть и адзысис медводдзыас на. Вель дыр варовитис Шорчомыс волисполкомса секретар Гичевкöд. Эсий съёд уска, очкиа мужичойыс вёлi тёдса, адзысълис сыкод карын, кор сёрнитис Ларионовкöд да Андриановкöд. А вот овсö тёдмалис сёмын на — Павлов. Тайё Павловыс и восьтис оня адзысълёмсö:

— Война жугёдис Россиялыс экономика. Россия пасьтаян, тшётш и Петроградын да Мёскувавын, оз тырмы нянь. Оз пёттöдз

сейны и Усть-Сысольской да Яренской уездъясса войтыр, шуны кө веськыда, тшыгъялө джынсыс унджык олысыс. Большевикъяс оз вермыны миригчыны татшомторнас. Колис толысысь дырджык нин, кор волі примитома комбедъяс котыртём йылысь декрет, но Коми крайын найё онодз оз уджавны. Татшом комитетъяссо коло котыртын быд волостын, и медматысса лунтьясö!

— Волостной Советъяс кутасны котыртавны али кодъяс? — юаліс залын пукалысьясысь öти.

— Партийной ячейкаяс да волисполкомъяс, оз кө пукавны исполкомас эсеръяс. Ті тоданыц, мый советской учреждениеясын кыв кутана уджалысьяслы коло лоны большевикъясон, и сомын большевикъясон! — водз чуньсö чургöдöмён öвтчис Павлов.

— А кутшом правояс нё ловасны налён... кыдз нін шусь... комбедъяслён? — кыліс бара жо сийё гёлосыс.

— Налён правояс йылысь оні висыталас тіяны Усть-Сысольской уездыс ЧК-са шлен Кудинов.

Йоз водзö сувтіс топыц гёленя кучик сапога, руд кителъ вылас үджеzd зептъяса, балябёжланыс шыльёдём юрсиа, ляпқыдик мыр кодъ кыз голиа мужичой, ар комын позис сетны. Кызоктыштіс кулакас и водзö нүодіс Павловлыс сёрнисö:

— Комитетъяслы и уджыс юр выв тыр, и властыс тырмыён. Быд сиктын да грездын коло артавны, уна-ö урожай позьбосытны сийё либо мёд му вылысь. Коло строғ син, мед вартігас ни öти китыр тусь эз вөв дзебома. Артышты, уна-ö вичмас толысынас быд сейыслы, кольны көзяинислы локтан вося көдза улө. Нянь коляссö чукортны öтувъя амбаро, сэтись и вичмодавны медголя олысыяслы, быд мортлыс арлыдсö тёд вылө...

— Господин Кудинов, тіян ног, деревняса медпемыц войтырыс кутасны веськодыны крестьянствоён? — кыліс залсян зэв ясыд гёлөс, орёдіс сёрнитисьёс кыв шёрас. — Ме думысъ, комбедъя — сийё антисоветской организация, ті воча ныр зуроданыц крестьянствоös, да таён öзтанныц гражданской войны. И мыйла татшом сьокыц кадас, тшыгъялөн кө весьг Мёскова да Петербург, Россияса нянь мунё эшелонъясон Германияö?.. — тёд вылас, тыдалё, кутіс мортыц Брестской мирён шүёмторсö.

Кудиновлон шыльыц, волялысъ чужомыс вевттысис нылём войтъясон, тапкодыштіс ичотик чышкодён векни ныр бордъяссö, вомкотшсö, юаліс:

— А ті, господин, коді лоанныц?

— Татчоc волисполкомса вёвлом шлен Рассыхаев.

— Коммунист?

— Волі кө коммунист, эз эськө вётлыны исполкомысъ. Левой эсер ме. Уна партия исполкомъасысъ ті вочинныц большевистской исполкомъяс, да тадзнац биродинныц и волостъясын, и уездъясын Советъяслысъ власть. Оз простиш таисъ тіянёс история... — öтаро öзийис Рассыхаев, коты и тёдіс, мыйон вермас тайё помасыны.

— А-прес-то-вать! — быттю синёдас шлопийёдліс печатьяс, лабутноя шуис уездыс Чрезвычайной комиссияса шлен Кудинов. — Арестовать не-мед-лен-но!

Револьверъяса кык морт петкодісны Рассыхаевос залысъ. Сийё волі кузиник тушаа, ем кодъ веськыц, еджыц дёрём вылас сьод галстука, орёс юрсиа, и кажитчис зэв на томён. Найё, кодъяскод мир туй вылын паныдасыліс Рассыхаев арестантъяслён керкао нүодігён, юрнас довкнитомён чоломасылісны сыйкод. И, дерт жо, некод эз гёгөрво, кутшом мыжысъ тайё мортсö, коді неважён на

вöлi волисполкомса юралысъös вежысын, нүöны кык морт костас. Коляс пöшти сизимдас вит во, и збыльмасны Рассыхаевон шулöм кывъясыс: эз прöстит большевикъясоc ачыс историяыс уна партия Сöветъяслыс власть бирöдöмыс.

А сэки Кудинов водзö нүöдис комбедъяс йылыс ассыс сёрнисо, сёмын скöрджеука нин да ичöтиk, яя кулакнас övtчиgтыр:

— Спекулянтъяслы, саботажникъяслы ог сетöй некутшöм вöля. Налыс, кодъяс оз кутны юксыны тшыгъялысъяскöд, кутам босытавны и няньсо, и скöтсо мырдöн. Höшта öтчыд тöдчöда: комбедъяслы сетöма право босытны мырдöн, весиг киын оружиеён!

— Сидзнад, войнатöг бергöдчыны ог вермой,— шыасылс Павел Налимов, кодi пукалis воддза радъясас — руд гимнастёркаа, пасъкыд тасмаа Георгиевской кавалер. Тыдалö, тöд вылас усис Никоноркöд асывъя сёрниыс.

— Да, социализм вöсна ковмас тышкасыны,— чöйтис Кудинов,— и нырщикавны ковмас большевикъяслён ячейкаяслы да комбедъяслы. Та вöсна и пыр ёнмёдам Гöрд Армиянымёс.

— Вöлостъясын ячейкаяс зэв этша лыдаёс, а мыйко артмас-ö комбедъясысь — некод на оз тöд. Ме думыс, сёмын вöлостной Сöветъяс вермасны котыртны да ышёдны гöль крестьянствоös асланыс правояс вöсна тыш вылö,— места вывсыс кыпöдчылöмён шуис ныргорулас векныдик сьёд уска, ар комына мужичой.

— Кысь тi воинныд? — юалис Кудинов.

— Немдiныс. Волисполкомса шлен, коммунист Игнатов.

— Игнатов ёрт, сы вöсна и чукöртчим татчö, медым ловзöдны уджсо быд сиктын да грездын,— вочавидзис Кудинов.— Гöль крестьянаös кыскöй ас дораныд, медбуръяссö примитöй большевикъяслён ячейкаясö. Висыталöй иёзыслы, мый оз правой ни левой эсеръяс, а сёмын большевикъяс вермасны пуксьöдны олёмсö тöлк вылö, вермасны регыдъя кадён стрöйтны социализм, а сэсся и коммунизм. Оз ло некутшöм пöщада налы, кодъяс кутасны сулавны революциялы да социализмы паныд.

Сёрниттöг эз кольны и петроградса большевикъяс. Найö висыталисны Ленин йылыс, сы йылыс, кыдзи петроградса рабочойяс да гöрд армеечяяс тышкасъёны буржуазиякöд, кыдзи мырдялёны капиталистъяслыс заводъяс да фабрикайас. Эжва катыдса коммунистъяс да активистъяс пель гöгöрыс сюркнялисны став сёрнисо, и разöдчисны вель нин сёрон. Кодъяслён абюс матаисаяс да тöдсаяс, школаас и узьмёдчисны. Гожся каникульяс дырииыд сийö тыртöм. Сиктыс купайтчис лэччыс шондöлён югоръясын. Ю кузя кыттисны-катисны пыжаяс. Уна рöмён ворсис-кёчасис шондöыс Петыр-Павеллён вичко öшиньясын. Сё во нин брунгöны сылон жыннян шыясыс. Дыр-ö höшта терпитасны смыссы брунгöм шыяссö большевикъяс — сэк некод на эз тöд. Но школаясын Ен законъяс велöдöм да Ен обрядъяс нүöдöм Россияса выль правительствоён вöлi нин дугöдöма. Енлы эскöмсö коммунистъяс шуисны иёзлыш синсö портöмён.

Веськыд пельпом саяс ичöтиk ноптя, Павел Налимов сувтыштлис вичко весытö — эз, эз пернапас чöйтöм ради, а прöстö окота ради. Буретш танi, тайö вичко дорас сизимдас вит во сайын, 1843 воин, карательной отрядса салдатъяс нöйтисны плетъясён Куломдiнын бунт панысъясоc. Нöйтисны сиктса став иёзлён син водзын, нарошиö чукöртлисны да. Крестьяна кыпöдчылисны властьяслы паныд асынысö морт туйö пуктыгöмьс, омольтöмьс, гырысъ

да уна пёлөс вотъясысь. Кык нырщик пышайисны-дзебисисны карательясысь, но ёти сулэя винаысь вузаліс найёс асланыс жо ёртыс — и аддзисны сиктсянь верст кызь сайысь. Нойтісны сё дас крестьянинёс, а нырщикъяссö, плетялём бёрас, мёддісны Сыктывдінкарё, сэсянь — Сибирё. Помнитö тайё вичкоыс бунтуйтчысъясоs, кылø плестьясон швучкёмсö. Ловъяös на и йоз, кодъяс аддзылісны сюрс кёкъямиссё нелямын коймёд вося лоёмторсö асланыс синъясоn.

Йозсянь кывліс да, бура тёдіс бунт йывсыыс и Павел Налимов. И сэкся, и онія кадыс сылы унаторйон кажитчис откодьён. Сомын сэки, важёнсö, кыпöдчылісны Енлы эскысь крестьяна, а оні кызвыннас — пернатом сыліяс. Мыйлакö Павеллы син водзас сувтіс тешкодь серпас: вичко дорын быттьёкё ньёръялёны оз нин бунтуйтчыс крестьянаос, а... революционер-большевикъясоs. И на пиын ёти... ачыс. Война вылын таэтшсö эз повзыв, а оні весиг сыркунніс мисытём думъяссыыс. И ачыс ассысö ёдйёджык лоњёдіс: крестьяналён сэкся бунтыс вёлі стихийной, бура котырттём, Эжва катыдса сомын ёти вёлостын, а оні Павел Налимов кодь большевикъяс вёчоны мирвой революция. И найё, большевикъяс, некор оз сетны асънысö ньёръявны, ковмас кё, асъныс на ньёръяласны налы паныц суалысъясоs. Буретш та йылысь и вёлі кызвыннас талунтъя сёрниыс. Со тай, мый лоис эсійо Рассыхаевыскöд — арестуйтісны весьқыда заседание вылын, көть и мортыс нинём лёксö эз вёч, висъталіс сомын Сөветъяс йылысь ассыс видзöдлассö.

Колё шуны, оніёдз Усть-Сысольской уездной Сөветса, а сідзжö вёлостной Сөветъясса исполкомъясо пырлісны и шуйга эсеръяс, и большевикъяс, и меньшевик-интернационалистъяс, и беспартийнойяс. Татшомторйыс эз вёв съёлёмвыв большевикъяслы да на дор суалысъяслы, кодъяс тшöктісны исполкомъясоs вынён мырдявны кулақъяслысь, купечъяслысь, вузасысъяслысь, озырджаика олысъяслысь лишаланаторъяссö, тшöтш и му-видзсö. Но, мед эз кыпты йоз костын зык-вен, Сөветъяс ставсö тайёс шуисны вёчны небыдджаика. Небыдлунсыыс и лёгасисны коммунистъясыд уна партия Сөветъяс вылад: кутісны вётлавны сэсъ мёд ног думайтисъясоs, босытчисны котыртавны комбедьяс. Усть-Сысольской, Яренской, Печорской уездъясса шуйга эсеръяс, а сідзжö уна беспартийнойяс, восьсон сувтісны комбедьяслы паныц, татшом комитетъяссö найё шуисны антисоветскойён, советской демократиякёд лёсявтёмторйон. Веныс ётарё ёсъмис.

Павел Налимов восьланіс сикт кывтывадань, вуджис вичкордорса шор поссö, и кежис весьқыдвыв. Паныдасис милиционеркёд, юаліс сиылыс: кёні по тіян арестантской керка? Мёдис петкёдліс кияснас индаломён, ме по сэтчö и муна дежурство вылö.

— Тэ тёдан Рассыхаевös? — юаліс Налимов.

— Рассыхаевыд тан уна.

— Волисполкомса вёвлём шлен.

— Но, кызд нё ог тёд? Максим Максимович, сідзнад. Велёдö эсійо виж школаас, сиктаным зэв пыддиpunktana морт. А мый сыкёд?

Налимов пырсö нинём эз вочавидз. Гимнастёрка зепсыыс кыскис бумага да карандаш. Воссыштліс пинжак пёлаыс, и югнитліс Георгиевской крестыс. Милиционерыд тайкё и честь эз сет, шуис:

— Ме ола со тайё орчча керкаас. Локтём морт тэ, тыдалё, катыданысысь, верман пырны и шойччыны, мам гортын.

- Пасибő. А кысъ тёдін, мый ме катыдысы?
- Зэв прости: «л» вылёр сёрнитан.
- Ладнö, кежалам кильчö вылёрдзыд. Сэн ме бумагатор гижа, а тэ сетан аслад начальники.
- Мыйла кильчö вылёрдз? Пырам, личöдчы, шойччы.
- Ме Матвей ёрт ордö муна, эсія керкаас и олö.
- Настаясö али мый?
- Да, Матвейлён эм Настя чой.
- О, Енмöй, ме налён воча вок. Ми накöд кык воклён челядь. Менам нимöй Василей, а овой Сладкоштиев.
- А ме Павел. Павел Абрамович Налимов, уездной Чрезвычайной комиссияса уполномоченнöй.
- О, Енмöй! — бара шензыштис милиционер.— Эг чайт паныдастыны та ыджда чина морткöд... Абу кö гусятор, мый лоис Максим Максимовичыскöд?
- Арестын Рассыхаевыд... Тая бумаганас сiёс лэдзасны гортас, талун жö.— Налимов шöри чукыртис бумагасö и мыччис Василий.
- Мездыны колö мортсö, мездыны, а то кывсяс кö сиктсаяслы, путкыльтасны арестантской керканымöс.
- И прощайтчисны öта-мёдыслысь кинисö кутлёмён.

* * *

— Настя! Настя! Конi тэ? Ноко, примит дона гёстюс! — казялiс да, ылiсянь на Павеллань воча матыстчис Матвей — латшкös, паськыц пельпома, восьса кöлыса еджыц дöröма, кöмтöм. Чолöмасисны кинаныс, тапкöдыштисны öта-мёдыслы мышкас.— Страдуйтам, Настякöд сöмын на-ай воим видz вылысь. Миян ведылынöсъ видзьясыд, сиктыц ыджыц, йöзыц уна.

Стынбёжладорсяныс, тыдалö, град вылас вёлёма, киас лук котыра, тыдовтчис Настя — нюмъялö, вомыс быттьö анькыгш пуртöс воссёома, кокни ситеч платтöв вылас водздöраа, чышкыштис кисö, мыччис Павеллань:

- Бур рыт, Паша. Кулёмдiнö воёмён тэнö!
- Бур рыт, Настасья Сергеевна. Пасибö.
- Мый нö отнад? Ме тэнö мамыдкöд виччыся, либо чойыдкöд. Ме тэнö, ерёмаканьöс, корасьны виччыся, а тэ отнад... — шмонитана, гашкö и, збыля сёрнитис Матвей.
- Аттö жö тэ, Матьвей,— «т»-сö небыда шуалiс Настя,— эгö на керкаö пырой, а янöдchan нин.
- Ачыд нö эсъкö мый виччысян? Пöди, гётыртöм на жö? — чоя-вокалань видзöдлассö чётвлis Павел.
- Ме тэысь томджелик öти арён, тэ и петкöдлы мен примерсö. Сiдз али абу?
- Ладнö, мыйкö дыра нöрёвит. Тэсся... видзöдлам,— Павел топöдыштлiс ёртсö.

Матвейяслён вит стена керкаыс ыджыц да югыц. Отарыс кык судта. Улыс судтаас, конi кык öшинь и эм, ывласянь торъя пыранiн. Посводз мёдараас ыджыц сарай. Кartaас жыннян триннытлö, мёскыс, тыдалö, жынняна.

— Вай, личöдчы, батьö да мамö талун ичötджелик воккöд видz вылын войколалöны,— пырёмён тшётш шуис Настя.— Зэв лёссыц чом сэнi выйим, шабдi вон и.

— Сэн матын ты эм, батьö ботайтчö тыас,— содтис Матвей.

— Чериа? — юаліс Павел.

— Медсясö гыч олö, Гыча тыён и шусьö.

— Локтігөн тёдмаси милиционеркөд, тіян воча вок волёма.

— Васть сія, зев шань морт. Керка кост сайын рöднöй воклон керкаыс, водзынджык рöднöй чойлён, бать-мамлён найö мед-гырысыыс, — лыддьбодліс Настя, пызан вылö сёян лöсöдігмоз. Матвей печуркаас самöвар сувтöдіс пузьöдны, самöвар труба помсо ыджыд пач трубаас сюйыштöмён.

— Политикаад сетчин да, сізд сэссея-й эновтан крестьянской уджтö,— дивиттöг шуис Матвей.

— Пармачуркыд вед менам некытчö на оз пышай.

— Оз эсько да. Менö вот олöмыс майшöдлö, öтарö лёкмö и лёкмö, лавкаясыд күшмёны, истöг весиг бырис, нянь донсяло. Миян эсько гортын пöжасъёны да. Ид-рудзöгыд омоля шептасъёма таво, картупельыд жеб и, видзъясыд эсько-й турнаёс, шедö туруныц.

— Уна видзанныд скöttö?

— Öти мöс, кык вölі да, Матвейös салдатас босьтöм бöрын мёдсыыс лэдзчысылім; яй вылö öшпи, арнас начкам; вит ыж, кык вöв, дас чипан... — висътасис Настя.— Öти кывйöн кö, абу помещикъяс.

Ыджыдладор жыръяс, кёні и лöсöдчисны ужин кежлö, суаліс пушыц юрлөсъяса кык крёвать, пызан весытас öшаліс гёгрöс петеля лампа-абажур, ен ув пельёсас пу öбразъяс, джоджас топыда вольсалёма ас кыём югыд джодждöра. Пытшкёсладор жырыйс Настялён. Сэні пу крёвать жö, кёлуй öшлан шкап, öшинь дорас нига джадж. Нигаыс вель уна, öд Настасия Сергеевна сетö челядьлы роч кыв да литература урокъяс. Кыкнан жырса стень-ялас рамын öшалісны алипа краскаён серпасалём вöр-ва, весиг портреттöяс.

Дзуркуні öдзёсис и пырис керкаö сюмöд кодь еджыд юрсиа, сэтшом жö ус-тошка, шабді дёрём-тacha да коскас сера вöня, кузиник, мышкыракодь олöма морт. Салдатысь локтігөн Павел аддзыліс нин сiёс: тайö — пöльныс. Гостыыд чеччылёмён чоломасис сыкёд, кузь чунъяса коснёйд кисö топöдліс.

— Пöдруга али мый лöсöдін, пöль, татшом сёрёдз ветлан? — гораа юаліс Матвей.— Сёкыда кылö, тадзи лоö сёрнитны.

— Вокыд ордын вölі, нукъяс дiнын. Мамыдъяс эз локны али мый?

— Найö вомын бёжё кольчисны. Пуксы пызан саяс, ужнайтны кутам,— корис Настя. Вомын бёжнас турун пуктанiныс шусьö, верст сизим сэтчöдз.

— Настук, ме пёт. Ужнайті ме на ордын.

— Сiдзкё, мун пыді жыръяс, узь сэні.

— Ог, ме улiас лæчча, аслам крёватьö.

— Кыдз кёсъян... — чöйтис Настя, сэссея ошысыштiс аслас пöльён:— Пушкинлён кувсян воö чужлöма, кёкъямысадас öти арös таво тырис. Том дырийыс батыскöд сиктись сиктö вölöм ветлöны, вичко пытшкёсъястö серпасавлöмäöсь. Ульянаса манастырад дыр кад уджавлöмäöсь и. Великöй Устюгса духовной правлениесянь весиг благодарственнöй бумага эм. Тайö öбразъясып пöшти ставыс пöльёён да сылон батыён на серпасалём, вичкоын вежöдöма. Стенас картинаясыс пöльёён рисуйтöмъяс жö. Уна öбразтö серпасалём бöрын, миянöс рисуйтас да, ставным еньяслань жö-й мунам. Со, эсiёй ме. Аслань муна ог?

— Муныштан... Эн кö инды, сёровно эсько тöдi: тая тэ. А эсiя — Матвей.

— Велёдчис кё, мёд Илья Репинён эськё лоис,— нюмъяліс Настя, енбия польён ошысыгтыр.

— Оні серпасасьё на?

— Оз нин, дай краскаыс абу, сы вёсна и жутыль. Синнас эськё бура на аддзё да, киясыс оз сырмыны ни. Кослунасигад омольтчылас да, кусыня вутыр шатин кодь лолас. Зато пытшкёс висьом вылад оз норась.

Матвей сувтодіс пызан вылө роч вина сулея. Нуръясыом водзвылын ачыс жё и шуис:

— Сы вёсна, мый ми ловъяös. Миян ёртасьом вёсна!

И куимнанныс тотшнитчисны, тыртёммёдісны румкаяссö. Чоявока, көттө и ёти бать-мамсянь, чужём-обликнас ёна торъялісны. Матвей ыдъыцда бап лыа, нюз ныра, дженыыдик кыз чуньяса, зыр пасьта ки пыдёса — вартас кё, вёлөс кок йывсыс уськодас. Настя бобув кодь кокни, нюмыс Павелös шёйёвоштана, съод синкым улас котралыс кельыдлөз синъясыс манитанаösчуксаланаös. Мыйла вот сомын татшом мича нылыс, кызь кык арёсавыс, онодз веростом? Тыдало, оз зонъясась ни. Но и мый? Со тай, аслыс Павеллы кызь квайт нин, а век на жё гётყыр ни котыр. Матвейис и. Вот помёдз вермас революцияс, сэки и гётрасяс Павел. Настякод и гётрасяс. Висъставны эськё тайös кыдзкё Настялы, но кыдз? Оз кё висъстав, вермас и не виччысыны нылыс.

— Но, мый думыштчин, Павел Оврамович? — комиён вичаліс Матвей.— Нылыштам мёд румкаён. Да, эг на и юав, кутшом мог нё тэнö вайёдіс Куломдінас? Аддза, абу корасыны воёмыд...

— Матвей, эн скёрмөд менё,— чай нин кисъталіс чойыс.— Янодан менё-й Паشاö.

Зэв на и лёсяліс Павеллы тайё юаломыс, вочавидзис:

— Султодам олёмсö кок йылө, и бытъён локта корасыны... сомын татчö... тіян ордö... Мамёкод да Оксинь чойкод и локтам. Вайё, та вёсна и ювамой.— И кыкысъ нылыштёмөн күшмис Павеллон румкаыс.

— Ой, Паша, сы дыранад ми пöрысъмам...— чужёмсö ичётик кинас тупкыштёмөн пыльсмунис Настя.— Век жё, та вёсна ме юа пыдёсöдзыс.

— И кор жё, тэ думысъ, олёмыс сувтас кок йылас? — нырсö тильыштис Матвей.

— Регыд... Ми, большевик-активистъяс, сы вёсна и чукортчылім татчö, мед регыдджеңк кадён ладмёдны олёмсö. Мед эз вёвны ни гольяс, ни озыръяс. Мед ставён отмоза бура олісны. Аски ме Шорчомё кая, мыйкё сэн абу лёнь... Кыдзи воёдча сэтчö? Волисполкомса секретарыс тан, вёла, онтай сёрнитчи нін.

— Простиш менё, Павел, но сэтчöдз, кытчöдз тэ, коми крестьянин, кутан ветлыны съорад револьверён, Коми муад лённүңд оз пуксы.

— Революциятö күш кинад он дорый. Тэ, Матвей, тайös зэл бура гёгрвоан. Ми, дашкё, думайтам ог отмоза, но тэ меным вёлін и колян медматыса ёртён да другён.

— Пасибö. Буретш да, ме тадзи жё думайта.

— Сёрнитой быдтор йылысъ, сомын энö политика йылысъ, — корис Настя.— Выль властьыд йöзыслы нином на эз сет, мёдарö на, ётарö гудыртö олёмсö.

— Настасья Сергеевна, мый кутан тёд вылад? — овнааліс нылос Налимов.

— Көттө нин сiйö, мый тавоянъ пö оз кутны велёдны школаясын да училищеясын Енлысъ закон. А тёдан, Паша, кымын сё во нин олёны комиясыд Христос вера серти? Витсё во

сайё!.. Вёвлі сэтшом епископ Перымса Степан, мёд ног кё, Степан Пермский, коді Коми му вылын қыпёдіс медводдза вичкояс, буджодіс коми кыв вылө Евангелие. А тёдан, Паша, мый сійө Евангельёыс? Сійө Иисус Кристослон олом да сылон велодом йылысь нига. Қыздз иң татшом нигасө велодтогыс кутам овны?!

Павел, дерт жё, вермис вочавидзы: Енлы эскомыд по йозёс бобиёдлом, но эз көсіы асыс сувтодны Настялы паныд. Гашкó, вежавидзис? Гашкó, эз лысът воны венёдзыс тайюна велодчом нылыскод. Настя йылысь Павел тодіс этша, но тодіс сылон велодчом йылысь — Матвей на висъставлі.

Куломдінса училище зэв бура помалом борын Настя Сладкошиеваös 1912 воын ыджауджык вокыс нүодіс Тотьмаса учительской семинария. И велодчис сәні нёль во чёж, и век стипендия вылө. Сійө жё воясас Тотьмаса семинарияны босытіс тодомлунъяс и мёд коми морт — Василий Лыткин, коді борынджык лоис нималана учёнойён да поэтон. Чужан мұас сійös тодісны Илля Вась нимён. 1916 воын семинария помалом борын кё Василий Лыткин веськаліс царской армия, то Настя Сладкошиевалон чужан сиктас сәки пансис педагогической удж.

— Сысь, мый тавоянъ челядь оз кутны велодны Енлысь закон, абу мыжайс татчоис власть кутысьяс, — мыйкё дыра чёв олом борын шуис Павел. — Сөветской правительстволон индод серти вичко ториёдома государствоись, а школа — вичкоись. Оз сомын Комиын, но и Россия пасытын оз кутны велодны Ен законъастö.

— Паша, буретш тайюс ме и ог гёгорво: мыйла православной государствыны дугёдёны велодны Ен кывсö? Менсым та йылысь кутасны юасынъ челядь, а мый ме налы вочавидза? Но мед, друг да велодны на кутасны... — эновтчис тайю сёрниссыс Настя. — Бурджык, вайю водзö тشاютамой.

— Пасибö. Тіянлы колё шойчыны, — пызан сайыс чеччис Павел, тув йылын ёшалысь пинжак запсыыс кыскис табак көшельсö да каллянсö. Матвей эз куритчы, но петіс тшотш ыркодчыны ывлай.

— Аски бара видз вылө? — юаліс Павел.

— Да, вомын бёжю. Настя горт овны кольччас, а сы пыдди ыджауджык чой мекод каяс.

— Абу кивыв, ылын виддзыд да.

— Сэсь вед вежонён и пунктам артельнад.

— А кыдз иң ваяланныд?

— Турунсö? Коркё тыкта пыжён, коркё лымъя туйён. Мед сомын тулысодзыс вайны, а то ытвавыс пышийдас.

Сикт узис нин. Гёгор чёв-лөнь. Модлаполыс ру пиын. Тодомысъ, тайю здукъясас ру пиын и Пармачурк.

Павел садымис водз: стенын тічкись кывъя-гираа часі петкодліс квайт час.

— Матвей! Матвей! — пёдом голёсөн шыодчис ёртыс дінö Павел, но сылон крёватыс волі нин тыртём. Эз узъ и Настя. Сійө пырис мөс лысътанінись киас йөв пёдёнчай, кыліс ливкийдыштана голёс:

— Бур асыв, Паша. Қыдз узъисис?

— Бур асыв, Настя. Чоскыда, эг кывлы весиг Матвейлысъ чечёмсö.

— Чойыскöд ная водз мунисны. Ывлаыс вот букиш, мед кöть ээ зэрмы.

— Менё, надейнё, тожё нин виччысъё шорчомса ёртыд. Тэрмасыштны ловё.

— Нуръасышт. Сэні со, пызан вылас, йöв и нянь.

Настя колльöдіс Павелös öшинювса йёр дэиръя дорöдзыс. Збоймöдчис да и юаліс бёръя здукас:

— Паша, тэ тöрытнад збыльтор шуин али шмонитин?.. Ну, корасьём йывсыц...

Налимов видзöдіс ныв синъясö. Коліс эськö шуны кутшöмкö шань да мичаджык, мörччанаджык кывъяс, а найö сідз ээ и сюрны. Матыстчис Наствялань, топöдыштіс нылөс морöс бердас, чунь помъяснас дзугыштіс юрсисö, чупнитіс бан боксö.

«Ме кута виччысъны...»— вочавидзис нывлöн сьёлomyс. Настя ээ куж и думыштны, мый регыд Коми мунымöс кутасны талявны то гöрдъяс, то еджыдъяс; то еджыдъяс, то гöрдъяс; мый коми ѹоз кутасны лыглыны, гусьён и явö виавны ѿта-мöднысö. Тыдалö, виччысис татшöмторсö большевик Налимов, та вöсна и кутіс ас пытшкас Настя динö сьёлöм кылöмсö, помöдз ээ восьт ассыс думъяссö. Но Налимовлы кокни вöлі лов вылас, кокни сысьс, мый лöссыда прöщайтчис мусаник нылыскöд. Кор нöшта аддзысласны? И аддзысласны-ö? Та йылысь ээ тöдны ни Настя, ни Павел.

...Вöлök кузя Шорчомöдз колис верст вит-ö-квайт, кор кыліс вичко жыннянлön брунгöмыс.

— Мый тая, Андрей Прокопьевич?— Гичевлысь юаліс Павел Налимов.— Абу-ö талун кутшöмкö Ен праздник?

— Ак, екуня-ваньö, эг сувöй: талун дзебöны отеч Ладимирöс.

— Мый сыкöд?

— Висис. Дыр нин висис. Нэм чöжыс Шорчомын попаліс, бур морт вöллі, сарство небесной сылы.

— Арлыда нин?

— Арлыда. Ар кöкъямысадас вöлі. Оніяыс, отеч Родионыс, во дастö попалö нин. Сиктса бабаяс попадятöм попöн шувöны отеч Родионöс.

— Мыйла?

— Ар нелямын вита кымын нин, а век на гöтыртöм. Ачыс веждимса, купеч Поповыдлон пи Родионыс. Водзджыксö учи-телявліс, во дас велöдіс миян школаын, ёна ошкылісны челядь, шань пö мортыс. Тэсся отеч Ладимирыд ас ордас служитны босытіс, псаломщикаліс. Вот тадзи и быдмис попöдзыд, попö пö-й велöчылöма коркö. Отеч Ладимирыс рöдной дядь Родионыслöн, на ордын и оліс век, вичкоыскöд орчча керкаын. Ме бура тöда отеч Родионтö, сыкöд позьö воöдчыны ѿти кылö... Но-о-о! Матын нин, рöдтышт-гöнит нин татi,— вöвсö ньоръяліс Андрей Прокопьевич.

Павел Налимовлы вöлі дзик веськодь, коді попаліс Шорчомса вичкоын. Но мыйён мýччысис сиктыс, сылён синмö медводз шыбитчис джуджыд нöрыс йылын зымвидзыс ыджыд да еджыд вичколён енэж лöзсö окалысь креста сигöрыс.

Боддза юкёнлön пом.



Владимир ТИМИН

* * *

Кёнкё кёдзыд,
Кёнкё жар,
Но а Гарья сиктын буретш,
Съёлём корсъё вёчны бурёс,
Бара томдырся кодь яр.

Збыльысь вый войталан лун,
Быд ёшиньё пырё шонді,
Сиктсаён бёр лоны понді,
Му удж вёчомыс ээ вун.

Колё кужёмлун да вын,
Да и бласлөвитом вывсянъ...
Ассыс бурссо вўзий пывсян,
Со нин пуркий-пето тшын.

Орчён Сыктыв, мед оз шед
Важся вояссо моз чери,
А мый шедо — чужтоб серам,
Гажсо мёдтор тадз оз сет.

Татчёс оланног ог торк,
Мекёд варовито ывла —
Олём чёжён сысянъ кывлі
Ас му йылысь унатор.

Тёвлань кушмас му да вёр,
Но быд гожём тані лоа...
Отчыд сэсся сиктö воа,
Сэки пыр кежлö нин, бёр.

* * *

Ак, ёна жё нин паськыд мирыс,
Од збыльысь сийо пом ни дор,
А нёшта паськыд енэж йирис,
Оз некодаро сийо оп.

Сэн ёзйо лыдтём-тшёттём кодзув,
На костын нэмёвойся чёв,
И сэтшом шуштёмлун, мый водзö
Оз вермы письтын весиг мёвп.

Но сийо пессьё, оз сет овны,
И корсёй Ен югыдас туй,
Кыдз быттьё мыйкё тёдысь ловлы
Важ муным овны оз нин туй.

Сьёд йирас помся вензьём мунё,
Оз сетчы кёдзыдыслы би,
И медся мывкыд оз куж шуны,
Мый ради Ен югыдас ми?

Мый могён олам, кодлы колам
Да кузь-ё мортвужыслён нэм?..
Морт корсёй истина и полё,
Од кёнкё вочакывыс эм.

Ен быд лун сетё вочакыв,
Но Енсё мортыс оз на кыв.

* * *

Тэ со прост
И ме со прост,
Гёгёр восьлалёны ѹоз.

Өта-мёдлэсь лов шы кылам,
Но ѹоз синмыд аттё сюсь,
Гусьбоникён инмёдчыла,
Медым бур нимыд эз усь.

Сёрни гарчё кывайысь кывйё,
Абу мелі, абу скёр...
Эськё босытлыны кё сывйё,
Эськё окыштлыны кё.

Аддзысылыны эгё вёччой,
Воча сулалам бурпёт,
А мый съёлёмъясын вёчью,
Некод сы йылысь оз тёд.

Тэ со прост
И ме со прост,
Гёгёр восьлалёны ѹоз.

* * *

Миян ичёт грекъяс сёмын,
Оз ков повны Страшной судысь...
Но од.отчыд окыштёмён
Енмёс вузаліс Иуда.

* * *

Весьшёро мэ восси тэд —
Эг тёд рутё.

Но и вешйыны он сет —
Быттьё кутан.

Кывзан веськодьпрысь, но
Он дзик ётдорт,
Эсько чёйтны тайё нок —
Артмё мётдор.

Ассыыс висъталёны мем
Тэнад синъяс.
Мыйкё меланыыс да эм,
Эмыс инмё.

Ог шу, надея оз сод —
Весь ог долъ тэд...
Сёмын нюммунышлан со:
«Уна больган...»

* * *

И ѹйтталёмлы волё пом,
Кор синъяс казялёны збыльсё,
Оз воссы ошкём вылёр вом,
Мед кыпёдыштын аддзём выльсё.

Мый лой? Шондыс эз кус,
Но уси синъяс водзысь кёртёд,
И аддзи бисер пыдди бус,
И зарни пёри симём кёрто.

И ыджыд шудысь коли чут,
Дай сийё тыдавтёмёдз чинё...
Ак, мича ань, ме лёг ог кут,
Од буретш тэ мем восьтін синъяс.

* * *

Ак, менам му выв югыд кодзув,
Эн ло ме дорё стрёг и скёр,
Од кадыс Ѻйё лэбё водзё
И здук кежлё оз кослы бёр.

А тэныд быттьё оз и инмы,
Мый миян абу помтём нэм,
Но видзёдлам на, кутшём синмён
Дыр мысти петкёдчылан мем.

Ми важсо казтылам сэк ёна,
Кыдз быттьё пёрысьлун эз таль,
И мыйкё лоё друг зэв дона,
А мыйкё — синва петтёдз жаль.

* * *

Кык час сайын эсько
Аддзысыны ми вермим,
Сёмын петны воча
Ньёти тэ эн тэрмась.

Час сайын ми эськő
Окасим нин пöttöдз.
Мыйла съёлём биös
Нем жалиттöг пöдтан?

Да и тайö здукас
Вöлi эськő лöссыд —
Топöдi ас бердö
Радейтöмöн, пöся.

Тэа-меа костын
Югыд шудас эска,
Сöмын век тай артмö:
Эськő, эськő, эськő...

* * *

Öтчыд казялан ас гöгöр
Зэлалöм vez:
Могъяс — быдсяма пöлöсöсь,
Колана, ковтöм.
Корсян мынтöдчан туйвизьяс,
Могъясысь мезд...
А кор мынан,
Сéк казялан:
Натöг он ов тэ.

□ □ □

Дона лыгдысысь!

Эн вунöд судзöдны «Войыв кодзув»
журналто 2001 волён воддза джын кежlö.

Гижсян доныс — 33 шайт.

Редакциялён бухгалтерияын — Сык-
тывкар, Карл Маркс нима улица, Печать
керка, 6 кабинет — позьё гижсыны 12 шайт
га 60 урысъ.



Борис ШАХОВ

Клим Самарин да мукёд Сюзью

МЕНАМ важён вёлі дум, а веськыда кё висъставны — зэв ыджыцд кёсйом лёсьёдны аслым мотора пыж. Сысы майбырыс вёр-ватö радейтыссы нинём абу — сёйт пыжад мый тэньд колё, пускы мотор дорад да тёвзы, кодарлань тэньд окота, апав морёс тырнад сёстом сынёдсö, гонняв-нимкодясь вёр-вавыслён мичлунён. Позьё пыравлыны сылон медся пыді пельёсъясö, сывиыштчылыны медся мича местаясыскöд. Сöмын Изъва юлон, лыдьёдлыны кё быттьё, кымын вож! Чер, Лёккём, Буркём, Вылыс Öдэс, Улыс Öдэс, Сьёдью, Айюва, Уква, Сюзью, Кедва, Сöбысь... Сэсся вожъясыслён на вожъясыс, кытъясті, черён-пилаён кё абу дыш ва туйсö весавны накёсасъёлём пүяссыс, нöшта на пыдёдзджык позьё пырёдчывлыны: сэтчоясö од жар гожём кежлад арёдзыс гырысь комъясыд пыравлёны сёдз, сёстом да кёдзыд ваас майбырасьны.

Ме тóлысъ-мёд лун кост мысът öти магазинын дулльёс нылалі, Югославияын вёчём резина пыж кыйялі: нёльсё килограмм груз лэптö, пыдёсис уна пёвста панералысь, бокъяссö пöльтигён колё лёсьёдны. Пыжыс кык пелыса, но бёжас дас кык вёв вына мотор позьё öшёдны. Сэсся од сточ да первой кварталысь ыджыцкодь премия сетісны, и ньоби дуль пычкысь мича пыжтö. И «Ветерок» мотор тшётш сы дорö. Ни-имкодьёй-й — вомё оз тёр! Öти-кё, некутшом содтöд сарай оз ков — гаражын сылы местаыс тырмас. Сэсся сiйос позьё көть кутшом ю вылё аслам «Жигули» вылын нуны!

Арся вёранан кад воссытёдзыс на Климкод сёрнитчим картупельяс нетшкём бёрын кайлыны Сюзью кузя. Кык вож отлаасяннiöдзыс.

Сюзью усьё Изъва юё. Позьё эсъкё, быттьё, öшинь увсянь сёвны пыжё да Уква кузя кывтны Изъва юёдз дас кык верст,

сэсся Изьва кузя бара ва кывтчös кызь кымын верст Сюзюо
вомöдз, Аким сиктöдз, да сэсянь нин катны колана местаöдз.
Но!.. Сюзюо вомсяныс он вермы катны пыжнад моторён ни
зibъясымён. Тыра кöть тыртöм пыжыд, ковмас кыскысыны: матö
вит верст Сюзюо кöнi из плитаяс вывтi сяльгö, кöнi изъяс костöд
бузгомён бузгö. Вот и корсысь да кыскав ю вомёныс и пёлёныс
тыра пыжтö гёптысъ гёптö, кöнi вавыс кок шегийдзыд жö сёмын.
Лун джынийсъ дырджык ковмас сэн песссыны — пöсъ кисытны
эбёсссыд усымён! И ми сiйös ордйöдим: Сюзюо вылас мунiм
машинаён, сiйö сьёкыд местаяссыс дzonь верст вылоджык. Дzonь
войков быттö воим резина пыжнад!

Ректысим кыр йылас да пиös пыр и лэдзим гортас. Но ме
стрёга тшöктi Гришалы локтан вöскресенниöө волыны татчö
пемдьтöдзыс и виччысыны миянёс.

Лöссыдчим ва туй вылö петны кыпыд руён, но тэрмасытöг:
ыджыд туй кост — медся сьёкыдсö — лöссыда пановтiм, лун шöр
кад на сёмын, поводдяыс мича, шоныд — баба гожём заводитчис,
и дзик гажа гожся лун көдь, и водзын миян пöшти дас лун вöр-
вакöд сольнитчöмён олём! Кöсёймъяс миян ыджыдöсъ, и мыйкö
да сюрас: чери кö оз шед — пётка кыям; пётка кö оз веськав —
пув вотам! А-а, пув кö оз сюр — сiдз шойччома лоö!! Со тай
кыздзи, майбырёй, шондiыс нюмъялö миянлы!

Резина пыж абу ёсъ ныръяса коми пу пыжыд. Сiйö öд миян
и ва паныдсö тювгысъ водзö. Тайö эсъкё, ва веркös вылас кö
моторыд вермас лэптynы, лэбзьö-исковтö жö ва вывтys да, быттö
бордъяса. Но ватыс уявныд лёка уялö. Сэсся ми татшöм пыжнад
первойсъ, да абу жö бура артыштсъёма. Лыддим, да миян пыжад
грузыд унджык жö лоöма — 350 гёгёр кило, асынымös да Джулька
пониös тшöтш лыддьёмён. Нинём быттö лишнöйис эз ло, а
кёкъямыс вöв вына «Ветерокны» ва паныдтö öдва тойлалiс
пыжнымös, быттö миян томдырся гёrd паракод-буксир кык
ыджыд баржа ва паныдсö мургис-катöдiс. Но катöдiс öд, эз ков
зibъясыны — пöсъ кисытны, и пукалiм пыжас да збылысъ
гоннялiм-нимкодясим. А, гашкё, вöрё кö петин, оз и ков чеп-
сасынты. Эм позяналун — любуйтчи чужан мунад, мича да муса
серпасъяснас. Кор на нöшта мёдисъ веськавлан татчö. А арын
вöр ю берегъясысъ мичааджыка краситöм-баситöм местаястö он
сэсся некысъ аддзы. Коз, пожём, ния, кыздз, пипу, пельсъ, льём
пу, бадь — ставныслён аслас рöм: пемыд турунвиж, югыд
турунвиж, веж, виж, алой, гёrd, чим гёrd... Тырмёма тай, не-
бось, природалён краскаяссыс, да кужёма сiйö берегъяссö, сё
майбырёй, гажёдны! Медыджыд таланта мастерыс!

Любуйтчиныд да нимкодясыныд, дерт, лöссыд, но ми чай-
тим — Сюзюо вожасянинöдзыс öти лунён воам, а пемыдис миянёс
джын түяс на и сүис. Вörtас саяс шондi дзебсытöдзыс ми
заводитiм видзöдавны-корсыны лöссыдджык сувтланiн.

Бöйим зэв мича, кыпьцд места: туруна алькös берег. Кыр йылас
сулалiс мича, сора вöр. Джулька пыж тшукöдчытöдзыс на
чеччыштiс берегас да усыйсис кыр йылас, пельяссö чошкöдöмён
кутiс виччысыны, мый кутас вöчны пыжын пукалысъ кёзяиныс.
Клим кыскыштiс пыж нырсö берегас, неыджыд якör катöдiс
вылоджык да крукыштiс бадь кустö.

— Кöть и эг ёна сюся, но душ-мёд чомкосттö, важ ногён
кё, гургим жö Сюзюо кузя, чожа-гажаа,— дёвöля нюмъялiс
Клим.

Ме кысқышті бакилö гёленъяс лядвейясöдз да чеччи ваас, думыштчи сёян-юан тыра мешöкъяс весытын.

— Шыд пуны кутам отой? Мый босытны кыр йылас? — ви-дзöдлi Клим вылö.

— Отой, кёнкö. Талун гортса волёганым тырмас. Чай пузьёдлам дай. Сидз вед? Гумовт васё чайникас. Ме катода нуръясянторсö эсий мича ния дорас да бипур лёссыода...

Клим босытис чер, сёян-юан тыра мешöксо да кайис кыр йылас. Ме вётчи сы бёрся ва тыра чайникон. Джулька чеччалис ме гёгёр, кыкысь чепёссылiс вёрё. Чеччыштас вит-ё-квайт воськов да бергöдчес мелань, ув-ув! корё менё, но кор гёгёрвоис, мый ми ог кёсий сы бёрся вётчыны, бёр локтис милань да öти коз пу улын зэв зiля водз кокъяснас кутис лёссыодны аслыс куйланiн.

Бипур лёссыодим мича ния пу да сiёс вёрладорсяныс кытшён босытём джуджыц козъяс косто. Клим пызан пыдди му вылас плавгис армейской плащ-палатка да сэтчо кутис перъявны мешöкъис тубрасъяс да разявны найёс. Сэсся перийс еджыц вина доз, кружка да еджыц пластмассасыс вочём дзоляник стёкан. Сэк костi яра сотчыссы бипур весытад менам чайник вевт кутис таркёдчыны, и ме чай заваритi.

— Чай гóтов, извольте кушать, — сувтöдi чайниксо плащ-палатка дорас.

— Чожа-гажаа, — нюммунис Клим öтар бан бокнас. — Менам гóтов жё, весиг доз перий. Пуксы, кыдз тэд лёссыоджык. Тонё чурка помъяс.

— Ме тэ моз... По-туркменски жё.

— Пуксы. Видзöдлы со, кутшом гажа компаниес ми веськалiм. Тайё мича, пашкыр нияис кыр йылас, а этайё джуджыц, ён коз пүяссы... Öтик, кык, куим... сизим öткодь багатыр... Чожа-гажаа...

— Да-а, збыльыс гаж петкёдан, сёлём босытчодан серпас тэ, Клим, казялiн. Быттьё сизим öткодь статя да ён вок радейтöны на водзын суалыссы мича аньёс, латъясныс сылань нюжöдёмаись, корёны... А шань аньыс оз тёд, кодёс на пыссы борыйны, и мед некодёс не обöйтны, отдорчома на дорыссы... Адзан, юланыис катовтчыштёма... А эсий кыдз пүис, берегдорса коз пүискёд орчёныс, кутшом?! Багатырша! Кык метра вылнасянъ куим-вожасьёма, куимнан вожыс со сись моз веськыда кыпöдчомаись. Татшом мича путё, небось, он куим юра гундырын шу, кывыйдоз бергöдчы. Колё эсъё кутшомкё мел кыв корсыны татшом мича кыдзыслы да... Клим, ноко, думыштлы.

— Чожа-гажаа! Тэ тай мича серпассо со кыдзи ловзьёдiн, а ме бара тадзтö ог куж. Но да ладнё, борын нимкодясыштам, удитам на войбыднад. Онi вай сэсся видзаасям накёд ставныскöд.

Ме лэччылi пыж дорё да мешöкыссы босытi сёян тыра пакет, бипур дорас перий сэтыссы кружка да пластмассасыс вочём стопка кодёс жё мыччи Климлы.

— На, тайё мера пыдди.

— Позьё, мера тöдёмнад дерт на лёссыоджык, чожа-гажаа. Энлы, татчо выльыссы дзолькнитышта, сидзкё. Джынйыс кымын.

Клим кисьтыштис еджыц стопкаас, матыстчис ния дорё да сэнi стопкассыс войтöдыштис винасё вуж вылас, сэсся ён козъяссö кытшовтис да быдёнлы вичмёдыштис стопкассыс лёниника лыдьёдлёмён:

— Примитöй миянсянъ, тiянёс радейтисяссянъ, тайё гёститöдчанторсö, энёй отдортöй. Став сёлёмсянъ корам, да

асыныд миянкөд юксъыштой асланыд озырлунъясон — вотёс-пöttкаяснаныд. Эн топодчой. Час, сэсся ю дорас ләччылам жо.

Клим босытіс кружкасö да мöдöдчис. Ме аслам кружкаён сы бёрся.

Ми эсько век тадзи вочлывлам да — тайё вör-васö пыдди пунктöмыс, на дорö ловъяяс дорö моз шыöдчомыс миян, комияслöн, könkö, пöль польяслöн польяссянь на, не кö нöшта важысянъджык. Но меным сьёлём вылö воис, мый водзмёстчысынас лои Клим.

— Мича юй, Сюзьюй, видышт ичолика миянлыс вир-яй шонтыштан, сьёлём да лов гажёдан ванымöс. Сэсся и ачыд юксъышт миянкөд черинад. Миянлы вед оз ёна уна и ков, ми абу горш йöz, тэньд лёк ог вочёй,— и ме Клим моз жо войтöдышті водкасö Сюзьюй.

Бёр кайим бипур дорö, пуксим.

— Но, вör-вавыскöд вылысъ аддзысълёмён,— нюжöді ассым кружкаös totшнитчыны да күшöдз гумылті кружкаö колыштöм «святой водасö», кызд коркö вölі шулывлö менам батьё, шонъянйой.

Климлон вölі сьёд нянь нин шöралöма, вель ыджыд госа яй тор вöсныдіник чöланъясон вундалöма, бумага вылын мичаа банийöм ас пöжалöм, буракö, пирогъяс. Ме öти яй чöлан сейи, мöдöс — ёна чöссыд кажитчис: небыд, быдсяма чöсмёданторийыс, буракö, сэтчö весъкалöма да — и лукус, и перечыс, и ешö кутшöмкö чöссыд кörъяс кылсны. Ог и тöд, коркö сейлі эг татшöм чöссыда пражитöм яисö. Ветлі бипур дорö чайника да кисыталі кружкаясö руалысъ пось чай.

— Чöссыд яй кутшöмкö магазиныс сюрёма,— ньёти честьё уськöдчыны кöситöг ошкышті яисö.

— Сей. Пирожокъяссö виды и. Эм кöчана пирогъяс, эмёсъ яблöка,— вочавидзис öтар бана бокнас нюмъялёмён Клим.— Мöдсö тайё дзоляник стопкаяснас, könkö, юштам на? Чожа-гажаа...

— Да-вай. Пöлон огой нин, дерт, кольччой...

Клим кисыталis стопкаясö, totшнитчим. Ме гумылті стопкасы, ырсниті пось чай да кылöді чайнас винасö пыдöджык, бара босыті яй чöлан. Сёйышті да вöлисти босытчи чай юны банийöм пирогнас. Первойыс меным кöчана пирог весъкалöма... и бара сэтшöм чöссыд сёбудьтіна! Менам гöтыр кужё жо пирожокъястö пöжавны, но татшöм чöссыд кöрасö эг на тöдлы. Ме эг вермы кутчысыны да бара ошкышті.

— Да-а, сё майбыр жо нин бара, татшöм чöссыда пусысь-пöжалысъ гöтырыд!

Клим пасыкыда нюмдис — югзисны и чужёмбаныс дзонынас, и синъясыс.

— А вот и эн тöд. Тайё ме ачым... Чожа-гажаа...

— Кызды ачыд? И яисö пражитин ачыд, и пирожокъяссö пöжалін?!

— Ачым, дерт, чожа-гажаа... Яйыс тайё абу прöстö пражитöм... Ме первой сiйös кутшöмсюрö специяс сюялёмён вевта алюминий дозмукин газ плита пачын пöжи, сэсся вöлисти рак вылын пражитi-мичмöдышті. А пирожокъястö тайё газ плита пачын жо пöжалi. Термометрыс жугалöма да прамоя, дерт, ковмис гёгорыс йигзыны-а, чожа-гажаа,— гажаа серёктис Клим.— Быттьö кытчö оз ков пытш пыравлiс. А гöтыр... Менам велалöм бöрын оз лысът пöжасынгö.

Ме ассым шензъёмёс эг и дзеб. Гортаныс пусысь-пöжалысъ мужичойястö гежёда паныдавлi, да любö и дивö вölі меным. Сiдз-

Тима Венъён чужанінын



Тима Венъён кыпёдём керкасиянь юғыд Эжва от ки пыдёс вылыс моз тыдало.



Джуджыд пожомъяс пёвстын.



Быдмысъ войтыр Тима Венълы памятник дорын.




Сиктса музей.



Тайё керкаас быдмис коми гижыс Тима Вень.



Вениамин да Иона Чисталёвъяслы
казытылан пас.



Сиктса музейын.



Помёсдін школаса музейин.



Тима Вен киясөн кыпöдём керка.

Снимокъясыс С. Зиновьевлон.

тадзтö — картупель ли, рок ли, шыдтортö ли — пүштнထိမ်းမီ
быдён кужам. А вот талун, тыдалö, паныдаси ыджыд мастеркöд.
А ыджыд мастерыд, кöть кутшöм уджын сийö асысö оз петкöдь,
век чужтö ыджыд пыдди пуктöм.

Климлы, менсым шензьём-чуймёктö казялис да, буракö, любö
жö вöлi. Абу дивö. Быдён эсько радлis, сы мestaын кö.

— Тэ шуин, проектной институтын уджалан да?

— Ну да. Ме дорожно-строительной институт помавлi. А
проектнойын онi изысканиеяс юкёнён веськöдла.

— А пуны-пёжавнысö нö? Кулинарной помавлi коркö?
Курсыяс?

Клим вель дыр ме вылö видзöдис. Серьёзнöя нин. Сэсся бара
босытис вина дозсö киас...

— А, чожа-гажаа, кыдзи шуласны, «Бог любит троицу»... Вай
юыштам нöшта сизим граммён да чай юигмоз ме верма тэньд
висставны дзонь история. Кывзан кö...

И ми бара на юыштим, пось чай ырским чöсқыд пирög сорён.
Клим думыштчис, зумышмис. Висъталанторсö выльыс думнас
сывтыръялс? Али кöсйысъомыд кöть и чепёсийис сылон, но
падмыштлis? А, гашкö, и эз падъяв, а корсис, кысянь да мыйсянь
заводитны висставнысö. Овлö öд: мортлон уна воясон чукёрмё,
чукёрмё мыйкö сьёлём вылас, и видзö сийöс ас пытшкас, некодлы
оз петкöдь, а веськалас морт, и окота лоö сы водзын восьтысыны.
Быдён öд казявлis, кёнкö: ыджыд радлун, шуд мойвиис тэньд —
съёкыд кутны öтнадлы ас пытшкад, колö нöшта кодлыкö висстав-
ны, мед тöдисны жö. И сы йылыс торъя думыштлытöг бöръян
сэтшöм мортöс, кодi эсько тэкöд тшётш вермис радлыштны. Шог
кö суас — сидж жö кодкöдкö колö юксыштны. Век кокниджык
лоö.

— Гётраси ме — быттьö жар гожся лунö öдбötöмён котörti
да ыркыд ваö суныштi,— заводитис Клим висъталётмсö.— Интересно
вед — öти карын олысъяс паныдасим Сочиын. Зоялы вöлi дас
кёкъямис арös, а ме институт помалём бöрын öти во уджалi да
первойыс öтпускö ветлi. Дзонь дас лун кык войывса стройтель:
штукатур-маляр да инженер-строитель, лунвыв шоныд саридзас
öтлаын болскöдчим-суналiм и гортö локтiм тшётш да мёд лунас
воём бöрын и загсö пыравлiм. Сэтшöм радёс да шудаёс вöлiм!..

Клим сёрнитис тэрмасытöг, корсюрö чёв ланытлis вель дыр
кежлö. ырснитас душ-мёдись кöдзалыштöм нин чайсö да видзöдö
кружкаас, думайтö. Ме чайта, сийö выль пöв доңъявлis кольёмсö,
мый йылысь онi сёрнитис. И эз ас кежсыс, а висъталis коймёд
мортлы. Кöть и чери кыйысь ёртлы, но век жö бокёвöйлы. Гораа
висъталiгас, гашкö, и аслыс мыйкö, кутшöмкö выль гусятор кольём
олёмссыс воссяс?

— Первойыс «чард биён гымыштis» во мысти, дзик «кы-
мörтöм», мича шондiа лунö. А сэтчöдз миян том гозъя олёмын ни
öти «кымёр чир» эз петкöдчывлы.

...Ми, том йöз чукёр, лэччим вадорö шойччыны да гож-
йöдчыштны. Шуломаёс тай — Илля лун бöрын пö вайс из сайын
оз нин шонав. Миян и гожём шöрын войывсянъ визувтись юад
вайс кöдзыд, а август шöрад, кöть луныс и жар, а вайд кöдзыд
нин, келан пидзöсöдзыд — сотыштö, лов гёныд кыптö. Кодсюрö
медся збояис пыссы котörtисны купайтчыны, накöд тшётш и менам
Зоя пöдругаыскöд. Ме öдва субдi вадорас да киöдьс небыда кутi.
Гусьён кора, мися, эн, Зоя, оз позь тэньд купайтчыны. Мися,

врачьясыд тай шуисны — видзысымён по коло овны. Делёыс сын, мый сёмын на вежон сайын Зоялы врачаяс шүомаёс — верманыд по радлыны да виччысыны кага. А сийё кёсёй ии кодь ваян купайтчыны. Ме эсько гожйодчигас нин сылы некымынысь шул: мися, эн дыр жар шонді улас куйлы, пасьтас — Зоя менсым быттьё эз и кывлы. И ме эг кут синны ас ног — шоныңыд вед оз жё, кёнкё, лёк вёч. И вот менам шань, мелі Зоя векньодіс-читкыртіс ассыс гырысь синъассо да төйтöма скорысь видзёдö ме вылö, змей моз чушкó: мый по тэ ме вылын лунтыр камандуйтны кутін? Йоз водзас петкёдлан ме вылын ассыд власыттö? И тракнитіс кияссö. А ме эг ләдз, и гусьённикон, мед мукодъяс эз кывлыны: Зоя, мися, Зоя, мый тэкёд лои, эн дур, кынман да висьман. А сийё менам лёкысь песовтчомён нетышштчес да котörtіс-бузгысис ваас да меддыр болскодчис-резайсис, чирзіс — этшсыс петёма. Петіс васыс да гегдöма, ме сылы воча кузьчыштъянён, но Зоя эз ме дорö лок, а бокынджык куйлысь пöдругаяс дорас водіс. Менö быттьё ńошкён плешкó сётыштісны, весиг нином думайтны ог куж. Коркó эсько сэсся вирой лёныштіс жё юрё клёнгöмись. Думайта, коло öдйоджык пасьтасыны да гортö мунны, кыдзкó-мыйкó шонтыны Зояös, мед оз висьмы. Ме чеччи да мёдöдчи на дорö, но сийё казяліс менсым матыстчомтö да бара котörtіс купайтчыны. Отнас. Первойысь эз кывзысь — тайё, вöлём, сёмын на ылысянъ гымыслён муркнитом-матыстчомыс. Мёдисьсо чардбиён зят-зятён сяркнитіс дзик юр весытын шайпаймуномёдз. А коймёдись гымыштлёмислён чардбиыс весьқыда съёлёмö нин косьыштіс.

Ме эг тöд, мый коло вёчны. Ме кольмом морт моз пасьтаси да öтнам муні гортö. Ставыс, дерт, аддзылісны, мый миян костын мыйкó лёктор лоис, көть и некод жё, дерт, збыльысьсо эз гёгёрво. А мый гёгёрвоан — нином збыльысьсо эз ло да... Ачым эг гёгёрво да...

Рытöдзыс гортын аслым места эг аддзы, жёдзи пельёсись пельёссо да зіли корсыны помка лоёмторыыслы. Эг аддзы. И Зоя эз лок.

Аддзи ме сийёс общежитиеись, пöдругаяс ордсыс. Син гёгёръясыс гёрдöдöма да пыкталёма. Гортö мунны мекöд мунис, но эз сёрнит. Быттьё ме си водзын мыйыськó мыжа. Тайё лунсö некор ог вунöд: первой рыт эг сёрнитой, первойысь узим торйон. Ме сэк эг на тöд, да и думыштлыны эг куж, мый миян олёмын сэтшом рыт-войыс си мында лоö!

Мёд лунас менам Зоя збыльысь висьмис, и ми тöрытъято быттьё вунöдим. Но менам съёлёмын, весьқыда кё висьтавны, перыйтöм жельтор колис.

Но бурдöдчом бöрас нин менсым Зояös быттьё вежисны: лои скёр, вежёттись, быд нином абусыс пузьё да ме вылö усьласыö. Ме весиг врачаяс дорö ветлі. А найё шүёны, первойя нёбасигад по том нывбабаыдлон быдсяма вежсöмъяс вермасны лоны. Видзой по сийёс, помкаяссö по эн сетой дзуглясыны да скöравны. Ме эсько и сізд нин сылы ставсö нылыд вёчи да, прав көть абу. Мися, том да, дерт... Вот кагасö ваяс, да ставыс ладмас... Оні ог и тöд, гашкó, сэки, первойсяныс меным коло вöлі чорыдджыкён лоны? Гашкó, ставнас сылы сетчи да том нывбабатö вельмёд? Ог тöд... Но Лена миян чужис да быдмис зэв лёссыд нывка. Мича да дзоньвидза, лёниник. А мамыс... Нёнь дорссыс орöйтöдз бара зэв лёссыда-сöгласа, лёня олім. Но Ленаös яслиö сетім, и Зоя ме-

нам бара дурмис. Удж вылысь кё квайт час да вит минутын оглок — зык, шум-гам. А уджыд вед удж и эм, он быд пёрйё квайт часнад эшты... Сэсся быдсяма общественной могъяс... Отчыд политзанятиеас вылысь локті зэв радлысь — медводдза дзоридзъясысь букет вайи. Кружокын велёдчысь чукортёма да меным сетьс: миян велёдьсыльён пё ичёт кагаа том гётыр — сылы пё и первой дзоридзъяс. Ме вашъяла пельысь пельё — вомо нюмой оз тёр, нюжёді Зоялы, көстяя окыштыны. А сийё кватитіс дзоридзъястö да швач меным чужёмö первои дзоридзъястö... Книгаясöс, конспектъясöс киняулысь лёкысь нетышштіс да брызъйöдліс: найё шпоракылёмён лэбзисны да лыйём ракаяс моз плавгысисны öдзёс дорö. И гортысь вётлө: кёні пё, сэтшом-татшом — лёк кывъясöн менё пинялö — и кодкод шляйтчин да дзоридзъяс чукортин, сэтчö пё и весась... Чожа-гажаа?..

Клим кыдзко яндысьёмён видзёдліс ме вылö, нюмдыштіс чужёмбан пёвнас. Видзёдліс ме вылö, кыв месянь быттьё виччысис. Дивитана ли, а, гашкó, кёсийис тёдмавны, коло оз водзёсö тадзи дзик аслас олём йывсыыс висъставны.

— Мунін?.. — лёня юалі ме.

Клим здук-мёд чёв оліс, кёдзалаом чайсо ырснитіс, сэсся чеччис да вылысь чайникнымёс мётыр йылö öшёдліс. Эз тэрмась, кёть и гёгёрвоис, мый ме дась водзё кывзыны. Бёр пуксис важ местаас да öтарё-мёдарё довкнитіс юрнас.

— Эг... дерг... Но отчыд терпенньёй дзикодз бырлі да кёлуй тыра чемоданён ветлі ёрт дорö... Куим лун сэні олі... Мучитчи... А шойчышті да сайкалі: йой ме, йой, думайта, кыдз нё ме найёс верма кольны?.. Мый найё метёг кутасны вёчны?.. Кыдзи Зоя öтнасöн Ленукос быдтас?.. Том да вежортём, да сийён, кёнкё, дурёллёкало... Вежормас да кутшом волі, сэтшомён бара лоё. Ёна эсько сьёкыд волі сідзтö овны, но ме бёр горто бергёдчи. Зоя бёрдö, повзылёма жё, бурако. Но регыд кежлö. Ме нин и врачьяс дорö шыёдчылі: мися, сідз и сідз, корлой сийёс. Мися, шань да мелі волі, а нобасыны заводитчомсянныс торксис мыйкё да оз справитчы. Ме висьёмён век чайті. Онёдз... Корлісны вед сийёс врачясыд; здоров пё, и нервъяс и психика пё дзоңьвидза.

Клим чёв лёнис, ме вылö видзёдö: кёсий тёдны, мый ме та йылысь думайта. А мый ме думайта! Кызві сылысь сьёлём дойсö и некымынысь юрё воліс: ме кё, кёнкё, пышши, эг лэдз ачымёс сідзи увтыртны.

— Ме ог тёд?.. А радейтö тэнё Зояыд?

— Радейтö кё-а. Вежётгö да.

— Вежётгыныд вермас и асьсо вывті радейтись... Мёдсö радейттöг.

— Радейтö, ме стöча тёда. Бурмылас да вед важ кодыыс шань лолё, мелі... Кутшом медводдза тёлысъяссö волі. Сийён и чайті: вот мёд кага чужас, да бурдас. Леналы нёль арёс нин волі — Серёжа чужис. Но кык челядя мамным миян эз вежсы. Гашкó, ешё на öбычатомджык лоис-а. Сомын вед ме вылö лёкалис, но челядя дырий эз лысът, чёв оліс. Сийён ме и мездмышталі: то öтикыскöд нокся, то мёдискöд, то кыкнанныскöд, а сийё таркъялётвлёдлö миян гёгёр, чушкó-пошкó. А мы-ысыкыны-чышкыны радейтö-ö! Некутшом бус ни няйт керкаын оз терпит. Лёкалагас менё моз. Тэ, шую, высшой образованиеа, а ме низшёя да, чайтан, ме сомын рузумъяс пожъявны да тэныд вольёс туйё и шогма?! Ме, шую, несъя тэнад высшой вылö. Ог тэысь этшаджык уджав,

дай удждонсö тэ дорысь, коньёрысь, ыджыдджыкös горто вая дай. А көсся кё, и гачатö тэысь бурджыкös адзда... Мед эн думайт...

Вот сэки и югнитис менам юрын мёвп: мыйла, думайта ас кежысь, высшой да низшой йывсыыс сийё гаралö? Гашкё, этшаджык велöдчöма, да сылы юрас кучкис: вермасны сийös улöджык пуктыны? Вот и дорйö ассыö татшöм ногён. Водзвы, көтү некод сийös улöджык оз пукты, щётясьома да некызд оз вермы щётсьö лэдзны. Вермас татшöмтор лоны?

— Вермас. Вежёрыд мортыдлон мукöддäрииыд быд ногыс гарчывлö,— соглас сетi Климлы.

— Вот и ме сидж жё чорыда думышти да дзоң во сийös сёрниясöн дасытi велöдчыны пырны. Сетчис вед меным. Железнодорожной техникумын директоралiс школаса друг на, да ме сыкод сёрнитчи, мед экзаменъяс дырайыс кыдзкё отсыштас. А ме сийös экзаменъяс кежлас дасытi. И тёдан мый!? Велöдчыны пыртöдзыс и лёнис вочасöн. А пырис велöдчынытö, да кыкён и кутим велöдчыны: сийё стрöйтны, а ме пуны-пёжавны. А мый вёчан, бытъ вед! Сийё локтас удж вывсыыс да сёмын пёрччысынапасытасыны да мыссыны удитö: техникумё коло котортны. Меным и ковмис ноксыны челядькёд и кухняны. Бур, мый ешё удж вылын менё гёгрвоисны — став общественной уджсыыс мездисны, кыдзи челядя батьёс. А отдельын уджалыссыас чужан лун кежлö меным весиг «О вкусной и здоровой пище» зэв кыз книга козыналисны. Веськыда шуа: бур книга. И колана. Зоя вит во велöдчис. Вот и менам, артмё, вит вося «кулинарной техникум» жё лоис. Быд лунья теорияён да практикаён. Но медсяыс: ставыс вед миян семьяын бёр ладмис! Чожа-гажаа, бурдис менам Зоя. Бара шань да мелi лои миянкёд ставнымкёд. Локтас сёр рытнас нин да висытавлö меным велöдчöм йывсыыс, а ме сийös кывза да ошкыштала. Сылы любö. Меным лöссыд. И висытасьё: гаж пё бырё. Челядьыс и тэыс пё. А воскресенныё чышкё-мыссыкё, ми сылы отсасыям. Вот кутшöм олём сэсся миян артмылис. Мойдын моз, оз ков некутшöм рай. А сэтчöдз адын олём вёлi...

Чёссыд пирёг-шаньгаыд, вёлём, оз сидз-тадзён шед, чожагажаа,— гылыда, став чужёмбаннас серёктис Клим.

Ми чёв-лёня лöсёдчим вой кежлö. Бёриим ния пу увсö: билур дорсянь матынджык, зэв кос места, кыр йылас, да мичаа тыдалö и ю катыдьс, и кывтчёссыс. Уло лыс вольсыштим, көтү войыс лои шоныд; вевттыхысыны пыжысь катöдим шоныд кёлуй.

Клим ветлöдлис чёв-лёнь, и ме Клим висыталёмкёд йитчём думъясöс ас кежысь жё «быгльёдлi»: А ме кё вёлi Клим местын? Шуис: мойдын кодь олём артмылис... Бара торксис али мый? Артмё, Клим ээ на помöдзыс висытав...» Но юасыны водзö эг кут. Клим меным весиг жалькодь лои.

Ме радейта тадзи ю кыр йылын, веж вевт улын узьлынытö. Но... абу кё кёдзыд. Оз кё ёна зэр. Абу кё номийс. Талун буретш сэтшöм съёлём бурмёдан рыт и вёлi. Отчыд ли кыкысь ли номлон зынъыштöм кывлis — и ставыс. Отка номийд абу ном чери кыйысылы, вёрд ветлысылы ли. Пу йывъяс костёдьс съёд енэжас ломзисны эзысь кодзуувъяс. Шы ни тёв — арнад тай, көтү мича поводдяыс, кайясыд оз тулысын моз дзользыны. Сёмын ю катыдсяныс кылс гораа бузгом шы — сидзкё, тасянь неылын ыджыд кось. Сылон бузгом шы уло, быттьё дзоля кага «баю-баяу» уло, и ланьтi.

Садьми шуштöм вётыс: быттьё кыссыкё командировкась горто

локті, а гётыр коридорын сулало да укватён ыршась о ме вылө, весьқыда чужомё зільё сутшодны, вот-вот укватнас голяёд кватитас, лёк горшон чилзё да вётло гортысы. Коні по шляйтчин, сэтчо по и весась... Восыті синъясос — пу йыв костъясыс лозодомаось, и эзысь кодзуувъяс кусомаось нин... Уф! Слабог — вёт волома... Но ныр-вом весьтын збыльысь чурвидзис чегом помнас Клим улысь петом лыс. Ньюжённикон чеччи, ләччылі вадорас сөстөм ванас чужомёс пожиышты да мисытом вётсо дзикодз юрысь вётлыны. Кайи кыр йылас, а Клим бипур жо нин пестома.

— Кыдзи узъисис мича ния пу улад? — нюмсерён юаліс Клим.

— Садымывтөг шкоргыссыома, — ме эг кут казытынны сылы садымомводзывыса вёттөс.

— Вот и бур. Ме сізд жо. Пöс чайнас пытшкёснымёс шонтыштам, и водзё чожа-гажаа, Сюзю вожасянінöдзыс, — кыпзыда вёйис Клим, и гёлөсас некутшом унзіль гор нин эз кыв.

* * *

Петім туйё вёртас сайсыс шонді мыччыс төдзыс на. Войнас меліа бузгысь да менё лоңьёдьыс-ланьтёдьыс косыс волома ю чукыль саяс верст мында кымын ылнаны миян узянінсянь. Матыстчигоз сылон ызгом-бузгом шыыс кутіс венны весиг мотор шынымёс. Войся лоңьёдан горыс вежсис, пыр ёнджыка кутіс кывны быттө скроралом-олдом: волой по, колокё, видлой мекод венласыны, коді кодөс! Збыльысь, татшом кузь да ышмыс косытё абу кокни венны: ылын, метра куимсё-нельсё водзын, тыдаліс, кыдзи рёмпощтан кодь лёсталысь вайс джуджыд тшуподён шылыда шливкнито-исковтө уло, и сэн нин заводито муткырасыны-бузгыны гырысь изъяс вывті. И сізд пошти дзик ю пасьталаыс. Ме вель дыр сюся видзодалі ётар и мёдар берег доръассо, кыті быттө неуна лоңьджыка визувтіс юыс, и гётгервои: да, тайё косытё миян паськыд, зук ныра пыжнад мотор вынён, мед көттө и көкъямис вөв вын сылон, не венны, ассыным сонъяс на ковмас зэлдьлыны. И арталі, кодар берегодыс кивывджык подён ветлыны, да кор моторой первойсь зутшкысис изйё, ковмис кусодны сийёс. Клим сюся ләптіс бакилё гөленьяссо, одио чечис ваас, кутыштіс пыжнымёс кылдомыс да кыскис берег дорас. Джулька пыж нырсяныс, миян вылө видзодомён, чечыштіс ваас жо.

— Тайё Юрпинь кось, Сюзю вылын медскорыс. Ызгё, чожа-гажаа!.. Быттө повзобдло пыжон ветлыссястю — ме по тіянөс аслам сылі вылө оғ ләдз. А ми нө мой — вермам и сийё сылі вывтөг, тадз нин кө ышняссо. Сізд вед? Мыйсюро берегодыс вуджодам кось вылладорас, а пыжнымёс берег дортыс кыскам, чожа-гажаа... А? — Клим видзодіс ме вылө юалана.

— Сізд нин ковмас. Кык нопсо да ѿти бензин тыра канистра кө нуам сэтчо, кокняммом пыжыд миян крукасълытөг катаас. Манитчыштам, дерт.

— Нином, кадыс асланым. Юрпинь косыкод матоджык төд-масям, толкон-ладён варовитыштам сыкод. Мед оз скорав, да бөр ләччигөн мед аслас мыш вывті лоссыда шливкнитодас.

Сізд и вочим. Метра кызы кымын кось тшуподсяныс вылоджык көлүйяснымёс новлім. Сэтчодз жо и пыжнымёс кыским. Но тадзи ноксыомнад берег доро сувтөмсянь да выльыс моторён гургыны

заводиттöдз кык час коли. Но и мед, зато тöдмалim, кытi бöр лэчигён кывтны.

Да-а, мортыд чайтан, а кодiкё, медся вылын Олысъ-вылысыс, ставсö аддзысыс да ставсö индалысыс, ас ногыс вöчö. Мöд бак тыр бензин сотим, нöшта кык кось — абу скöра ызгыс, а мелä сялькöдчыс косьяс, и ректысыльтöг нин, но сiдз и тадз ковмис мотор кусöдлёмён пыжнымös ён визув паныд кыскыны, а Сюзюлён кык вожöдз эгвой. Ковмис мичаджык берег вылö сувтлыны нуръясыштны да пось чай юны.

Часi вылö видзöдлытöг шондiыс лун шöр гёгör петкöдлiс, кор Клим бергöдчис мелань да кисö чургöдлiс шуйга берегланыс. Видзöдлi сэтчань да гёгöрвои: сэнi, тыдалö, мыйкö öзын сяма вöвлöма ли мый ли — кийсысыяслён сувтланiн. Ме пыжнымös сэтчö и веськöдi.

Збылъыс вадорсяныс кыр йывланыс катöдiс важён нин талявлытöм ордым. Кыр йывсяныс пүяс костöдыс тыдовтчис кузь турун пиö лажынтьчöм зэв важ вöр керка. Матыстчим: тьösъясон эжöм вевтыс нитшсялöма. Öдзöса и дзоляник öшия керка. Керка мыш саяс кыпöдчомаöс джуджыд коз пүяс, а водзыс — дас-дас вит метра гёгör — кузь турунöн тырём восьса места. Восьтим öдзöссö да пыралiм югыд ывла бöрын сап пемыд керкаас: чорыд пöдöм дук. Синъясным велальштисны пемыдас — öдзöс дорсяныс веськыд пельёсас изыйс тэчöм пач гор, орчён лöсийм керясысь ылыс джодж, öшия стен пöлöныс лабич да сэн жö пызан кодь. Ме инмöдчылi стенмас — чуньясöй веськалiсны са пиö: буракö, чунь вомлöс кызта саыс. Копыртчомён бöр петим ывла югыдас. Клим видзöдлiс ме вылö да вак-вакён серёктiс.

— Но, чожа-тажаа, муртса кежлö и пыравлiм, а тэ бубыляö нин пöрöмыд — чужöм ни рожа, сöмын синъясыд еджыдöн югъялöны.

Ме эсъкö казял i жö Климысь вежсöмсö, да нинöм нин эг шу. Öти мёвп юрё воис, да сiйös висьтавтöдз. Кытшовтiм кузь туруна восьсаныс керка водзсыс: неыджыд күшин — сьöд бипур места, рытыв-лунлань, ю катыдыс, вöрсяныс тöдчис важся ордым. Водзö вöр пöлöныс кытшовтiгöн мöд ордым казялiм, войвылань нүöдьыссо.

— Но, мый шуан, Клим Бонефатьевич? — кёсий первой тöдмавны, мый сiйö думайтö.

— Кийсян керка тай эсъкö, да важён нин кöзяини татчö абу волёма. Нёль-ö-вит вотö стöча, а колёкё и дас кымын во нин сиротаалö тайö,— серьёзнёя вочавидзис Клим.— И бокöвойяс, буракö, татчö абу жö веськавлöмай... Кедзовтöмай... ли.

— А менам эм мёвп татчö сувтлыны. Кийсысыыд күшинö керкатö оз сувтöд да ордымъястö оз таляв. Köni на нöшта Сюзюлён вожасяянныц, мöд лун кокни пыжён нöшта вылöджыксо кыпöдчылам. Вой кыксö тан узям, важ кийсысыльс кок туйсö талун-аски талялыштам да пыр и тыдовтчас, кутшöм местаяс танi, мый танся вöр-вавыс вöзъяс миянлы. А саыд... Ваыс тай орчён.

— Шуёма-вöчöма,— Клим согласа довкнитiс юрнас.— Köлүйнымös мыйсюрё татчö катлам, и пыр жö гёгöртам-видзöдлам. Кокъяснымös веськöдыштам. Сiдз вед? Али первой пес лöсёöдыштам?

— Удитам, кос пүясыс со орчён тыдалёны. Локтам да ужин лöсёöдiккостi и керка пытшкёссыс дуксö вежны пач горсö ловзьöдлам.

Бёрйим важ кыйсысылысъ войвывлань пыртысъ ордымсö. Пищаль да патронъясысь отдор босытим полиэтилен пакетъяс — кытшлалыштам, видзёдлам, эмось-ё матын вотчымён вотёса mestаяс. Ми Климкод водзвыв сёрнитчим: первойя лунъяссö миянлы коло пув либо сэтёр вотны да чери кыйыштны, пёткасö лайны сёмын пёпутьё, веськалас кё. А вот бёръя кык лунсö кольны дзик кыйсыём вылёт. Тадзикён, миян чайтём серти, горто локтам и вотёсён, и чоскыц сола чериён, и свежой пётка яйён. Мыйкё да быть сюрас, күшён горто ог бергёдчой.

Дзик керка дурсыс и кыпёдим съёла котыр. Джулька уськёдчис на вылёт увтчыны, но ми тэрмасытёг ылыстчим важён талявлытём ордымёдыс, да Джулька миянös сүбдис да кутис водзын войлыны отарё-мёдарё ордымсö вожмавлёмён. Ордымыс миянös кыпёдис чер-пилаясён вёрзёдлытём гулыд яг вылёт. Пуяс костёдыс mestаясён еджыд нитш вылас гордён лёсталисны пув розъяс. Сидзкё, эм тані, мый вотыштны. Но ми водзё на муныштим да петим паськыц, кер кыскалан ляя туй вылёт. Туй бокас нитшсялём кер чукёр. Водзын паськыда тыдалис важ керас: ылодз тыдалисны, буракё, рёд вылёт колялём гежёд пашкыр пожомъяс, чурвидзысь мыръяс, консюрё ув чукёръяс. Не кё эсько сэн-тан туйбокса нитшсялём кер чукёръясыс, ме эсько эг шу, мый тані уджавлёмайс аскиа лун йылысь думайттёг идортём вёр лэдзысьяс. Водзё муныштим, да ордымыс кутис лэччёдны сора вёра увтасинё. Ми эсько кёсийим нин бергёдчыны, но Джулька бара кутис увтчыны, и дзик матын. Та пёрий орёдчывтёг и яра — тыдалё, ыджыд пётка пу вылёт кыпёдома. Шуим ветлыны, видзёдлыны, мый увтё. Увтчом шы вылас матыстчим ёна видзчысъёмён. Джулька меным кутис тыдавны — увтис джуджыд пожом, сэсся некымыныс чеччыштлис орча коз пу дорё да сэтшом жё лёкысъ кутис увтны ён коз пу вылёт. Ме лэптыштлі киёс, кори Климёс видзчысъёмён матыстычны ме дорё. Кыкён сюся видзёдим гёгёр: да, буракё, дозмёр котыр мусыс кыпёдома. И пожом и коз пу вылас гонъялісны-видзёдисны увтчысь Джулька вылёт томиник вийоръяс, ылынджык пуяс костёдыс тыдались кыдз пу вылысь казялім мамнысö. Ме шённиті Климы:

— Вийоръяссö кыкнаннысö босытам? — и петкёдлі кык чунь.

Клим отарё-мёдарё довкнитис юрнас да лэптис ёти чуньсö да шённитис жо:

— Откыс миянлы тырмас талун-аски кежёл. Лый...

Ме лыйи. Пётка изийён жмоткысис пу улас. Джулька уськёд-чис си вылёт, а ме Джулька бёрся котёрон, мед эз удит косявлыны томиник вийортё.

Збыльысь томиник, мича вийёр и вёлёма. Но наысъ отдор на орча пуяс вылас матын пукаломаёсъ налён «чоя-вокаясыс». Куим-ё-нёльён на бордъяснас швачодчом шыяс кылисны. Да и Джулька миян гёгёр чеччалыштём бёрын уськёдчис на бёрся да некымын минут мысти бара кутис гора увтчыны.

— Чожа-гажа! Тані и позяс бёрнас кыйсыыштны. А талун кежёл лыйсыны шабаш.

— Шабаш кё, и шабаш. Кыдзи сёрнитчим, сидзи и вёчам: талун-аски пув вотам. Тыдалё, тані миянлы и ёкмас пувыйд — кытшовтам тайё гажа нёрыссö керёс пёлёнис. Чайта, тшук веськалам.

— А Джулькаыц?

Ме душ-мёдысъ гораа чукості Джулькаёс, но сиё водзё авзис орёдчывлыштёг.

— Оз, оні сійө сразу оз ләдзчыс пöttкасыңд. Коркө гёгёрвоас, мый көзяиынс оз лок, да ачыс корсяс миянös.

Збыльысь, керөс лун бокас ми и тшуким озырсыс-озыр пувъя местао — ог помнит, мед коркө веськавлі татшоминö. Керосыс волі ныывкөс, но джуджыңд, и кытчодз синъяс судзисны — и водзö керөс пёлөнис, и вывлань керөс йылодзыс, и горув увтасодзыс, код сайын пус систодыс югъялыштіс миян Сюзюоным джуджыңд, сись кодь пожом костъяссö еджыңд нитш вывттыс быттьö горд вольбосъясон вольсавломаойс. Көтү зыриён зырт, шулывласны тай. Бёйим шёрин, кысянъ заводитны вотчигтырии пасъкодчыны, да пищальянснымös сувтодім пу бокö.

Дженыңдик за йылын пёшти еджыңд нитш вылас ёшалісны чунь пом гырся, помодз кисымом пув розъяс. Чуньястö шевгёдёмон увсянныс шарснитан кыкнан кинаң сійө розъястö, да содз тыр пув шедö. Сізд пидзёсчанясъомон и шарсийим гёгёрыс, сомын пув тыра пакетнымös вешталім. Веськыда висътася: ме ёна радейта пувтö. Көтү йёлён, көтү пуюм либо мясорубка пыр сакар сорон ләдзом варенњо, но и вотнысö ёна жо радейта. Ме лыддя, мый пув миян коми муын Енмөн сетом медбур вотоc. Ог мукод вотбосъяссö кедзовтöм ради тадзсö шу. И чоd, и чоdлач, и мырпом, и юмидz, и турипув — чоcкыдöс жо. Но пув — став вотоc вылас сар-вотоc. Сы вёсна, гашкó и, пидзёсчань вылын кыскасъомон вотчомыс меным праздник кодь волі. Съёлёмой сыліc. Некымыныс гёлосон городl: «...Джуджыңд керөсін, гажа нёрысын...» Клим видзодліс ме вылo да пасъкыда нюмдіc:

— Чожа-тажаа!?

— Да, чожа-тажаасыс на гажаджык! — сомын и кужи вочавидзны Климы.

Пакетъясным миян регыдён и пёльтчисны пувнад, көтү думысъ и доза тёранаойс воліны. Чайтім, пажын борын миянлы бур кад на ковмас, а со часон-джынйонён миян вотчан дозмукъясыд тырисны. Тадзтö ми аски пажынöдз на и вотам нёшта куим-нёль ведрато.

А Джулька век на увтчис, но оні кыліc ёна нин ылынджык. Ме бара чуксалышті Джулькаос, сэсся кайим нёрыс йылас да сэні горзышті. А сійө водзö ассыыс уджсö вёчис. Мед, локтас коркө. Дышодас да.

Важ вёр кыскалан туйным да кер чукорыс волёма орччон. Пуксылёмон шойчыштім, сэсся пищальянс ёшодім мыш сайё да целлофан мешёксö пыдосодыс кутыштöмон, мед жебиник вугъяссö сёктаыс эз орёд, мёдім вёр керкалань.

Керка дорсияныс миян ылыстчывсъома верстён-джынйон кымын. Воим сэтчо — шондыс вылын на волі. Ме босытчи пес лосьбодны бипур да керка пачсö ломтыштöм вылo, а Клим пöttка күштыны. Сізд сэсся водзö ветлігчöж ковмис Климы пусян уджон ноксыны.

Миян керка пач нин ваймис, и шыд пусис — лосьбодчим ужнайтын, волисти Джулька локтіс. Ме вылo дёзмома, эз весиг матыстчылы, керка пельос водзас водз кокъяснас муссö чашыштіс, сэсся гёграпомон нин талъяштіс сійө местасö да водіс юрсö лапаяс вылас ләдзомон. Но-о... Нином, бурасяс, вердыштам да...

Пёшти лунтыр менам юрысъ эз петавлы мөвп, мый тёрытъя висътасъомыс Климён помавтöм лоис, но кутчыси, сізд эг и юав нином. Эм кё мыйкё содтыны, да көсъяс кё — ачыс висъталаас.

Аскинас бара водз чеччим. Бура завтракайтім тёрыгтья чўсқыд шыдён, чай юим, кык нянь шёрём гартыштім бумагаён — пув сорыс шогмас нуръясыштын. Нопъяснымёс дасытім: талун обедёдз вотёсон ноксян делёяссö позяс миянлы эштёдны да водзö ветлыны сўмын чери да пётка кыян могъясон.

Тёрыгтья петанісянъ и кежим весъкыда керёсланыис. Ме чукості Джулькаös, и сийо миянкод жо мунис.

Вотчыны заводитім вывсянныис да пищальяннымёс керёс йылас и колим пожом бокö.

Кык киён шарсийим, да нёшта и бёриим медся розъя mestаяссö. Тані тадзитö вежон позяс вотчыны, и нёшта пувыйис коляс. Сўмын минут дас кежлö пуксывлім да азыма нянь сорыс пувнас пöttöдз чўсмасылім. Лун шёр кадёдз квайт целлофан мешёк тыртім, көртавлім да нопъясо сөйтім, и бёр петім вёр кыскалан туй вылас. Сэтён нин сўмын косъяс весъкёдігмоз керъяс вылö пуксьёмён шойччыштім. Баба гожём, а поводяйис мича гожся лунысь шоныд, гажа. Шондыыс эз прёстö шонты, а гожём шёрын моз волі жар. Лöz енэжас ни оти кымёр чир. Но шондисыс отдор дивö вылö ћашаліс вороптöм чарла кодь тёлысь! Сыланьё, видзёдам да, жургö кык бордъя самолёт «Аннушка».

— Видзёд, Клим, дивёсö! Час «Аннушкаыс» крукасясь бордъяснас «чарла» йылас да ыджыд неминуча лоё!

— Да, чожа-гажаа... Мича... — нюмдіс Клим.

«Аннушкаыд» збыльысь быттьё крукассыліс енэжса ёсь «чарла» йылас, но водзö лэбис, и эзысь тёлысь эз усь, ни места вывсыыс эз вёрзыв.

Природалысь дивö ми тайё аддзам: кыдз нё тайё кык югъялысыыс оттшотш миян енэжё весъкаломаошь?

Клим читкырасъёмён жо видзёдіс то эзысь тёлысь, то шонді вылö.

— Ог тёд... Гашкё, тёлыся-шондіа костас кутшёмкё мёд планета весъкаліс... Колё астрономия велёдан небёг листалыштын. Уна велёдлёмтор вед вунлась...

Сідз чёв-лонь пукаломён видзёдім-нимкодясим миянлы го-гёрвотём дивёнас.

Обедайтім пусытёг, гортысь босытлом вёлёгаён, сэсся пувъя пось чайён събломъянымёс «мыськыштім». Тэрмасытёг, събломсянъ. Кадыс волі сўмын неуна лун шёрысь петома. Оти ыджыд мог миян могмёдома нин, слабог. И миянлы кажитчис — коть пыжыд и съокыда катис, но ворті ветломуыс лёссыда заводитчис. Сідзкё, тадзи и водзö чепсасытёг кык колём могсö мед Ен отсалас миянлы могмёдны. И шуим талун мёд важ ордым туйёдыс вёр-ваыскод тёдмасыны ветлыны.

Кык верст муном борын кыйсысьлысь важ чёс туйёс вожмаліс ёняджык нин ордым, да сэті кежим, и сийо миянёс минут дас мысти петкодіс вёр ю вылö. Кыр йылас суаліс неважён на, тыдалё, сувтодём вёр керка: ыджыд ёшиня, көрт трубаа. Матыстчим да ме пыр и тёд: тайё и эм Войвожлон да Лунвожлон (сідз тай ми шуам-а, коть картаяс вылад и абу пасйома) Сюзюю ётлаасянинис. Керка водзас кыйсысьяслён пусянинис: пёвъясысь вочом пызан да лабич, бипур места весътас мётыр йылын тоњялісны кыз сутуга крукъяс пёрт-чайник ёшёдны, бокынджык крестён тувъявломаошь кыз майётъяс — лоссыд пилитчанін.

Вёлёмкө, миян муртса абу и восьёма. Пыравлім керкаас: көрт пач, улыс и вель паськыд вылыс джоджъясыс вёчёма кыз плакаясь, стен пёлёнис лабич, пельёсас пызан. Лöптыс — күш бутылкаяс, кансер банкайас да ёгыс — уна, но пелькёдчыштём бёрын тані сё майбыр, позьё са пиын ноксытёг лун куим-нёльтö овны. И шуим бёр бергёдчыны да талун жö татчöдз пыжён катны. И тасянь нин Войвож да Лунвож кузяыс вуграсыштны. Ме стöча тöдi: воддза воясö Войвожыс позьё вöлi чери кыйны. Ме волывлі сэтчö керъясöн вольсавлём туй кузя, тасянь сiйö верст витён вылындык, и йылодзыс быд джум, быд вужля тöда, кöнi гырыс комъясыд дзебсяссыны.

Бёр локтiм миянöс бура примитлыс керкаö да нюжмасытёг лэччöдлiм пыжö кёлуйнымöс, и шондi лэччытöдзыс на воим выль местаö. А миянöс примитлыс керка да сылыс вёвлём кёзянисö сёйлёмсян аттьёалiм.

Пемдытöдзыс на удитiм бура пелькёдчыны выль керкаас и ужнайтын.

* * *

Кодi вуграсылiс паськыд ю вылын, шуам, Эжва вылын, и вёр юяс вылын, сiйö, дерт, тöдö, мыйён торъялö вуграсыомыс. Медся ыджыд торъялöмыс, ме думайта, со мыйын: паськыд ю вылад корсян бурдыхык, чайтöм сертицид чериаджык места, лёссыддыхыка меститтан да шыбитан сама вугыртö ваас и виччысян, кор чериыд босытас. Пырыс-пыр, дас минут, час джын мысти либö лун шöр гёйгер, а, гашкö, сöмын рытланыыс, тырмас кö терпенниёыд. А вёр ю вылад лунтыр событин берег пёлёнис, ва пиöд да бадь кустяяс пыр, вёрöдзыс — ачыд корсян турун пиын, лöптьяс, бадьяс улын да кыркötшбокса джумъясын дзебсяссыс комъястö, да синсян накöд видчыссыомнац, наянлуннац и мудерлуннац, терпенниёнац, дерт, тшöтш жö и.

Бёр ю вылад ме босытла бамбук бедъясыс йитлан вугыр шатин — зэв кивыв: кокни, позьё квайт метра кузяö йитлыны — мёдар берегöдзыс судзан, а векни местаястыс позьё дженьдöдны. А сам пыддиыс ниизув, ас вёчöм уна рёма гут куим йыла вугыр йылын (рочён мушкаён и шуёны) да жбырган. Жбыргансö меным петкёдлiс, кыздз ассыс чери кыян гусятор, вёр юяс вылын зэв сюсъ ком кыйысъ. Сiйö кийсянсö вёчö нёль торыйыс: куим йыла вугыр, вёсни шылаён розьбöдм кык дрёб тусь и виж консер банкасын вундалём дзоляник жбырган. Бордъяссö отарö-мёдарö вежынътан, да и жбырган артмö. Татшöм жбырганыс 20—22 миллиметр, дрёбсö ме мёдöд нумер босытла. Тройник пыс вылас пысавлан перво öти дрёб тусь, сэсся жбыргантö, а сы вылö мёд дрёб тусьсö. Татшöм «жбырганнас» комъястö ме медсяссо ваö пöрöм пүяс либö бадь кустяяс улыс джуджыднъяссыс кыскала. Видчыссыомён петан, шуам, лыа кёса вылад да мёдарладорас шыбитан — кык дрёбыд вётёны куим йыла вугыртö пыдöсöдзыс, а кор кутан бёр кыскыны катыдланыыс да асланыыд, жбырганыд улыс дрёб вылас заводитö бергавны-дзирадавны, и эм кö кёникö дзебсяссыс ком, лыйыштас дзирадалыс «жбырган» бёрссяыд да горша тшапкас. Медводз уськёдчёны гырысъ комъяс — квайтсё граммсян килоöдз. Сöмын күжёмён вайёд сiйös саёдьыс берег дорöдзыс, а эн вылö лэпты — вугыр шатиныд чегас, либö орас сöныс. А лёкджык берегсян кö шыбласяи — бурдыхык кöвйöдзыс

кысқыны да сідзи берегас ләптышты. Жаль ёд, мынас кө чер пу кузта комыд. Но... ме тай ог помнит-а, мед «жбырган» йылысь мынліс коркө. Душ-мөдись бадь пұсың керыштлом шатиңыс чегліс, а мынны — ог помнит.

Но тайёс ме казытывлігмоз пасыйшті. А мөд луннас водз асывсянъ Войвож кузя вуграсим. Воам, чайтөм серти, черияслён оланін-дзебсаяннінö — öтик кольччо найёс ылодлыны ниңзулөн, либо уна рёма «гутён», либо жбырганон; а мөд водзö мунö выль сэтшом жё места вылö лачаён. Сідз öта-моднымös ордйöдлөмөн и кыпöдчим ю кузяны, кытчöдз эг лиғышмуной. Сизим-кокъямыс версттö, дерт, лои чуклялому-му克莱лому — быдён ёд тöдö, кызды вёр юыд чукльöдлö-писькöдчö вörтүйд пасъкыддыхык юё усътöдзыс. Но зато быд кыркötшувса джум да бадь куст увъяссö виддаломыс эз жё весьшöрö вош: шоныд поводдяыс, да пу листыс эз на ёна усь, и чери абу на, буракö, вörзьöдчылому ыджыддыхык ваа юясö. Меным вит гырысь ком шедi, да сё ветымын грамма комыс, кызд шуласны — пражитан чери, кызь гёгöр. Панера кудлон волысыс кывмөн куттис пельпомөс личкыны. Сы мында кымын жё и Климллы шедома. Керим черисö да ыджыдд кастрюлюё — кык ведра ва тöрö — солалім да джынсыс ундыхык лои. Бур юква на пуим дай.

Аски шуим Лунвож кузя сідз жё кайлыны, а рытнас бöр кывтны сьöд вёр керкаö. Конi кыпöдлім дозмөр котырсö, сiйö ёль пöлöныс и ветлöдлыштам. Тöдiм ёд — эм сэнi пöткавыс, и мый миянлы выль тöдтөм местаястi корсысыны?

Лунвожыд миянлы черитö Войвож дорысь ёна скupдыхыка сетiс. Но ми эг дöзмой: ю пöлöныс бöр локтiгöн нöшта и дозмөр да куим сьöла лыйим. Мый нöшта колö?! Мукöддыхиыс тай лунтыр вöрад ветлöдлан, да күшён гортад волан.

Ужнайтiм, да кызды шулiм, рытнас бöр кывтiм важ вёр керкаö, кызды важся тöдса дорö. Вöралом вылö колис лунён-джынийён.

Мөд луннас чеччим югдiгас, бурпöt пось яя шыдён да чайён завтракайтiм. Мöддöчим лунтыр кежлö, да сьöрысь нуръясянты босытiм жё.

Тöдса ёльдзыс мунiгкостi лöз югыдыс лун югыдён удитiс вежсыны. Состом, ыркыд асъя сынöдыс збоймөдiс. Джулька сюся шныркыйисис чöлнöк моз миян водзвылын. Кыкён тшöttш мöддöчим горув юланыыс, кытчö дзольгис-писькöдчис миян ёльным. Регыд и Джулька гёллоссö, кылö, неылын сетiс: увтчис яра — сiдзкё, бара ыджыд пöтка кыпöдöма. Увтчом вылас видзыссымён мунiм кыкён жё, сёрнитчим: кодi первой казялас да лыймёнöдз матыстчас, сiйö и лыйö. Мойвииис Климллы. ыджыд чукчи веськалому. Радыштим куимён. Клим перъялiс чукчилис сювъяссö да шыбитiс Джулькалы, и кок лапасö öтиксö пуртён керыштис да Джулькалы жё сетiс. Козин. И водзö вылö мед тадз жё зiляс.

Сёрнитчим тайё ёль пöлöныс öтар-мöдар нöрыс бокъясöдыс и ветлыны. Татi вотöса места, а яг вылö пöтка абу на кайома.

Медся ыджыд уджсö вöчис Джулька. Гажыс сылы талун сюрл! Нöшта öти дозмөр котыр кыпöдiс мусысыс, да ми Климкöд куим вийёр вермим лыйны. Мамсö, көть эськё и ёна зiлис ылодлөмөн миянöс пиян дорсыс ылыстыны да дзик матöдз сибöдлiс, эг вörзьöдöй. Но и томъясыс ньёти жё на абу вöймомаёс, да мусысыс кыпöдчом бöрын дзик матö жё пуксявлiсны. Клим эськё элясис, жаль по меным найёс лыйлыны... Но огöй ёд дзикöдз бирöдöй. Но öти чукчи да дозмөр нöшта босытiм на Джулька улысь.

Озырось, вёлём, важ кыйсысылён угоддьёясыс. Вортё пёрдігөн, бурако, повзёдлёмаёс татысь зверь-пёткато, и со кыйсысыыд эновтёма керкасö. А, гашкó, и кувсис нин, и сы бёрын чös туйсо талялысыс эз коль. Миян сиктъясыс ёд став том мужикуловсо война вылад босытлісны, а бёр воисны ёнён да дзоньвидзён лыда морт, и найё кынёмпöt шедёдан туйсо эз нин вёрыс корсыны, а каръясыс да посёлокъясыс. А со вёрад лённыштёма гёгр, да вёр-вас, тыдало бёр ловзёма, и пёткаыд бара рёдмома. Оз кё выль вёр-ва жугёдан гы ыльбты татчо.

А вот лунтырнад душ-мод сёла котыр кыпёдлім, но лыйны найёс Джулька эз лэдз. Ме дорыс сюсъджыка вётлысис сїё жбыркъялыс лэбачъяс бёрся. Ме дзугляси, а Клим наяна нюмъяліс чужёмбан пёвнас.

Бёр локтім мудзёс, но дёвёльбось. И Джулькалы кыйсян гажыс да мудзыс тырмымён жё, бурако, сюрёма: кор гёгрвоис, мый ми вёр керкао нүйдан ордым вылø петім, эз нин миян водзын котрав, а бёрвылын кыссис, отчыд водзё эз чепёсайы.

— Талун бара на чожа-тажаа ветлім,— кыв көрталіс Клим лунья вёралёмнымыс.— Сьёлёмö пырис Сюзьюыс. Ставыс бура ладмис да: и чоскыд пув миянлы ведра куимён, не кё унджык, öкмис, и чери шедыштіс чосмасыны — пошти кык ведраа кастрюля тыр лои, и гырыс пёткасö со ёти лунён босытім. Молодеч тэнад Джулькаыд, Петрович. Бур пон. И поводялыс со миянлы ветлігчöж нюмъялø, чожа-тажаа. Мый ме вёзъя: аски миянёс Гришаыд кутас нин виччысыны. Ме первой думайті аскисö обедёдз кыйсыштны на. Но талунъя удача бёрын думой вежис: вай аски асывсянь модёдчам кывтчос, чожа-тажаа. Тэрмасытёг, вуграсигмоз да чипсанён сьёлаяскöд варовитігмоз. Найё вед асывсяныс юланьджык сетчёны. Кывтам пельс кежыс, сомын кузьджык вомынъясёдыс позъё моторнад зібъясыштны. А сідз, мед Сюзьюыс ачыс миянёс шлығодас чожа-тажаа. Пемдьтöдзыс ми и сувтавлыштёмён на кокния воам. Мый шуан, Петрович?

— Ме соглас. Ме абу жё горш.

— Шуёма-вочёма, чожа-тажаа. Талун ниномён ог кутой сэсся ноксыны. Аски миян дзо-онь лун модёдчыны и кывтны, чожа-тажаа.

— Соглас...

А гуся думыс оз-оз дай воло. Ветлігчöж юрыс эз петавлы. Первойя рытсö билур дорын ужнайтігөн Климелён висьталомыс помавтём лоис. Шуис тай: «...мойдын кодь олём по артмывліс...» Оні, водзёсö ачыс эз нүйд да, телепит нин лоис юавны сылыс.

— Клим, ме мыйкё юала, да он дёзмы?

Клим видзёдліс ме вылø чуймомён.

— Ог, дерг. Он кё наропшно дёзмёд...

— Тэ сэки билур дорад, первой рытнас тай, шуин, мый мойдын кодь согласа олём тіян артмывліс... Бёр торксис али мый?

Клим збылыс дёзмитёг, мудера нюмдіс.

— Да... Торксыштліс... И прамоя. Но метё оні тода нин, кызды сїёс бурдёдны... Таво менам Зоя бара студентка — институттö экзаменъяс сдайталіс, чожа-тажаа! Радлуныс сылон! Менё татчо колльёдіс, корис: эн по ёна дыр ветлой, гаж по бырё... А-а, чожа-тажаа?..

Клим видзёдліс ме вылø да паськыда нюмъяліс.

— Но, слава Богу! Ме зэв жё рад ті вёсна. Молодечъяс тай ті, торъя нин тэ.

— Эн ошкы, ошкё пёра. Сюсьлуныс тані этша. Колё челядь быдтыны, а менам первойсяныс, сідзкё, мыйкё абу артмома, тадз кё лоис... Но, ме чайта, оні ставыс нин бёрын. Зоялы вит ли квайт ли во велёдчыны. Сэк коста челядь быдмасны, асьным пёрысьмыштам, откодясям... чожа-гажаа... Некор нин лоё лёкавныс... И нинёмысь...

Вот и чут пуктіс висъталомыслы.

Менам колисны на юаломъяс, но на вылё вочавидзысыс абу Клим. Аслым колё волі корсыны воча кывъяссö юрын чужом юаломъясыс вылё.

...Кывтім-красуйтчим сэсся. Нимкодясим лёнь, шоныд луннас; то лёнь, то сяльгыс, то вынён бузгыс Сюзьюнас, сылон уна рёма берегнас. Юрпинь кось вывті миянös зэв лоссыда нободіс шуйга берег пёлөныс, пыдёснас ни ёти изйё эз гирснитлы.

Ме бёжалі — пельсён тельскодчышті. Куим лёнь да кузь вомынъясöд моторös ваас ләдзлі да заведитлі. А сэсся сідз пукалі-гоньялі да кадыс кадё чипсанён съоляясös чуксалі. Отк съюла дзик берегдорса пу вылё жбыркнитіс-локтіс, да пыжсянь сийös и лыйи. Отилаын унаён, кылё, чипсіны, да берегас на чеччылі. Час джын, гашкё, чипсі-кори найёс. Отк ёд, йойыд, локтіс.

А Клим помся вугырсö чётталіс. Эз жё прости — обедайтын берегас чеччылім да бур юква пуим. Сэсся обед бёрас нин сылы душ вит-ё-квайт шедіс дай. Эз эсько гырысь чери, но миянлы и сійö любö.

Ылысянъ Гришаös кыр йывсыыс казялім: молодеч, локтёма нин. Весиг бипур пестыны удитома.

Ректыс им пыжыс да катлім ставсö машина дорас. Берег дорас ваас пёлынътомён польскодім-мыськалім пыжнымöс вежонён чукёрмём няйтсыс да кыр йылас жё катодім пёльтомёс, мед тёлалыштас-косымыштас да вёлисти разям пыдёссо да тубралам.

Съёлом вылын волі долыд, кыпьд.

Аттьё, Сюзю! Лоссыда тэ миянös шойччодін, лышкыда козыналін...



Миян Тима Вень

Тима Вень — коми литературалы подув пуктысъасысь ёти. Таво ми пасъялім сылён чужан лунсяныс 110 во. Нэмись нин унджык исковтіс кадыс, но эз ылышмы мияныс зэв аслыспёлөс, ыджыг коми гижыс. Мёдарё, гижёдъасыслон тёччанлуныс воясьво содё. Позъю шуны: Тима Вень — и XX, и XXI нэмся гижыс. Аслас чуймёдана, ышёдана, кыпёдана висьтъяснас да кывбуръяснас сий ё пыр коляс коми литератураны — помтём-бортём шёвк туруна видз шёрын югыгвойвыв дзоридзён, кодос ми шуам коми кывйён, коляс миян олёмын ас му кыйбодысъён, ыдждёдлысъён.

Видзёдлой Коми муным вылё, вёр-вайс вылё Тима Венълон поэзия пыр — и ставыс гёгёр быттьё ловзъё: быд кёр кылан, быд шы гёгёрвоан, быд кыв бурмёдё съёлёмтё.

В.Т.Чисталёвлыс (Тима Венълыс) сөзд вежёрсö, югыг да сёстём ловсö, коми кыв динö муслунсö стöча восьтö кывбур:
«Менам кывъясöй тайё — виртусъяс;
Менам гижёдъяс — менам синвяяс;
Кыпыг съёлёмма оландыръясöй,
Менам ставыс сэн — гижёг-висьтъясас...»

Тима ВЕНЬ

Югыдвой, кёдзыдвой

Тёлыш-кодзув ётарсянь —
вылсиянь.
Еджговлёз лым мёдарсянь —
улсиянь.

Юриыв кодзув зэв вылын
дзирадалё.
Шытёг ылын, войвывын
чардалё.

Кёдзыд ру кыпёдо
юкмёссянь.
Лэчыд тёв орёдö
войвывсянь.

Ягын кёдзыд гораа
швачкёдчö,
Быттьё сэні кодикö
поткёдчö.

Гыортёма мича коз
вугралё,
Гажа тулыс, шоныд гож
вёталё.

Еджыд кёч лым вывтi
тупыльчö.

Репасын съёла-тар йёжгыльтчö...

Кодарсянько кылыштö
пон увтчöм,
Мöдарсянь кö — кок улын
лым дзуртöм...

Керкайсын быдён нин
узьёны,
Енэж вылысь кодзуувяс
усьёны.

Зарни-эзысь киньясон
сявкийны,
Нёйжийоникон, шы ни тёв,
кусоны.

Шудторийй, «кодзулой» мем
мыччысылïс,—
Сы куяз нö тайё гижёд
лоыштïс.

Сïё кодзув енэжсыс ме
гусыштï,
Татчö сэсся, эзысьос, ме
сюйыштï.

1918.

Ок, эсько!

Ок, эсько, верми кö ставсо ме висъставны,
Мый менам съёлёмын, юрын мый — пасъявны!
Верми кö сийос ме вуджёдны морт кывйён,—
Эсько сэк дзоңынас жё курыштï сывтыриён!

Мукёддыр сыланкыв шяясыс
Морёсад тырыс дзик кылё,
Зэвтчома везъясыд — став тушаыд сылёт,
Ортсо сид вёйыссыб кывъясыс петны,
Съёлёмыд кутлас дзик шогысла потны...

Ок, эсько, верми кö,

Висъталі мёд мортлы быдсяма юёрсö,
Тёв шёрын сетьштï шондилысь югёрсö,
Бёр-пулысь шувгёмсö, шоръяслысь чольгёмсö,
Кайяслысь дзользьёмсö вайди пельводзö.
Быдсяма сикаса турунлысь дзоридзсö,
Став ывлалысь мичлунсö воштï ме син водзö!

Верми кö, быдтор жё: мортлон мый съёлёмын,
Мыйыс эм лов сайын, ывлалын, олёмын,
Шондия-муа кост, став мусыс пасътала,—
Быдлати кытшовта, ставсо дзик казтыла!

Да, эсько, верми кö...

Курыда олёмъяс, шог йылалысь висъталі,
Синваён чужёмсö мёд мортлысь кисъкалі;

Долыда, съёлёмсысь, здук дырий сералі,
Кыпыда выліті пётка моз лэбалі...

Ок, эськő, верми кő,
Ставсö жö сiйö ме
Гижöдö сюркнялi-сюй!

Думыштchan. Босытchan сiдз пасайштын,
Гижны на кёсъян-a —
Ставыс тай разалö, кытчöкö вошö...
Оз сюр тай колана шуаныс!
Оз тырмы сы вылö сёрниным миян!
Оз судзсы мортылён кывыйс.

1921.

Кантеле лоём йылысь

Проста ложёс шюй юзыс
Менам чужом-лоём йылысь,
Мый по пёрыс кужыс-тёдыс
Ыджыд вежёр Вейнемейнен
Босытис юрган кантелелы
Сирлыс черлы сюрёс пыдди,
Везъяс пыдди вёвлысь сисо.

Абутёмла сидзи вёчис.
Шогён юитліс сылысь торъяс,
Курыд синва тусяяс кисьтіс —
Нора кылан везйö гарліс...

Сы вёсна нö кантелелыд
Шоча гажаторсö ворсö.
Нора, жугыль сылан шыён
Сы пыр лэччö мортлён шогыс.

1923.

Йöz мүын

Восытё башынёс. Гажтёмла лои зэв шог...
Ошинь дорас ме гырддза выв лэччи...
Меным паныдён öвтыштис тувсовъя вой,
Чёссыд дзоридз кёр чужёмö вачкис...
Кёнкё гажа зэв сыліс сэк дзоляник кай —
Колип съёлёмсыс дугдывтöг дзользис...
Норми съёлёмён, пытшкёсой вörзис,
Кутны эг вермы — синваён бордзи...

* * *

Сидзи сылёмнас гажтёмтчыс кайыс
Менам горт йылысь думъяс сэк вайис.
Сийö уськобдис син водзö мем:
Лöнъ-лöнъ тувсов вой, льём дзоридз кёр...
Тадз жö кёнкё войвылын ылын
Войбыд колипкай льём кустын сылёт...

1923.

Тöлö

ОКТЯБРЬ... Чабыртіс природасö чорыд жöсть күшенчайон иирмög тöльсө. Дыр нин ысікосаис арса поводдя,— кöсйилас ыркнитны, — оз вермы, шондöдны бара жö оз; сэсся коркö катласяс-катласяс да ганёвтас жö вески карнаныс.

Тöрыт на шливгис-киссис зэр,— асьявыв скöрысь лыбзöдчис войвывсянъ кöдзыд лёк тöв: шур-шар вöчис, разöдіс эрд вылыс гылалом кор, турун-идзас ёг; няр кенъон изыбдис ва гöпъяс, вöйтва дозъяс öти здукён кынмисны ёльк... Чорыд чорасö пöри туй вылын няйт. Лöзöдмöныс чуралис-кынмис сю öзим ыб чурк йылын. Пемдис чужöмыс лыска вöр пулён... Картина пырыс-пыр вежис.

Чепöйис керкаыс морт картупель гу идзасон вевттявны, кумыс, сарайыс чуманъяс пыртлыны — сёркни тыра, лук тыра дозъяс, чипанъяс йöртавны керкаö йöрыс... Йöрттöг ачыс гидö зырсöй-пыро мёс. Вом тырыс идзасон котралö порсы — вöчны аслыс пельёсö поз. Дзебсöй кöдзыдыс бид пемёс, бид лов... «Сё кöчамач!»— ёрчöй-курчасьö колхозса завхоз, мый виччысътöг кынмис кок йылас сюрс капуста мач.

Эжвати петö нин, кылавлö наризд,— зыртö-быгöртö ии пластияс скöвöрода дорös моз. Векняммис ю потас, öдва нин шор пасытка коли. (Суналö, уялö öтнасон сэн ранитчöм борд пöла банордöс... Кольёма стаяссыс öтнасон, конъёр. Оз нин аддзыв сiйö лун сарииз ва...) Тыяс, куръяяс колипалома, нэр ииён дорыс-дор кутöма. Немойö пöри гожöмбыд ызгыс мельнича бузган... Тöлö нин, тöлö природа. А «Уква» пароход оз пов, нöшта на катö, катöдö-матыстö Черса нефть бурöвой вышкалы груз,— дзоңьон нин изыбома ачыс, быттьö «Челюскин» либö сказочной «Ледяной дом».

Кыткö торкалö, но кыткö и отсалö природа мортлы. Ииджис егыр яг вылыс нитшув ва, быри пу вылыс зэра лысва. Рудзали вöр лэдзысылён нямöд. Нöшта далöсътлö пельк лои пöрдчыны. Ёна кötöдис ур кыйыссылыш пельпомъяссö да сойяссö зэр ваа слёт,— онi шупалис, косьмис; зумаммис и кок улын пармаса нитш под... Гажаджыка жургö-ломтыссыö рыт горув вöр лэдзысылён кöрт пачас сирöд конда пескыс, оз чусав и кыйыссылён горъяс зэра дырся моз, трачкöдчö-ыргö лолöд коз пу леканыс, кыз зарни öгыро ваймигас пöрө...



Кык удж — ёти мог

«Чужи-быдми съёд вёр шёрын, деревняясь петі...» Нёбдинса Витторлён кывъясыс тёдсаось миянлы дзолядырсянь. Но оні он нин шу тадзи — уна вояснад Коми му ёнакодь вежсис. Войтырыс содіс, пасъёдчис. Вайбадам «Республика Коми» энциклопедияса медводдза томысь вёръяс йылысь нейджыд пасиёд:

«...Коми Республиканын вёрсö шёр артмёдисъяс коз да пожом кындыз бидмёны ныыв, сибырса сус пу, ния. Коми вёръясын бидмёны 8 сикас лыска да 20 сикас коръя пүяс.

Коми Республикалён онія суйорын вёр босътчисны лэдзны 16 нэмүн. 17 нэм помын вёрсö пондісны босътны промышленноя. Кардор пыр, первойс керийн, а сэсся и пилитёмён, вёрсö новлісны Европа пасътала. Войыв вёр нуисны весиг Африкаö да Австралияö. Сідз шусяна приисковой керасъяс медвойдёр вочисны юяс пёлён.

...Сомын Печора ковтысысь «Стелла Поларе» компания быд во босътлывліс вёрсö 50 сюрс кубометр...

...Думайттöг пёрдётчомён лои йывмёдома юяс бокысь медбур пожома ягъяссö... Козсö босътчисны пёрдны сомын 1830-öд воясъя.

1917 во бёрын вёр промышленность Европаса Войывлён экономикаын пондö босътны медыджыд пай...

...Медся уна вёр кутісны пёрдны XX-öд нэмлён мёддөд джынъяс...

...Вёр миянын лои вёр-васö да поводдясö медшöр лёсъодысьён... Республикаын эмösь некымын миллион во сайын нин артмылём вёръяс, кёні öкмёма пуюслён да бидмögъяслён асlyssикас генофонд... XX нэм помын Европасын татшомыс сэсся эз коль...

...Коми Республикалён вёр фонд запасыс артавсö 39 млн. га — 2,8 миллиард кубометр».

Тадзи позьё висътавлыны ёна уна на. Унджык тёдны кёсийсъяс асъныс вермасны видзёдлыны энциклопедиясыс статьясö. А ми панам сёрнисö Вёр комитетса веськёдлысь Вячеслав Дмитриевич Пручкинкёд да Коми Республикасаса вёр комплекс, машина, транспорт да связь министр Сергей Афанасьевич Каракчиевкёд. Кык удж. Кык видзёдлас. Кутшом вёрным оні, кутшомён сійёлоё, кутшомён сылы колё лоны.

— Вячеслав Дмитриевич, вёр — Коми мулён медшöр озырлунъяссыс ёти. И весиг абу сы понда, мый вермас вайны медуна съём, а сы понда, мый мёвпалётмён уджалігён тайё запасъяснас позьё вёдитчыны нэмъясён, öд вёрыс бёр быдмö. А Ti, Вячеслав Дмитриевич, — вёрлысь озырлунсö медся ыджыд видзыссыс. Іджыд-ö тайё озырлуныс? Уна-ö позьё босътны, медым озырлуныс эз чин?

— Сідз кё нин, Россиялён Европаса Войывлын Коми Республика та боксянь медся озыр регион. Миянын öксъёма воём вёрсыс джынсыс унджыкыс. Расчётной лесосека серти вонас ми вермам керавны 26 млн. кубометр. Но Республикалён лунвылын да шёрас, кёні водзтисö ёнакодь нин пёрдчисны, вёрыс

этша, и медым содтыны вёр лэдзёмсö, колё пуктыны зэв уна сьём туйяс вочомёй. Татёг водзосё паськодчыны он вермы.

— Кызы квайт миллионнас вёрыс оз чин?

— Тайё расчётной лесосека, и вёр рёдмёдёмсö бура лосьёдёмён оз эсёко быр. Но, мёдар боксянь кё, менам аслам, специалистлон, эмёсъ кутшомсюрё юаломъяс — а ладаа-ё воли арталёма лесосекасö откымын лесхозас. Сэтчо пыртёма уна сэтшом вёр, кодёс керавнысö некор оз кутны — улыхи бонитета 5А, 5Б. Ставсö пыртёма керавны позянаён, а пёрёдёнысö бурджык, октаджык вёрсö. Позьё выль пёв видлавны лыдпастяссö. Мёд кывйён кё, ме артала, мый миянын позьё пёрёдны этшаджык 26 млн., но тайё лыдпастыс артмё ыджыдён, а суйёрсайса да миян экспертьяс шуёны: миянын вёрсö позьё бостьны вонас 12 млн. кубометрысъ оз унджык.

— Вячеслав Дмитриевич, эм-ё коми пармалён мыйкё аслас, мукёд вёрсыс торъяланы?

— Гашкё, сёмын сийё, мый миян уна сидз шусяна вёрзьёдлытом вёрыс, кони некор эз пёрёдчыны, либо уджалисны коркё зэв важён да этша. Тайё вёръяс пондаыс и пинясьёны став «турунвижыс», корёны татшом вёрсö кольны. А ми арталам, мый татшом вёрсö колё пёрёдны, сёмын кольны вёрыслысь торъя дяяс да уджавны сэтшом технологияён, медым став ловъяыс колис уна сикасаён, кутшомён воли. Европын татшом вёрыс важён нин абу. Сэні став вёрыс коймёд, нёльёд пёв нин керассё. А миянын найё збыль вёрзьёдлытомося. Ставыс тайё оло аслас оломён — эмёсъ пемёсъяс, пемёссо сёйысъ зверъяс, лэбачъяс, микрорганизмъяс. И унаён чайтоны, мый вёрзьёдам кё ми тайё вёръяссö, то, дерт, мыйсюрё сэтысъ бырас, и тайё кыскас ас бёрсяыс мыйкё видзчысыны позьтёмсö.

— Вячеслав Дмитриевич, мукёддырии кывсыывлё — заказник. Гёгэрвоёддой, пожалуйста, мый сийё сэтшомыс, мыйла лосьёдёны?

— Ачыс кывыйс, «заказник», мёд ногён кё, корана ногён вёдитчом, лосьёдёны мыйкё аслыспёллёсёс видзом вылё. Шуам, Чернамса лесхозын миян лосьёдёма «Белый» заказник, кодлон могыс — видзны аслыссикас яла ягъяс. Сэні оз позь керасыны, позьё ветлыны этша лыда ыозлы, медым ялаыс эз таляссы. Эмёсъ торъя научной расчётьяс. Заказникис вермас лоны быдсяма пёлёнснас: эмёсъ нюр заказникъяс, сус пу, юясыывса вёръяс. Коми Республикаын татшомыс сёйсъ унджык. Тайё зэв ыджыд пай, коди, буретш, и видз локтан вайтырыслы уна сикаса оломсö.

— Вячеслав Дмитриевич, бёртъя кадас вёр дёзьёртисъяслён делегацияяс ветлисны Швецияё — тёдмасыны опытён, уджнаас, вёр овмёснаас. И чужис та бёрын «модельной вёр» проект; вёrsö лэдзёны мёд ногён. Кыдзи Ти чайтанныд, кутшомён лоё проектлон водзё оломыс? Мыйын бурыс да омёльыс татшом нога пёрёдчомыслён миянын?

— Модельной вёр ыалысъ мёвпыш воис миянё Рытывылысъ, и медводдзаён кутчысисны таё канадечъяс. Но, сидз кё нин шуны,



ундышык татшом мөвпүс чужё Россиянын, сэссең кёнкө наён күтөнү вөдитчыны, а борнас бара воёны миянё. А мөвпүс быттөй и сүйөрсайса нин. Збыль вылас тайё абу сізд. 1963 воын, кор ме эштөді Кардорса вёр институт да веськалі Волләгда областьса Вохтогаё, сэтчөс леспромхозас — сэки нин сэтёні волі оти инын уджалан вёр ләдзан предприятиелон проект. Леспромхозъяслон лёкис сыын, мый найёс котыртёны күтшомкө кад кежло, медся тшоқысадо 40 во кежло, пöröдны торъя ин. Тайё, дерт, лёк. Та понда и артмис миян «временщикъяслон» психология — эз си понда, мый йозыс лёкөсь, а си понда, мый сэтшом волі государстволон политикасы. Шуам, ләптісны посёлок. Нелямын во пöröдчинисы. Сэссе мунісны мёдлао, а водзю көть мый. А квайтымын коймод вонас волі нин сэтшом проект, код серти предприятиесыслы эз ков некытчо мунны, а, сіздкө и, сійё мёвпаліс ворыслон рёдмөм йылысь, и медым лесосекасо урчитомсыс ундышык эз керавсы, медым локтігкежлас важ керасас быдмис нин воём вёр.

Мый сэтшом модельной ворыс? Тайё ворас сэтшом удж, коди эсько ладмодіс куим ыджыд нырвиз: экология, экономика да социальний аспект. Оз позь, медым эрдассис мыйкө отитор, шуам, экология. Оз позь керавны — вёр, сійё му шарлён «тыыс», и ставыс. И сэк жо, коло, медым пöröдчомыс экономика боксян волі октаён. Но и, коймод-ко, ставсо коло вочны сэні олысьяслы. Медым пöröдчанінис сетіс сэтчөс йозыслы удж, уджон, нöшта мыйкө, да медым найё вермисны жо веськодлыны вёрнас.

— Вячеслав Дмитриевич, а важ нога пöröдчомыс выль ногаискод орчён — кыдзи найё видзöдчоны?

— Сьокыд шуны, күтшом метод йылысь Ti сёрнитаныд. Юаланныд кё сізд шусяна «скандинавияса» метод йылысь, кёні уджалёны «Харвестерён» да «Форвардерён», то тайё, дерт, машинизация нин, а технологиясы миян. Ti тёданыд, комынод вояссянъ заводитомён тадзё уджавлім нин, сомын пöröдчим лучковой пилаён, чинтасылім веськыда делянка вылас, а петкодім волён. Но, а оні вөвсө вежим «Форвардерён», а лучоксо — «Харвестерён». Тайё ыджыд отсөг. Медсясө методыс весиг бур экономика боксянъ, си вөсна, мый татшом ногоннас оз ков лосьодны улыс складъяс — од найё зэв ёна содтёны вёр производиялысь донсо. Сёрнитны кё вёр вөдитом йылысь, то көлесаа техникасыд, дерт, озджык гусеничной мозыд дойдав вортё. Татоні коло пасыны, мый миян сізд шусяна векни пасекаа технологиянас бура вөдитчигон ворыс рёдмө бура жо. Важонсө та кузя весиг нубдлісны семинаръяс. Став Союзсыс волывлісны ми дорё велодчыны. Та понда войнаодзса да 50-од воясся керасъясын, быдмис и воис нин лыска вёр. А сэссе тайё техника пыддиыс локтіс выль — ЛП-18, ЛП-49 — быдсяма чокертом трелютысыс. Вочисны найёс сүйөрсайса образецъяс выло видзöдомён, но миянын, и тадзи машинаясыс артмисны сьокыдось. Вот найё тө и вочоны керасъяссо Толысь выв кодьён. Комиын наён вөдитчыныс ләдзисны сомын күтшомкө допускъясон: либо төвнас, либо сэн, кёні абу том ворыс да с.в. А көлесаа техника петкодліс асьсо бурдышык, но уджавны кё күйтёг, то и сійё ставсо жугёдас.

— Вячеслав Дмитриевич, мый вочо Tiaң ведомство, и мый эсько сиылы коліс вочны, медым воодчыны медся буродзыс?

— Миян служба, пасыкыда кё босытны, кывкутё вёркод йитчом куим ыджыд нырвиз понда. Тайё: вёр видзом, мёд-ко — вёрён

тöлкön-ладöн вöдитчöм, и коймöд — вöр рöдмöдöм. Медся бур кузыыд: вöрыс öнi федеральной государственной собственностин, и, артмö, мый службасы миян государственной жö. Ми эсьkö кöсийим сïдзи котыртны вöр овмöссö, медым кералисны государствоон документъяас урчитöм ногон. Вöр рöдмöдöмсö абу быть вöчны лесхозъяслы, а сïдз кö нин, вöр босьтысыяслы, и медводз, дерт, кöртymалысыяслы. А миян колис эсьkö государство нимсянь велöдны уджас, и бура таыс мынтыны. Сïдз жö и вöр видзомköд. Колö, медым сïйös видзисны торъя организацияяс, авиаlesоохрана кодыыс, и мед уджалисны эсьkö контрактъяас кузя жö. Чайта, тадзи эсьkö колис вöчны. А öнi став тайö уджыс öшалö лесхозъяас вылын. Найö видзöны вöрсö. Таво налы вöр сотчиgas майшасьомыс вичмис торъя уна. Найö лöсöдöны вöр кералан фонд, делянкаяс, колана документъяас и видзöдöны кералом бöрсяыс. Тайö государстволон функция, и сïйö, буракö, сэтшöмён и кольö. Да и вöрсö öнi рöдмöдöны лесхозъяас жö, кöть став документъяас серти тайös колö вöчны кöртymалысыяслы, но найö пока вöчёны сöмын 15% оз унджык, кöть и эм Коми Республикаса Юралысылон Указ, кöni сёрниыс мунö 50% йылыс.

— А кыздиджык оланын� вöр лэдзысыяскöд? Век-ö öta-mödtö гёгёрвоаннны?

— Ме тайös висыставлi нин, и шуа нöшта öтчыд, мый ёнасö паныд сулаломыс абу. Ми ставным кöсъям öтитор: пöрöдчöмас матьсмыны расчётной лесосека дорас. Но вот сэтчö воöдчöм вылас видзöдам быдöн ас ногон. Лесопромышленник зильö пöрöдны вöрсö аслыс медыджыд выгöдаон, а ми, вöрса служба, зилям, медым «вöрсiсны» законъяас серти. Татöнi чужёны мытшöдъяас. Татшöм ногон мыйkö мында ми вермам воштыны удж производительностин, да и экология боксянь чужёны торкаломъяас. Татöнi эм вензöмөис, и век лоö. Кор сïйö абу, ме артала, мый миян службасын абу ставыс ладнö, кодкö сёрнитчис лесопромышленникъяскöдыс и колана ногон оз видзöд. Ме чайта, мый бура мёвпыштöм бöрын позьö аддзыны петан туй, кор вöрыс оз жугöдчы, и тайö лöсялö промышленникъяслы. Ме век висытала, мый сöвмöмлön фило-софской закон — паныда сулалысыяслöн öтувъялун да вен. Танi сïдз жö: абу веныс — абу сöвмөмис.

— Вячеслав Дмитриевич, коми гижиссыясöс век майшöдлis сïйö, мый план вевтыртöм понда вöрсö мёвпыштlyтöг пöрöдисны, весиг, позьö шуны, жугöдисны. Колян нэмсянь на кыссююрö пöрöдчöм понда ямисны юяс, лои бирöдöма кыйсян угоддьёяс, тшака-вотёсанъяас да бур кöйдysа вöрсö. Кыдзи тайö проблемаяссö венёны öнi? Позьö-ö нин шуны, мый ставыс бурланьö вежсöй?

— Да, литератураад уна гижёма та йылыс, и гижёма збыльтор. Кор вöрсö пöрöдисны паськыда, кыдзи шуам, Удораын (сэнi вöлiны 200 гектарысы ыджааджык делянкаяс) да содтöд вöр кылöдан юяс пöлён, дерт, юяс ляпкалисны. Тайö лёк. Кодi думыштис концентрированной керасъяссö? Найö некытöн абуось нин, кöть эсьkö водзтис вöлiны и Швецияны. Налён öнi позьö пöрöдны 25 гектарöдз, а войвылас, кöni олёны этшаён — 50-öдз. И ми öнi на моз жö уджалам, кöть тайö бара жö сьöктöдö — колö вöчны унджык туй. Но экология да вöр рöдмöдöм боксянь сïдзи и колö пöрöдчынысö, и государстволы таыс лэдчысыны оз позь. Тшак-вотёс кузыыд ме эсьkö шуи, мый вöрсö ёна дойдалом выло видзöдтöг, вöр-ваыс, век жö, найös бурдöдö, и весиг болгаралон

керасъяс вылын петіс вör. Дерт, ёнакодь содіс коръя пұыс, но ёд тайё — сэтшом жё вör, көні быдмө гөрд гоб, көч гоб, путник. Ме ог артав, мый тшак-вотёссö лои ёна бырёдома. Нöшта на и ме ачым аддзылі, мый выль керасъяс вылас тшакыс мыйлакö сибöдчö вölökъясланыс.

— Вячеслав Дмитриевич, кыдзи *Ti чайтанныд, мый виччысыö миянлысъ челядьёс да внуқъясöс миян вöрын?* Унаён майшасьоны, мый регыд пессö некытён лоё керавны...

— Вör фонд арталомъяссö тöд вылö босытёмён позъю шуны, мый вортöгыс ог кольёй. Содö лыска вöрыс, том пожомыс. Но, такöд öттишötш, мунö и сикасъяслöн вежсъём: козъя керасъяс, том да койдис вöрсö кольём вылö видзöттöг, вöреялöны медсясö кыддзён. Дерт, водзöсö, во сё мысти, козыс бёр ордйöдас кыдзсö. Но про мышленностылы майшöдис эм. Ми арталам, мый 2020 вояссянъ кымын вör фондын содас коръя пуюслöн пайыс, а миян предприятиеяс кералöны медсясö лыска вör. Колö мёвпыштыны, мый вöчны коръя вöрыскöд.

— Вячеслав Дмитриевич, кутшöм pu *Ti радейтанныд вöрвайын?* Горт дорад? Вöчомторъясын?

— Пожом. Пожом медъёнасö сьёлём вылö воö. Сидзсö эсько уна pu воö да, но ме зэв бура ачымös кыла пожёма яғын. Буракö, пытшкösöс сiёй бурмёдö, весиг кыскö гижны кывбуръяс... Быд вör ас ногыс бур. Сус pu мича жö.

...А вöчомторъясын — пипу. И кор сiёй абу сiесь и орёдоминас вый кодь жö юғыд, бурмёдö сьёлёттö. Максаковкаса улыс складын ме тшöкыда вежлалi пожёмсö пипу вылас, кодысъ сэсся вöчлывлiм быдсямасö. Тöданныд, и пывсянъястö кышёны пипуён. Нинпуыд миян абу, кöть и шуёны, мый кышнысö бурджык сiёйн. А ми кышам пипуён, и ме тайёс жö вözъя. Важёнсö вичко юръяс вöчлісны пипуясь. И нёльсё во сiёй сулалö, лоё эзысъ рöмайн, а оз сiесьмы. Пипу — тайё зэв бур pu. Кок йылас ёна сiесьмё, а вöчомторъиыс зэв дыр олö.

— А горт дорад мый быдмё? Дача вылад?

— Кыдз pu. Пожом. А карса керка дорö ме пунктi ния.

— Йиджыд аттьё *Tиянлы!*



— Сергей Афанасьевич, вör — Коми мулён медшöр озырлунъясысъ öти. И весиг абу сы понда, мый вермас вайны медуна сьём, а сы понда, мый мёвпаломён уджалiгён тайё озырлуннас позъю вöдитчыны нэмъясöн, ѿд вöрыс бёр быдмё. Уна-ö лэдзлывлiсны вöрсö водзтi и уна-ö бöръя воясö?

— Позъю кё, ме эсько тiянёс неуна веськёдыштi. Онiя законъяс серти вör оз лыддыссы озырлунён, сiёсö оз позъ заложитны, вузавны, мый вылö кё вежны. Вör — Россияса Федерациялён эмбür (собственность). И та боксянъ вöрсö оз позъ шуны озырлунён, а сöмын вör-васа ресурсён. босытiгён вör — выль пöв чужысъ

И збыль, колана ногён

ресурс, кодён Республика вермас вöдитчыны нэмсö. Миян вöрлён эм аслыспöлöслун — сийö бура ловзьö ачыс. И отсалас кö мортыс вöрыслы ловзынысыö, сийö тырас колана пuyaсон да öдйöджык.

А вöр лэдзан подотрасльён «аслас министерство» абу. Пыро сийö вöр комплексö, сыон лэдзан прöдукцияын 15% гöгöр пайон. Но тайö подотрасльыс медся уна да сьокыд уджа. Вöр пöрöдьысьяс уджалöны ывла вылын. И сюрö налы зэр, лым, ёнтись кöдзыд, а гожёмнас — ном-геб.

Сидз шусяна планёвой экономика дырии Комиын вöрсö пöрöдлëсны 27 млн. кубометрöдз вонас. Тайö 1987 воын. Сийö кадас уна воясся лэдзём-петкöдлöмыс артавсис шöрас 24 млн. кубометрön во. Бöръя дас вонас вöр петкöдлöмыс чинлëс 4,5 млн. кубометрöдз, а таво арталам босытны 6,5 миллион.

— Сергей Афанасьевич, Сыктывкарса ЛПК да Емваса ДВП завод лэптытöдз, кыдзи ме тöда, Комиысь вöрсö нүисны ёнджыкасö пилиттöг, керйён. Кутшöмдьык вöр промышленность öni, да кутшöмдьыккöн сийö лöй водзö?

— Тайö ыджыд предприятиеясадзыс вöлïны сöмын Сыктывкарса вöр пилитан комбинат да кымынкö дзоля лесопилка, кодъяс лэдзисны тьös-плака, а мукöд вöрыс мунис миянысь керйён. И кызвын вöрсö кылöдисны юястí, либö молльён, либö пурйён.

Öнïя кадö кызвын пöрöдöм вöрсö керёны комиын, но 1,5 млн. кубометр гöгöр век жö мунö Республикасы керйён. Медунасö ньёбö Котласса ЦБК. Экспорт вылö керйён ыстыссöй пöрöдöм вöрссыс 1,5% на этшаджык. Республикаын вöчöм прöдукциясыс джынсыс унджык мунö экспорт вылö: кабалаён, фанераён, тьös-плакаён, картонён. Да и россияса ньёбасысьяс босытöны миянлысь кызвыннас керём нин вöр. Бöръя дас вонас сырье сетьисьыс Коми Республика лоис медся бур бумага вöчыссыон.

А бöръя кык вонас вöр комплекс тöдчымöн содтис лэдзан прöдукциясö, ставон уджалöны нажёткаён нин, рентабельноя, кöть и ньёжийö, но содö вöр лэдзысьяслён удждон.

— Сергей Афанасьевич, бöръя кадас Республикасы вöрса делегацияяс ветлывлëсны Швецияö — тöдмасисны налён уджён, вöр овмös лöсöйдöмён. А сэсся чужис миянын «модельной вöр» проект; вöрсö пöрöдöны мöд технологияён. Кыдзи Ti чайтанныд, кутшöмён лöй проектлён водзö олöмыс? Мый бурторийис, а мый тырмытöмторыйис миянын татшöм нога пöрöдчöмыслён?

— Колö пасыны, мый «Модельной вöр «Луздор» проект чужис да сöвмö оз сы понда, мый уна делегация ветлëс Швецияö, кöть тайö опытыс миянлы и зэв тöдчана. Проектыс чужис Республикаса Правительстволён да WWF-лён (дикой вöр-ва фонд) öтвылысь топыда уджалöм бöрын. Проектлён медшöр могъяson лöёны: öтикö, вöр дöзьöритöмсö выль пöв видлалöм-донъялöм. Мöд-кö, лöсöйдны сэтшöм позянлунъяс, медым регион сöвмис вöр комплекс подув вылын, да медым вуджны вöр босытöмыссы и вöр видзöмö. Коймöд-кö, содтыны вöрлëсь быдмöм-чужöмсö да качествосö. Нёльöд-кö, содтыны вöр пöрöданнъяас олысъ ийзислыс вöръяснас веськöдлöмсö.

Мöд кывийон кö — тайö аслыссяма полигон, кытöнî велöдчöны пöрöдны вöрсö зыксытöг, кыдзи предприятиеяс, сидзи и ийзис.

Проект вылас сьомсö вичмöдö WWF (дикой вöр-ва фонд). Тайö сетö позянлун, медым ми ийзислысъ, миянён «веж зарни» понда тöждисьсöм ийзислысъ паськыдджыка тöдмалисны суйёр сайын миянкöд бизнесын уджалысьяс. Проект оз пукты могён пöрöдны

вёрсö скандинавъяслён технология серти, а вёйё, медым вёрсö пöröдисны уна ногён. Бёръясны технологияяс, кодъяс лоёны медся октаён да медэтша дойдаласны вёрсö.

Проектсо арталёма куим во вылё, и позьё нюжёдны нёшта сы мында вылё жё.

— Сергей Афанасьевич, а кыдзи ми босытлім вёрсö, да кыдзи позьё босытын — күтшомджаыка найё видзёдчоны орчён?

— Тi, буракё, сёрнитаныд хлыстъясон да сортиментной вёрлэдзём йылысь?

Сортиментной метод тшёкыда нимтёны «скандинавскойён». Збыль-ё сідзи? Позьё и вензыштын. Кор ми пöröдчим «лучокён» да петкёдлім вёлён, миян сортиментной нога удж жё вёлі. Ставыс пыксыб колана техникалён позянлунъясо да уджалан условиеялас. Кутны кё тёд вылын, мый унджыклаас мусыс миян небыд, вёрыс уна сикаса да арлыда, а вёрса туйяс вылас он лыб — ёнджыкассо коляс хлыстъясон вёдитчом. Сэні, кытёні вёрсö позьё вайны веськыда ньёбысь дорас — лоё сортиментной нога удж. Матысса кадо татшом ногён вёрсö лоё босытёма, гашкё, 10%.

А машинаясон уджалом, чайта, сёвмас колана выйёдз. Кипомыссы уджавны оз кутны. Мёд ногён лоны оз вермы.

— Сергей Афанасьевич, мый вёчö Тiян министерство, и мый, Ti ногён, сылы колё вёчны, медым воёдчыны медся бурёдзыс?

— Министерство нимыссы тыдалё, мый сiё юрнуодё уна отрасльён, и вёр комплекс — сёмын юкён.

Рынокö вуджомкод экономикаын министерствояслён уджыс вежис. Ми предприятиеясан асынам ог веськёдлой. Нёшта колё пасыйны, мый вёр комплексын государственной предприятиеяс абуось. Министерстволён могён лоё видзёдны отрасльяслён удж бёрсаяс, лоёдны нормаяссылысь сэтшом подув, медым отрасльяс вермисны бура уджавны да сёвмыны водзё. Артыштын водзё вылё, мый накод лоас. И татёні ми зiлям вёчны ассынам уджнымёс Республикаларыссы интересъяссö дорийёмён. «Идеал» кузаяд: ме эг нин отчыд гарыштлы тайёс. Колё, медым Республикалён вёліны ыджыдджык позянлунъяс вёрнас ноксыссыяслён йитёдъяснас веськёдлёмын, но ми, арта йоз, законъяс ог торкалой, и вёчам сёмын сiёс, мый позьё.

— А кыдзиджык оланныд «озырлунъяс видзыссыяскöд» — вёр дöзьоритыссыяскöд? Век-ё гёгёрвоаннайд ёта-мёднытö?

— Вёр комитетса уджалыссыяскöд миян бур делёвой йитёдъяс. Тайё оз висътав си йылысь, мый ми некор ог вензёй. Мүккёддырииыс, кор ог воёй öти кывиё, артмывлö, и судёдз волам. Сідз, матысса кадо антимонопольной служба кутас видлавны, кыдзи ми чайтам, вёр көртимыссы закон торкаломён донсо лэптём. Но, став вылас видзёдтöг, тайё оз торк отувъя уджыссы, кыдзи ми кутам лача, «Комилеслон» сёвмом вылё. Колё пасыйны и сiёс, мый «вёр дöзьоритыссыяснас» оні лоёны вёр лэдзыссыас, си вёсна, мый вёр рöдмёдомыс на сайын нин.

— Сергей Афанасьевич, коми гижыссыясöс век майшёдліс сiё, мый план вевтыртём понда вёрсö мёвпыштлытöг пöröдисны, весиг, позьё шуны, жугёдисны. Колян нэмсянь на кыссюрё пöröдчом понда ямисны юяс, лои бырёдёма кыйсян угоддёяс да бур кёйдыса вёрсö. Кыдзи тайё проблемаяссö венёны оні? Позьё-ё нин шуны, мый ставыс бурланьё вежсö?

— Колё шуны, мый тайё нэмлён мёдёд джынъяс кытъястiкё вёрсö эз пöröдны. Пöröдчисны сідзи, кыдзи шулісны госу-

дарственнай вёр фондын. И дзик мёдтор нин, мый вёрсö босытсны ётилаусь уна. Тайё эз сет вёрыслы ас кадё да бура выльмёдчыны. Сизимдасöд воясас ёткымын лесхозас вёрсö пöröдисны позянасыыс унджык. Но оні тайёс ставсö ний ва кылодис. Талун кежло Комиын вёрлон 60% воёма, и сийёс коло пöröдны. Но пöröднысö коло спрос выло видзёдомён. Коланаасыс унджыксö босытёмыс кисьтö вёр комплексыслыс экономикасö, и, торйён нин, вёр лэдзысьяслыс. Комиын вонас вёрсö позьё босытны 26 млн. кубометрыс муртса унджык. А кольём во, кыздзи ме пасылын нин, пöröдим 7,5 млн. кубыс на этша. Унджыкыс оз инаас.

Оні пöröдчоны мёд ногонджык. Керасъяслы оз позь лоны 50 гектарыс ыджеиджыкён. Экология выло видзёдёны водзті дорыс ёнджыка.

— Сергей Афанасьевич, кыздзи *Ti чайтанныд, вермасны-ё* кольны миян челядь да внуќъяс вёртöг? Унаён майшасьёны, мый регид пессö некытён лоё керавны...

— Ме чайта, мый миян челядь да внуќъяс вёрён оз гольмыны! Ми колям налы туйяса, лосьёдёмджык ягъяс, кытёні тшак-вотёсис да вёрыс нэм заводитчигён дорыс лоё оз этшаджык. Матысса кадё воасны вёръяс, кодъясös пöröдлесны на миян батьяс да польяс.

Но оз позь вунёдны, мый вёрсö коло видзны сотчомъяслыс, а тайё нин и миян, и челядьлон, и внуќъяслён удж. Вёрён мёвпалёмён вёдитчыны коло быд лун, быд во, век, странын политика да вежсъёмъяс выло видзёдтöг. А сёрнитны кё «пес» кузяид — дзик прёста майшасьёны. Кар-сиктъяс гёгор ториёдома вёр, кодён вёдитчоны сёмын матигёгёрын олысъяс.

— Сергей Афанасьевич, кутшому *Ti радейтанныд вёр-ваын?* Горт дорад? Вочёмторъясын?

— Сьюкыд висыставны! Од Коми пармалын быдмысъ быд пу колана! Ас кадё торъя поводдя дырии найё аслыспёлоссёс. Шуам, пишу. Зэв нин сийёс оз радейтны вёр лэдзысьяслыс. Уна, быдмё ёдйё, сисьмё нёшта на ёдйёдчык. «Сись пу» и эм. А видзёдлой, кутшомёссы сысъ артмёны вочёмторъясыс. Пывсянсо быдён зильё пишуюн кышны. И казытыштой — кутшому сийё арнас, кутшомёссы рёмъясыс! Тасыс кындзи, пишу бурмёдё мусо. Сыкод орчён бурджаха быдмёны пожём да коз.

Сиктса керка дорын менам быдмёны сус пугас, стöчджыка кё — сибырса пожём. А ветлёдлыны радейта пожёма ягъясёд: югыд, сөдз, синмыд шойччо. Сэтёні жё и тшак, вотёс, а арнас — дозмёръяс.

Медся окта миянын — коз. Сысъ вёчёны тьёс-плака, кабала, целлюлоза. А Выль вояс Коз! Кыздзи он казытышт кыдзтö. Тулыснас зарава, корося. Нёшта на и фанера, кабала.

И тадзи позьё сёрнитны пармалын быдмысъ быд пу йылысъ.

— А пывсянто *Ti мыйысъ тшуупинныд?*

— Пожёмысъ. Сирис сөдзтиссё стенссыс, пётёлөкссис, и весиг джоджссыс. Радейта чорыд жар.

— И коросяён?

— И коросяён! Кыдз пу коросяён, ныыв пу, тусяпу коросяён пывся. Бура пожан да артмё зэв бурён, чёссыд кёрайн. Да и бурдёдё. Коросяссö чегъялам асъным. Сиктын. А ныыв пу да тусяпу коросятö позьё вобыд перыйны, пырмунігмоз. Ныыв пу выйыс зэв бур.

— Сергей Афанасьевич, а миян вёрыс мыйёнкё торъялёт?

— Миян вёрыс, ачыс пүйс, топыддышык. Шуам, скандинавияса дорысь. Налён шоныдджык, и вёрыс та понда быдмө ёдйө. А войывыв вёрыд быдмө ньёжйёдджык, вося кольчаясыс топыддышыкөсөй, и вёрыс абуджык рыж, бурдышык. Эз ёд прёста карабъяс вылёр босытны войывыв пожом.

— Сергей Афанасьевич, казьтыштын кё челядьдыртё, *Ti кайлывлінніңд пүяс вылёр?*

— Дерт. Льомла кайлывлім. Пельсіз ёктім да кынтывлім. Төвнас сэссе сэтшом юмов. А тулыснас кайлывлім коляозла. Төданныңд сійө мича гөрд тусъясс?!. Ме и оні на виччысія тулыссо да коляозсо.

— Сергей Афанасьевич, *Ti шуинныңд нин, мый сиктад быдтанныңд сүс пүяс. Уна-ө, да ыджыдөсъ-ө нин найә?*


— Даң нёль сүс пу быдмө. Кык восяюс нин. Ми готыркод веськыда лелькуйтам найөс. И ёд ставныс вужъяссисны.

— Регыд кутанныңд сёйны сүс пу коль?

— Коллыс лөө 40-50 во мысти. Миян внукъяс кутасны сёйны сүс пу коляясс. Кутасны, тайө сіздзи и лөө.

— Іджыд аттьё *Тіянлы!*

Сёрнитіс А. Полугрудов.



Из сайысъ Венъё Ярко Юрё

1996 вося март 7 лунё нималана коми учёной-фольклорист Юрий Герасимович Рочевлы тыри эськё 60 арёс. Но эз мойви сылы овны юбилейдзыс нэль тёлтись: күліс 1995 вося октябрь 29 лунё съёлом ви-съомысъ. Уна творческой кёсийм Ю.Г.Рочев нуис аскёдыс олёмсыс, паном нин уджъяссö эштöдны удиттöг. Сиктса зонка олёмас пройдитис съокыд туй да быдмис коми учёной-фольклористöдз, ыджыд специалистöдз.

Ю.Г.Рочев чужліс Об дорса Мужи сиктын, изъваса комияс семьяын. Батьыс сылон, Герасим Венидиктович, медводдза мировой война вылын вёвлом морт, фельдшераліс, отсаліс йöзыслы лун и вой, и сиктсаяс ёна пыдди пунктисны сийös. Мукöддýрии ковмыліс вöчны весиг неыджыд операцияс. Унджык кадсö сийö колльöдліс тундраын, кöрдорсаяс дорын. Ю.Г.Рочевлон мамыс, Мария Пантелеимоновна, верöссыс 18 арёсён томджык, век отсасис сылы, вöлі сыкод туяс. Челядьсö, нэль вокös, быдтис бабыс, Васса Фёдоровна Копова. Зэв бур ань, шань, дöзьбритись, сийö ёзтис Юра внуки съёломас йöз кост культуры динё, народно-поэтической традиции динё ыджыд муслун.

Сизим арёсаён на зонка гижöдчö Мужиса библиотекаö и öти воён лыддьё сэтысъ став небöгсö. Школаас Юра ветлöдлö гимнастика вылö, гожёмнаас велöдчö варччыны. Вочасон сийö лоö зэв бур варччысъён, кокныда уйö паськыд Об ю.

Ыджыд семьяын быдмигён Юра ёртасис сыйысъ кык арёсён ичötджык Владислав вокыскöд. Олём чёжыс коли на костын топыд йитöд. Юра велöдис вит арёса воксо лыддышысъны. Из сайё, Сибирё мунлём изъваса комияс олисны хантъяс, манси да яранъяслён му вылын. И, дерт, сылы съёломдзыс сидзисны сэтчöс йöз йылтысъ мамыслён ыazzöдана висътасъёмъясыс.

Дас класс помалём бöрын Юра мунё Свердловскö да пырё уджавны заводö. Сэтысъ сийös босытёны армияö.

Армиясъ локтöм бöрас, армияса паськёмнаас на, зон локтис Сыктывкарö да пырис велöдчыны коми пединститутён историко-филологической факультетö.

Студенталомсяныс нин сылон чужёны проблемаяс, кодъясöс веннысö сийö эз вермы став олём чёжыс. Олёмас Юра вöлі кыпыд, веськыд, принципиальнöй, зиль, енбия мортон. Но вöлі сылон мёвпъясын мыйкё дзебана, мукöдислы гёгөрвотом, а наён зон



некодкёд эз юксыв, став съоқыдлун пырыс зилис вуджны ачыс ас кежас. Б.А.Филиппов ёртыслы комын куим во сайын гижалом письмёйн (сийос абу и мёддёллома) Ю.Рочев восьтышто пытшёсса мөвпъяссö: «...мейн гусьён веськёдлө судьбалён киыс, и ог тёд, мый вермас лоны мекёд некымын толысь мысти». И водзё на сэсся пасий: «...век на сэтшом жё туйтём, падъялысь, ичот мывкыда».

Чайтсёй: Ю.Г.Рочев оліс зэвтчом съёлёмён. Студенталан кадсяныс нин оланногыс сылы эз кажитчи, весиг кёсйыліс босытны академической отпуск да ветлыны кытчёкө во кежло шойчышты, чөвтны пытшыс став майшёдланасо, кыптышты ловнас. Но тайё сылон эз артмы. Кызды ачыс гижё: «медся тёдчана здукас судьбалён киыс усыльвліс менам юр вылө да бёр личкыліс студентъяслон лабич бердö». Но шогъяснас юксигён оз гиж помкаяс йывсыыс.

Институтас Ю.Г.Рочев тёдмасис студентка Галина Клубкова-кёд, коді лои сылон гётырён. Сёом тырмытёмла Юра вуджис велёдчыны заочной да 1962 вося январын пырис уджавны младшой лаборантон СССР-са Наукаяс академиялён Коми филиалса кыв да литература отделё. Сәні и уджаліс сэсся олём помёдзыс, 33 во.

1964 воын, институтсö помалём борын, Ю.Г.Рочевөс вуджёдёны младшой научной сотрудникю, коні сийё регыдъя кадён и петкёдліс ассысö коми фольклор вежёра таялышыон. Аспирантураас пыртёдз Ю.Г.Рочев ветліс куим фольклорной экспедицияю, чукортіс ыджыд тёдчанлуна научной материала.

А.К.Микушев, Е.Г.Гуляев, Ф.В.Плесовский котыро веcька-лём борын Юрий Герасимович пырёдчис важён нин кыскыс творческой уджё, босытчис таявны коми фольклор. А.К.Микушев, ачыс том жё на, но опытаджык нин, корсис енбия том йёзёс, юксис тёдомлунъяснас, ышёдіс найёс. Ю.Г.Рочев — сылон мед-воддза аспирант. А.К.Микушев дыр да личёдчывлытог уджаліс том учёнойкёд, бергёдліс сы дінись шогъяссö, унаись дорыйліс ыкша йёзлөн усыласигён, босытліс ас вылас кыв күтёмсö. Кызды пасыйвліс А.И.Туркин, не кё А.К.Микушев, Юрий Рочев эз эсъю вермы помёдз восытны ассыс сямсö. А.К.Микушев отсёгён Ю.Г.Рочевлон петавліс некымын книга. Мортыс кыптіс сямнас да лоис велёдьсиссö бур вежыссыон, а велёдьсиссёлөн кулом борын колис коми фольклорын медшор специалистон.

Ю.Г.Рочев аспирантнас на таяліс да чукортіс комияслыс челядьлы фольклор. Вензисны весиг, вермас-о чукортны кандидатской диссертацияслы материалсö. Но том учёной уджаліс ассысö жалиттог, материалыс öкмис уна, выль жанръяс вўзйымён: «чукасянкывъяс», «песни-сказки», «частушкаас» да с.в. Диссертацияас видлавсёй челядь фольклорлон 20 жанр. Уджыс артмис кандидатской диссертациясь ыджыддыхыкён. Тайё жё кадас сийё дасытö «Детские песни и сказки коми» гижёд чукёр. Книгаон петис 1969 воын Коми книга ләдзанынын. 1974 воын Юрий Герасимович дорий диссертациясö Мордваса госуниверситетын.

Пасыкыд тёдомлунъяс петкёдліс Ю.Г.Рочев мукод коми фольклористъяскёд куим тома коми сыланкывъяс чукортіглоссёдігён. Коми АССР-лон Госпремияон донъялісны А.К.Микушев да П.И.Чисталёв юрнуодом улын уджалыс авторъяссо, на лыдын — Ю.Г.Рочевөс.

Коймод томё, воддзаясис моз жё, пырисны сыланкывъяслон

классической вариантыас. Унатор ковмыліс сточмодавны, уна вариантыасысь коліс бөйыны медся пасъкаломасо. Изъваса культура, сылон фольклорной традицияас туялём-велодёмын сысысь кындзи специалист эз вёв. Юрий Герасимовичлон ыджыд мывкыдыс, фольклорно-этнографической тодомлунтьасыс тшоктисны сылы видлавны став строчекасо некымын пёв, медым став вуджодомыс волі сточ. Отсогыслы тшокыда ковмыліс шыодчылыны Мужиё. Ю.Г.Рочевлон юаломъяс вылө вокыс го-горвоодліс тодтом кывъяссо, шусъогъяссо. Сыланкывъяасас весиг волі пасио кутшомсюр этнографической сточмодомъяс.

Лекцияас лыддигас Юрий Герасимович петкодлана материал пыдди радейтліс сывны. Артмывліс бура. Сійөс нимкодьпрысь кывзінсни студентъяс да унасьс корлывлісни сывны мёдыс.

Ю.Г. Рочев радейтіс сывны и гажодчан да праздник лунъясо. Тодіс сійө и уна романс, кодъясоң коркө важён нин кывлывліс Мужиас на дорын олыс нывбабасиян. Нимкодьпрысь сыліс коми сыланкывъяас, комиодліс унаос роч вылыс да ачыс жо и сыввліс медводз йоз водзын. Уна вояс чоҗ выступайтліс Наукаяс академияса Коми филиал бердын академической хорын. Авъя морт кужис ёртасыны, ставос пуктіс пыдди, некодос эз дойдлы. Бур съёломнас унатор пропттайтліс, сомын и шулывліс корсюрё «ёлки-палки». Оліс лоня, вежавидзана, кывзысяна, вышитчытог, вензытог. Торъя нин сылы мустомосяс воліны йоз лолын да оломуын гудрасысысьас, суклясысысьас, кодкө йылыс мыйко унджык тодны көсийсисяс. Медся гуся мөвпъяснас юксывліс сомын дневникискод, кодос нуодіс олём чоҗыс.

Юрий Герасимовичлы ёна воис съёлом вылас важ оломуясь корсысяна научной удж. И волі зэв нимкодь, кор петіс «Ижма и Печора» сыланкывъяаса небог, кодос чукортом-дасытом вылас пуктыліс уна вын да кад.

Коми сыланкывъяас вылын уджсо эштодом борын фольклор таялыссыас, кытчо пырис и Юрий Рочев, литературоведъяскод ѡттшотш босытчисны лосьёдны куим тома «История коми литературы». Изданиесө панігён фольклор юкёнö А.К.Микушевкод, Ф.В.Плесовскийкод да П.И.Чисталёвкод ѡтмоз ыджыд пай пуктіс Ю.Г.Рочев. Отывы учёнойяас гижисны «История собирания и издания коми фольклора», «Лирические песни», «Детский фольклор», «Фольклор советского периода» юкёнъяс. Таись отдор Юрий Герасимович пырёдчо и литературоведениео, гижё статьяас: «Детская коми литература 20-х годов», «Детская коми литература 30-х годов», «Послевоенная детская коми литература», «Владимир Архипович Ширяев». Вылын квалификация специалистон волі Юрий Герасимович челядьлы литература лосьёдігён.

Коми фольклорын учёнойо ёна кыскисны пёшти видлавтوم на легендаяс, преданиеяс, былинаяс, бывальщинаяс. Рочев пуктё ас водзас мог: чукортны тайо фольклорной темаясыскод йитчом мёдся тшокыда паныдастьлыс жанръяссо да ләдзны пасъкыд комментарийяаса научной сборник, кодос эсъко вермисны лыдьины и комияс, и рочьяс. «Коми легенды и предания» сборникис петіс Коми книга ләдзанінын 1984 воын. Сійө ѡтутвіс 172 шёр текст, уна вариант пыртому комментарийясо. Кызвын материал со автор чукортіс 1962—1978 воясё да йозодіс медводдзаён на. Од коми фольклористыкаын татшом сяма изданиеыс эз на вёв.

Интереснойон воліны чудь йылыс преданиеяс. Ю.Г.Рочев гижё

тезисъяс, а сэсся йёзёдö «Национальная специфика коми преданий о чуди» препринт. Сы вылö жö мыджьёмён лыддö и финно-угроведъяслён VI международной конгресс вылын доклад. Тайö жö воясас учёной гижö «Жанр несказочной прозы коми» монография.

Нималана нин учёной-филолог водзö туяліс и челядьлы фольклор. «Этнография и фольклор коми» (1972 во), «Этнография и фольклор коми» (1976 во), «Межнациональные связи коми фольклора и литературы» (1979 во), «Национальное и интернациональное в коми фольклоре и литературе» (1982 во), «Идейно-эстетическое взаимодействие коми фольклора с культурой народов СССР» (1985 во), «Жанровое развитие коми фольклора и литературы на современном этапе» (1988 во), «Общее и особенное в жанрах коми фольклора и литературы» (1991 во), «Жанр сказки в фольклоре народа коми» (1992 во) — научной уджъяссö йёзёдліс «Труды ИЯЛИ» сборникъясын. Некымын статья печатайтлісны Венгрияны, Финляндияны, Австрияны. Коми книжной издательствоын 1988 воын петаліс «Коми челядьлын важ ворсомъяс» да 1991 воын — «Коми мойдъяс» небöгъяс. В.И.Лыткинкод ётылысь, выль текстологической подув вылын, Юрий Герасимович лöсöдіс И.А.Куратовлысь, поэтлы 150 арös тыригкежлас, Е.С.Гуляевон дасытом гижöдъяссö. Найö петісны 1989 воö «Коми гор» небöгын.

Наукаын торъя уджён позьё шуны литературоведъяс, фольклористъяс, этнографъяс, вузъясса велöдысьялысь, Ю.Г.Рочевоñ рецензируйтöм уджъяс. Найö вölіны коланаöс, научной подулайтесь.

Ю.Г.Рочев ветлывліс регионъясса да союза финн-угор фольклор конференцияс, международной форумъяс вылö, лыддис докладъяс. Тысын кындзи, отсаліс котыртавны научно-практической конференцияс, Куратовлы, Савинлы, Лыткинлы, Чисталёвлы сиём лыддысомъяс, лыддис сэні докладъяс, отсаліс йёзёдны научной материальяссö.

Учёной ёна тёждысис войтырös йёзкостса творчествоон тёдмёдём вöсна. «Красное знамя», «Коми му», «Югыд туй» газетъясын, «Войывк кодзуവ» журналын да нöшта уналаын на сылон петавліс уна научно-популярной гижёд. Карса да сиктса йёзлы фольклорист лыддылы вель уна лекция, тшöкыда выступайтліс и радио да телевидение пыр. Тысын кындзи Юрий Герасимович велöдіс Сыктывкарса университетын да коми педагогинститутын коми фольклор да челядьлы литература, ветлывліс студентъяскöд фольклор чукортан экспедициясö.

Войывса этша лыда войтыръялысь оланногсö да культурасö тёдмалігён чукортом материалыс сетісны позянлун Юрий Герасимовичлы гижны-дасытыны докторлысь диссертация. Учёной водзö вылö медся коланаён лыддис видлавны археология, лингвистика, история да фольклор подув вылын комиялысь, иззваса комиялысь, хантъялысь, мансильысь да яранъялысь фольклор традицияс генетической вужъяссö, откодьлунсö. Но Юрий Герасимович да сылон вöвлöм веськёдлыш А.К.Микушев унаторийын дугдисны гёгöрвоны öта-мёднысö, водзö туясъём вылас видзёдисны эз откодя.

Юр жугёдана быд лунъя научной, мёвпалана удж. Топёдны күтіс мортыслысь сьёлёмсö... Наукаясса докторон Ю.Г.Рочев сізд эз и ло, коты диссертацияс вölі зэв джуджыд да паськыд. Юр

ывв тыр уджыс, кад тырмытёмыс да съоқыд висьомыс ылыштесны-
падмёдісны диссертациясö дорийсъомсыс.

Майшёдліс Ю.Г.Рочевös и сійö, мый Санкт-Петербургса да Сыктывкарса архивъясын да музейясын, Коми научной центрын чукормис йозлы пасъыда со төдтөм уна фольклорной текст, торйон нин мойдъяс. Тодмасыны наён вермисны сомын лыда йоз. Юрий Герасимович арталіс, мый татшом материалсо быть коло лэдзны научной сборникон, торъя книгаён. Тайё, учёнойлён чайтём серти, онія фольклористикалён медшёр могыс. Медся ёна сійö көсийс лосьодны коми фольклорлыс ыджыд, подулалом академической издание, и панны сійös коми мойдъяса небогъяссянь. Тайё вермис эсько лоны коми учёнойяслён финн-угор фольклористикао медыджыд пайнас. Но боръя көсийомсо мортыс збыльмёдны эз удит.

Торйон коло гарыштын Юрий Герасимовичлон кулём борас кольом полевой дневникъяс йывсыс. Сійö чукортіс материалсо Комиысь отдор уналаусы на. Эз отчыд ветлывлы Сибирын олысъ комияс ордö, яранъяс, хантъяс, манси ордö. Ю.Г.Рочевон чукортом материалыс зэв колана наукалы. Сійö отсалас гёгёрононы бокö муном изъваса комияслыс да угро-самодийской войтыръяслыс исторической йитёдъяссö. Чукортомсо воштомуыс лоас Об дорса войтыръяслыс зэв важ культурасо да волысъомъяссö тодмаломын бергёдны позтём воштомуон. Медым позис вётитчыны тайё материалнас, коло сійös йозодны, а рукописъяссö сетны Коми научной шёринлон Научной архиво.

Топыд йитёдъяс Ю.Г.Рочевлон воліны и Мужиса краеведческой музейкод. Сійö отсаліс пасъодны музейлысъ фондъяссö. Сэні, чайтам, некор оз вунодны чужанінсö, ас войтырсö радейтыс землякныс.

Юрий Герасимовичос тодысъ йозлён вежёрын тайё авъя ыджыд учёнойыс пыр кежлö коляс бур ёртён, прёстой, некодлы нином вылö норасыны сяммытём, небыд съёлёма мортён. Эз отчыд сійö выль пёв панлы олёмсö, пырёдчыліс спорто, котраліс кык часон сутки, ворсіс волейболон, шахматон, тшёкыда петавліс вёр-вао, радейтіс вотчыны. Пенсия вылас петём борын көсийис видзыштын Катя внучкасö, но удитіс сывны сомын потандорса некымын сыланкыв. Судьбасылён вына киыс эз сет мортыслы портны олёмө весиг шойчыштана, морос кудсö шонтана көсийомсö.

Любойё ёртö, Юрий Герасимовичö,
Он нин тай тэ шыасьлы некор,
Гажа сёрнинад миянöс он гажёдышт.
Огö нин ми аддзылöй некор
Бур да мелі видзёдластö тэнсыыд.
Видзысътöг тай тэ мунин миян дорысь.
Некор аддзысылытём вылö.
Водтёдісны тай тэнö куйлыны
Кыз му улö, пыдö дзебисны,
Пуктісны му пыдёсас,
Пу иганъяснас игналісны да
Немеч томаннас томналісны.
Векёвечнй мestaас
Бур йозыс да бур ёртъясыд
Тэнö пуктісны.
Ставныс тай колльёдісны тэнö
Съёлёмтырнас шогсъомын да жалитомын.
Быдёнлы колин тэ юр садяс нэм кежлö
Бур ёртён да бур мортён.

Аслад нэм чёжнад тай тэ
Мудэлтийг мырсин-страдайтін,
Майшасин-висин съёлёмнад
Аслад дона удж вёсна,
А сёмын тшук
Кык пёв пасьта местасö и нажёвитін.
Вечиö тай лоё эссея тэнайд
Сырой земля-матиас куйлыны.
Пасибö, сё пасибö тэнайд
Быд бурыд вылö,
Юрси йывсяныд да кок чунь йылодзыд.

□ □ □

Веськёдом:

Журналлон тавося 7-од номерын петаліс Е.А.Нестеровлон статья — «Коми печатьлын медшор вектасъяс». 69-од лист бокын увсяныс коймод абзацын коло лыддыны: В.А.Савинёс да В.Н.Лыткинёс 1918 воын пыртісны «Зырянская жизнь» газетлон редколлегияю.


*Журналын йёзбөдтөм гижёдъяс
редакция оз рецензируйт и авторыслы найос оз мёддөд*

Техн. редактор **А. Одинцов.**

Корректор **Е. Панюкова.**

Адрес редакции: 167610, г. Сыктывкар, Дом печати, комн. 26
Телефоны редакции: 42-47-52 (гл. редактор), 42-51-52 (отв. секретарь).

Подписано к печати 12.10.2000. Формат 70x108^{1/16}. Печать офсетная. Усл. печ. л. 7; усл. кр.-отт. 5,64; учетно-изд. л. 7,54. Тираж 1513. Заказ № 6510. Регистр. № Ф0095.
ОАО «Коми республиканская типография», 167610, г. Сыктывкар, ул. Первомайская, 70.



Журналлён чужомбап вылын — В. Т. Чисталев (Тима Венъ).
Серпасалыс Г. Шарипков.

Обложкаяс вылын снимокъясыс Г. Лисецкийлон.

Индекс 73069

Доныс сёрнитчём серти.